

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA DVADESETE SJEDNICE GRADSKOG VIJEĆA TUZLA ODRŽANE 27.
OKTOBRA 2022. GODINE U POSLOVNOM OBJEKTU „GRAFIČAR“ SA
POČETKOM U 10,00 SATI.**

- SJEDNICI PRISUSTVUJE 31 VIJEĆNIK.

U Tuzli, oktobar 2022. godine

NATAŠA PERIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 20. redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 30 od ukupnog broja vijećnika, što je dovoljno za punovažan rad i odlučivanje. Vijećnik Omer Berbić još uvijek nije došao. Pretpostavljam da samo kasni. Evo dolazi Omer. U redu. Evo. Znači, 31 vijećnik.

Podsjećam vijećnike da su uz materijale za današnju sjednicu dobili zapisnik, a svaki Klub vijećnika i Stenogram sa 19. redovne sjednice Gradskog vijeća Tuzla, održane 15.09.2022.

Da li ima primjedbi na zapisnik sa 19. redovne sjednice Gradskog vijeća Tuzla? Ako ne, pozivam vijećnike da se izjasne o zapisniku.

Pauza pet minuta dok se reguliše. (Pauza).

Nastavljamo sa radom da probamo, znači, izjašnjavamo se o zapisniku sa prethodne sjednice Gradskog vijeća. Molim vijećnike da se izjasne.

Glasanje je okončano.

Konstatujem da je Zapisnik sa 19. redovne sjednice Gradskog vijeća Tuzla, održane 15.09. usvojen sa

25 glasova za, nije bio protiv i nije bilo suzdržanih.

Za današnju 20. redovnu sjednicu Gradskog vijeća predlažem Dnevni red koji ste dobili u materijalu za sjednicu.

Kolegij Gradskog vijeća Tuzla na 24. redovnoj sjednici, prilikom definisanja Dnevnog reda današnje 20. redovne sjednice Gradskog vijeća Tuzla, predložio Gradskom vijeću da se tačka vijećnička pitanja i inicijative, zbog današnje rasprave o Nacrtu Budžeta Grada Tuzla za 2023. razmatra kao zadnja tačka Dnevnog reda, a da se ostale tačke redoslijedom pomjere.

Molim vijećnike da se izjasne da se izjasne o prijedlogu Kolegija.

Glasanje je okončano.

Konstatujem da je prijedlog Kolegija Gradskog vijeća Tuzla, da se u Dnevnom redu 20. redovne sjednice Gradskog vijeća Tuzla, tačka VIJEĆNIČKA PPITANJA I INICIJATIVE razmatra kao posljednja tačka Dnevnog reda, a da se ostale tačke redoslijedom pomjere, usvojene sa

23 glasa za, 4 su bila protiv i 1 suzdržan. Dobro.

Gradonačelnik Grada Tuzla je 21.10.2022. godine dostavio prijedlog da se Dnevni red 20. redovne sjednice Gradskog vijeća Tuzla dopuni tačkom pod nazivom:

RAZMATRANJE I DONOŠENJE:

a) RJEŠENJA O RAZRJEŠENJE PREDSJEDNIKA KOMISIJE ZA UTVRĐIVANJE PROMETNE VRIJEDNOSTI I NEPOKRETNOSTI I PRAVA

b) RJEŠENJA O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA.

Prijedlog gradonačelnika ste dobili u materijalu podijeljenom pred početak sjednice.

Stavljam na izjašnjavanje prijedlog gradonačelnika da... (vijećnik Omer Berbić govori bez uključenog mikrofona op.a.) Može. (vijećnik Omer Berbić govori bez uključenog mikrofona op.a.) Može. Pozivam ispred Službe. (SLAĐANA KRAJINA – Stručna služba vijeća i Stručna služba gradonačelnika.) Molim? (SLAĐANA KRAJINA – Stručna služba vijeća i gradonačelnika.) Molim nekog ispred Stručne službe vijeća ili Stručne službe gradonačelnika da da uvodno izlaganje, samo da upozna vijećnike o čemu se radi. Gospđa Mediha Nuhbegović. Izvolite. Ispred Stručne službe Gradskog vijeća.

MEDIHA NUHBEGOVIĆ – Rukovodilac Stručne službe Gradskog vijeća

Dobar dan. Pozdravljam sve vijećnice i vijećnike Gradskog vijeća Tuzla. Ovdje se radi o tome da je kolegica Dijana Islamović, koja je inače predsjednica Komisije za utvrđivanje prometne vrijednosti nepokretnosti i prava iz ličnih razloga podnijela ostavku. S obzirom da Komisija ne može da bude bez prez predsjednika, mi smo predložili ispred Službe za budžet i finansije, gospođu Zemiru Mujanović i mandat ove predsjednice koja treba da bude iziabrana, traje tamo negdje do maja mjeseca, dokad traje i mandat ove Komisije. Dakle, iz tehničkih razloga da ne, ovaj, onemogućimo rad Komisije.

NATAŠA PERIĆ

U uredu. Hvala.

Stavljam na izjašnjavaње pod

a) RJEŠENJE O RAZRJEŠENJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI I NEPOKRETNOSTI I PRAVA

b) RJEŠENJE O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA. (SLAĐANA KRAJINA – I predlažem da se razmatra kao tačka 11. Dnevnog reda.) i predlažem da se razmatra kao tačka 11. Dnevnog reda, a da se ostale tačke redosljedom pomjere i molim vijećnike da se izjasne.

Glasanje je okončano.

Konstatujem da je prijedlog gradonačelnika Grada Tuzle da se u Dnevni red 20. redovne sjednice Gradskog vijeća Tuzla dopuni tačkom pod nazivom

RAZMATRANJE I DONOŠENJE:

a) RJEŠENJA O RAZRJEŠENJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI I NEPOKRETNOSTI I PRAVA

b) RJEŠENJA O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI ZA NEPOKRETNOSTI PRAVA, usvojen sa 27 glasova za, niko nije bio protiv i 1 suzdržan.

Navedena rješenja će se razmatrati kao tačka 11. Dnevnog reda. Poslovnička. Mensur Alić. Izvolite.

MENSUR ALIĆ – vijećnik Tuzlanske alternative

Mi smo ovu tačku stavili, stavili u Dnevni red. Ja samo postavljam pitanje. Da li mora biti uposlenik Gradske uprave predsjednik komisije ili može bit neko drugi ko nije u radnom odnosu u Gradskoj upravi? (NATAŠA PERIĆ - Evo zamolićemo gospođu Nuhbegović.) Da mi se odgovori samo na to pitanje. (SLAĐANA KRAJINA – Svi moraju biti članovi, propisano odlukom.) Ne može bit ko nije zaposlen u Gradskoj upravi. To samo da znam. Ništa drugo.

MEDIHA NUHBEGOVIĆ – Rukovodilac Stručne službe Gradskog vijeća

Dakle, Odlukom koje je Gradsko vijeće donijelo kada je formiralo ovu komisiju propisano je da i predsjednik i svi članovi komisije moraju biti uposlenici Gradske uprave, da se imenuju iz reda državnih službenika.

NATAŠA PERIĆ

U redu. Hvala vam. Vijećnik Senad Mehmedinović je predložio da se u Dnevni red 20. redovne sjednice Gradskog vijeća Tuzla uvrsti tačka pod nazivom DAVANJE PODRŠKE

MREŽI ORGANIZACIJA CIVILNOG DRUŠTVA – PARTNERSTVO ZA INKLUZIVNO OBRAZOVANJE U BORBI ZA BOLJI STATUS PORODICA DJECE SA INVALIDITETOM.

Prijedlog vijećnika Mehmedinovića ste dobili u materijalu nesporedno pred početak sjednice. Jel želite da obrazložite, al ima u materijalu, al evo ako hoćete?

Molim vijećnike da se izjasne o prijedlogu vijećnika Senada Mehmedinovića.

Glasanje je okončano. Konstatujem da je prijedlog vijećnika Senada Mehmedinovića da se u Dnevni red 20. redovne sjednice Gradskog vijeća Tuzla uvrsti tačka pod nazivom DAVANJE PODRŠKE MREŽI ORGANIZACIJA CIVILNOG DRUŠTVA – PARTNERSTVO ZA INKLUZIVNO OBRAZOVANJE U BORBI ZA BOLJI STATUS PORODICA DJECE SA INVALIDITETOM usvojen sa

29 glasova za, niko nije bio protiv i nije bilo suzdržanih.

Navedeni prijedlog će se razmatrati kao tačka 12. Dnevnog reda, a ostale tačke se redosljedom pomjeraju.

Sada stavljam na izjašnjavanje cjelokupni Dnevni red današnje sjednice Vijeća.

Glasanje je okončano. Konstatujem da je cjelokupni Dnevni red usvojen sa

28 glasova za, niko nije bio protiv i 2 suzdržana.

D N E V N I R E D

- Usvajanje Skraćene verzije Zapisnika sa 19. redovne sjednice Gradskog vijeća Tuzla, održane 15.09.2022. godine

1. RAZMATRANJE I USVAJANJE:

a) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. - 31.12.2022. GODINE

b) ODLUKE O DOPUNI ODLUKE O IZVRŠAVANJU BUDŽETA GRADA TUZLE ZA 2022. GODINU

c) NACRTA BUDŽETA GRADA TUZLA ZA PERIOD 1. 1. - 31. 12. 2023. GODINE

d) NACRTA ODLUKE O IZVRŠAVANJU BUDŽETA GRADA TUZLA ZA PERIOD 1.1. - 31.12.2023. GODINE

e) ODLUKE O NAČINU PROVOĐENJA JAVNE RASPRAVE

f) IZVJEŠTAJA O IZVRŠENJU BUDŽETA GRADA TUZLA ZA PERIOD 1.1. - 30.6.2022. GODINE

g) IZVJEŠTAJA O KORIŠTENJU SREDSTAVA TEKUĆE REZERVE BUDŽETA GRADA TUZLE ZA PERIOD 1.1. - 30.6.2022. GODINE

h) IZVJEŠTAJA O IZVRŠENJU BUDŽETA GRADA TUZLA ZA PERIOD 1.1. - 30.9.2022. GODINE

i) IZVJEŠTAJA O REALIZACIJI ODOBRENIH INVESTICIJA GRADA TUZLE ZA PERIOD 1.1.-30.6.2022. GODINE

2. RAZMATRANJE I USVAJANJE:

a) NACRTA IZMJENE REGULACIONOG PLANA PROSTORNE CJELINE “GRABOV POTOK “ U TUZLI

b) NACRTA ODLUKE O PROVOĐENJU IZMJENE REGULACIONOG PLANA PROSTORNE CJELINE “GRABOV POTOK “ U TUZLI

c) PROGRAMA JAVNE RASPRAVE O NACRTU IZMJENE REGULACIONOG PLANA PROSTORNE CJELINE “GRABOV POTOK “ U TUZLI

3. RAZMATRANJE I USVAJANJE ODLUKE O DOPUNAMA ODLUKE O PROVOĐENJU REGULACIONOG PLANA ZBR „IRAC JUG – I FAZA“ U TUZLI.

4. RAZMATRANJE I USVAJANJE ODLUKE O IZMJENAMA I DOPUNAMA ODLUKE O KOMUNALNOM REDU

5. RAZMATRANJE I USVAJANJE:

a) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM RADNIČKOM SPORTSKOM DRUŠTVU “SLOBODA”

b) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM SPORTSKOM DRUŠTVU ZA ODGOJ I ZAŠTITU GOLUBOVA "TUZLA

6. RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA (sa tekstom Javnog oglasa)

b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA

c) RJEŠENJA O IMENOVANJU KOMISIJE ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA

7. a) RAZMATRANJE INFORMACIJE KOMISIJE O PROVEDENOM POSTUPKU JAVNOG OGLAŠAVANJA ZA IZBOR I IMENOVANJE PREDSJEDNIKA UPRAVNOG ODBORA JZU "GRADSKE APOTEKE TUZLA" SA RANG LISTOM NAJUSPJEŠNIJIH KANDIDATA

b) DONOŠENJE RJEŠENJA O KONAČNOM IMENOVANJU PREDSJEDNIKA UPRAVNOG ODBORA JAVNE ZDRAVSTVENE USTANOVE "GRADSKE APOTEKE TUZLA"

8. RAZMATRANJE I USVAJANJE:

a) ODLUKE O PREDHODNOJ SAGLASNOSTI NA ODLUKU O IZMJENI I DOPUNI PRAVILA JAVNE USTANOVE ZA PREDŠKOLSKI ODGOJ I OBRAZOVANJE "NAŠE DIJETE" TUZLA

b) ODLUKE O DAVANJU MIŠLJENJA ZA OKVIRNI PRILAGOĐENI PROGRAM PREDŠKOLSKOG ODGOJA I OBRAZOVANJA (SMJERNICE ZA RAD) JAVNE USTANOVE ZA PREDŠKOLSKI ODGOJ I OBRAZOVANJE "NAŠE DIJETE" TUZLA

9. RAZMATRANJE I USVAJANJE ODLUKE O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA

10. RAZMATRANJE I USVAJANJE IMOVINSKO PRAVNIH ODLUKA I RJEŠENJA:

a) ODLUKE O POTREBI NEPOSREDNE ZAMJENE NEKRETNINA U VLASNIŠTVU GRADA TUZLE

b) ODLUKE O POTREBI PRIBAVLJANJA NEKRETNINE U VLASNIŠTVU GRADA TUZLA

c) RJEŠENJA O IMENOVANJU KOMISIJE ZA PROVOĐENJE POSTUPKA PREGOVARANJA ZA PRIBAVLJANJE NEKRETNINE U VLASNIŠTVU GRADA TUZLE

11. RAZMATRANJE I DONOŠENJE:

a) RJEŠENJA O RAZRJEŠENJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA

b) RJEŠENJA O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA

12. DAVANJE PODRŠKE MREŽI ORGANIZACIJA CIVILNOG DRUŠTVA (OCD) – PARTNERSTVO ZA INKLUZIVNO OBRAZOVANJE U BORBI ZA BOLJI STATUS PORODICA DJECE SA INVALIDITETOM

13. UTVRĐIVANJE PREČIŠĆENOG TEKSTA ODLUKE O DAVANJU U ZAKUP POSLOVNIH ZGRADA, PROSTORIJA I GARAŽA

14. RAZMATRANJE IZVJEŠTAJA KOMISIJE ZA IZBOR I IMENOVANJA

15. TEKUĆA PITANJA

a) Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade Informacije o realizaciji aktivnosti na rješavanju stambenih problema raseljenih lica i socijalne kategorije stanovnika

16. VIJEĆNIČKA PITANJA I INICIJATIVE

NATAŠA PERIĆ – predsjedavajući Gradskog vijeća Tuzla

Prelazimo na prvu tačku Dnevnog reda.

RAZMATRANJE I USVAJANJE POD:

a) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. - 31.12.2022.

b) ODLUKE O DOPUNI ODLUKE O IZVRŠAVANJU BUDŽETA GRADA TUZLE ZA 2022. GODINU

c) NACRTA BUDŽETA GRADA TUZLA ZA PERIOD 1. 1. - 31. 12. 2023.

d) NACRTA ODLUKE O IZVRŠAVANJU BUDŽETA GRADA TUZLA ZA PERIOD 1.1. - 31.12.2023.

e) ODLUKE O NAČINU PROVOĐENJA JAVNE RASPRAVE

f) IZVJEŠTAJA O IZVRŠENJU BUDŽETA GRADA TUZLA ZA PERIOD 1.1. - 30.6.2022.

g) IZVJEŠTAJA O KORIŠTENJU SREDSTAVA TEKUĆE REZERVE BUDŽETA GRADA TUZLE ZA PERIOD 1.1. - 30.6.2022.

h) IZVJEŠTAJA O IZVRŠENJU BUDŽETA GRADA TUZLA ZA PERIOD 1.1. - 30.9.2022. GODINE

i) IZVJEŠTAJA O REALIZACIJI ODOBRENIH INVESTICIJA GRADA TUZLE ZA PERIOD 1.1.-30.6.2022.

Predlag...(vijećnik Omer Berbić govori bez uključenog mikrofona op.a.) Poslovnička. Izvolite. Omer Berbić.

OMER BERBIĆ – vijećnik Naše stranke

Samo ako sam shvatio. Znači, mi ovdje imamo jedan, dva tri četiri, pet, šest, sedam, osam, devet pod tačaka na ovoj drugoj tački. Kako mi sad dobijamo opet ono standardno vrijeme kao kad pričamo o jednoj tački? (NATAŠA PERIĆ – Da. Da. Po Poslovniku.) Ja mislim da to zaista nije korektno, s obzirom na činjenicu da je ovo samo pola od dokumenata koje smo dobili. Znači, preko, sigurno ima preko, preko tristo stranica koje mi treba sad da analiziramo za isto vrijeme kada analiziramo naj običniju odluku koja ima dvije stranice. Vrlo je nekorektno da se ovako postavlja, ovaj, jedna tačka gdje imamo devet zasebnih tačaka unutar jedne tačke, od kojih svaka zaslužuje da se pomno istraži i da se pomno o njoj diskutuje. Jer ne može, ne bi trebalo da bude moguće da mi sada rebalans radimo, diskutuju, pa na nacrt radimo diskutuju, pa na izvršenje budžeta, pa na, ne znam tekuću rezervu ajd, koja je okej ovdje, pa realizaciju odobrenih sredstava, investicija i tako dalje. Nevjerovatno je i nemoguće da to uradimo u ovom vremenu.

NATAŠA PERIĆ

U skladu s Poslovnikom član 70. stav 3. diskusija predsjednika ili predstavnika kluba može trajati do deset minuta, a diskusija vijećnika do pet. Znači, ja otvaram diskusiju po tački Dnevnog reda eto, a u okviru tačke... (OMER BERBIĆ - Znači, tu samo imate da odgovorite na ovu argumentaciju jer sam reko da ne možete devet tačaka, podtačaka staviti.) Ovo je po Poslovniku. Pa tražite izmjene Poslovnika. Sad je tako trenutno po važećem Poslovniku. (OMER BERBIĆ – A tako je kad vama odgovara da niko ništa ovdje ne priča.) Nemojte molim vas. Nemojte molim vas. Ovo su glasali, za ovakav Poslovnik su glasali vijećnici. Većina

vijećnika. I ovo je od prije, znači, ovo nije ni od ovog saziva posljednjeg, ovo je od prije. (OMER BERBIĆ – Nije sporno Poslovnik, ali ste trebali staviti dvije različite tačke Dnevnog reda za ovo.) Nije tačno, ovaj, i prije se glasalo ovako. I nije niko pravio pitanje. (OMER BERBIĆ – Ali nisu bile ovalike diskusije. Nisu bili diskusije od četiri budžeta na jednom budžetu. To nije prihvatljivo.) E pa zato što je sada vanredna okolnost. (OMER BERBIĆ – Kakva vanredna, molim vas?) Pa i bili su izbori i sve i nije se stiglo i et.

Predlagatelj je gradonačelnik znači ove tačke.

Obrađivač: Služba za budžet i finansije.

Materijal su razmatrali: Komisija za statutarna pitanja i propise pod a, b, c, i d, Komisija za ekonomske odnose, Komisija za poduzetništvo, molim vas za malo tišine, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Podsjećam vijećnike da su u dopuni materijala dobili mišljenje Ministarstva finansija Tuzlanskog kantona, broj 07/1-11-27907/22 od 21.10.2022. godine i broj 07/1-11-27908/22 od 21.10.2022. u skladu sa članom 33. stav. 2 Zakona o budžetima u Federaciji Bosne i Hercegovine kojim je propisano da su općinske i gradske službe za finansije prije dostavljanja Nacrta, odnosno prijedloga budžeta Općinskom, odnosno Gradskom vijeću obavezno je pribaviti mišljenje Kantonalnog ministarstva finansija u vezi sa planiranim prihodima i primicima i primjene fiskalnog pravila iz člana 43. ovog Zakona.

Obavještavam vijećnike da su amandmane na Odluku o izmjenama i dopunama budžeta Grada Tuzle za period 01.01. do 31.12.2022. godine, podnijeli vijećnik Admir Čavalić osam amandmana, klubovi vijećnika i vijećnici Gradskog vijeća, Klub vijećnika Socijaldemokratske partije Bosne i Hercegovine SDP BiH, Klub vijećnika Tuzlanske alternative, dva Kluba samostalnih vijećnika i vijećnik Hasib Hirkić četiri amandmana, vijećnik Omer Berbić dvadeset amandmana.

Podnesene amandmane ste dobili u dopuni materijala kao i mišljenje gradonačelnika Grada Tuzle u vezi sa podnesenim amandmanima. Podsjećam da je članom 127. stav 3. Poslovnika Gradskog vijeća propisano da se amandman na prijedlog odluke podnosi najkasnije tri dana prije dana određenog za održavanje Gradskog vijeća, na kojoj će se raspravljati o donošenju odluke, a izuzetno na sjednici Gradskog vijeća.

Vijećnik Omer Berbić je amandmane podnio 25.10. u jedan sat i četrdeset jedan sat. Isti su neblagovremeni, jer nisu podneseni u skladu sa članom 127. stav 3. Poslovnika, tako da ovim se nećemo ni izjašnjavati. (OMER BERBIĆ – Poslovnička.) Izvolite.

OMER BERBIĆ

Evo nije sporno, možete vi ovo odbiti, naravno iz protokolarnih razloga, ja ću ovo sve opet zaključcima kao što sam prošli puta uradio, ovaj, probat da stavim, ne probat, nego ću insistirati da se za svaki zaključak posebno glasa. Ali govorimo, tri dana govorimo mislim o jednom vremenskom periodu od 72 sata, ja sam 72 sata prije sjednice (NATAŠA PERIĆ – Niste.) podnio. Jesam 72 sata i 1 i 42 ujutro. Molim da se ljudima kaže. (NATAŠA PERIĆ – Ne piše 72 već 3 dana.) Samo sekunda, 3 dana, to je 3 dana. (NATAŠA PERIĆ – Nije tačno.) Okej, sad ulazimo u neke tehnikalice. Ja mislim da sam ja ispoštovao Poslovnik (NATAŠA PERIĆ – Niste.) jer mislite da ja nisam, oprostite, vi niste tumač. Ja ću tražiti, ovaj, (NATAŠA PERIĆ – Pa niste ni vi.) ja ću tražiti tumačenje. Pa ja govorim svoje mišljenje, a vi meni govorite tvrdnju. Ja ću tražiti o ovome da se očituje komisija, al bez obzira na to ja ću opet u Nacrtu budžeta za iduću godinu ovo isto predložiti i još ću podebljati sa jedno trideset četrdeset amandmana, a ovo ću probat zaključcima da riješim (NATAŠA PERIĆ – To je vaše pravo.), ovaj, i, i, i, mislim, evo ako Gradska uprava radi u 1 i 42 ujutro pa nisu mogli blagovremeno da se očituju o mojim amandmanima, nije ništa sporno, samo jedan dokaz da mi iko ovdje

dokaže da iko u Gradskoj upravi radi pet do četiri popodne, osim možda ovaj naše Službe kada su vanredne okolnosti. Hvala ljepo.

NATAŠA PERIĆ

Hvala. Da li ima potrebe da u skladu sa članom 68. Poslovnika uvodno izlaganje? (OMER BERBIĆ – Ima.) Ima. Molim predstavnika Službe za budžet i finansije gospođu Suadu Isaković, pomoćnika gradonačelnika da da uvodno izlaganje.

SUADA ISAKOVIĆ – Pomoćnik gradonačelnika za Službu za budžet i finansije

Pozdravljam sve prisutne i evo ja ću obzirom da su blagovremeno dostavljeni materijali vezano za ove tačke kojim se planira ili izvještava vezano za budžet i sve druge aktivnosti koje su propisane zakonom, redom da, ovaj, kratko prođemo kroz sve materijale koje su danas na Dnevnom redu.

Kao prva tačka Dnevnog reda imamo Odluku o izmjenama i dopunama budžeta Grada Tuzle za 2022. godinu. Vi znate da je naš budžet za dvadeset drugu godinu usvojen krajem decembra prošle godine, da je on do sada doživio u maju mjesecu izmjene i dopune i evo znači okolnosti su naložile da imamo i drugi puta na Gradskom vijeću izmjene i dopune budžeta za 2022. godinu. Osnovni razlozi zašto se predlažu izmjene i dopune budžeta jesu povećanje prihoda, odnosno od Ministarstva finansija dobili smo nove revidovane projekcije za dvadeset drugu i za dugoročno za dvadeset treća - dvadeset peta godina, u kojima su povećani porezni prihodi i to porezi od indirektnih poreza i porez na dohodak. Također, u periodu od osvajanja rebalansa do danas, imali smo odobrenih određenih sredstava od viših nivoa vlasti, za koje su ili potpisani ugovori ili koji se trebaju uključiti u budžet i u tom kontekstu i ta sredstva su ovim prijedlogom izmjena i dopuna uključena u ovu odluku, a također i sama analiza izvršenja budžeta za prvih devet mjeseci, a to ste vidjeli kroz ovaj izvještaj za devet mjeseci, ukazuje da osim ova dva porezna prihoda imamo i značajan rast prihoda od poreza na imovinu, konkretno od poreza na promet nepokretnosti fizičkih i pravnih lica, obzirom da je u ovoj godini bio pojačan promet nepokretnosti, a samim time i oporezivanje po zakonu i jedinice lokalne samouprave su stopostotni vlasnici ovih prihoda, oni se nakon što obveznik u plati, uplaćuju u budžet jedinica lokalne samouprave. Ukupno povećanje prihoda i primitaka predloženo ovom Odlukom iznosi 4.729.411,63 Konvertibilne marke i prihodi su po ovom osnovu u odnosu na utvrđene budžetom uvećani za 7,87%, tako da ukupna sredstva budžeta za dvadeset drugu godinu umjesto dosadašnjih 74.349.090,01 KM u prijedlogu ovog budžeta iznose 79.078.501,64 marke ili da su sredstva ukupnog budžeta povećana za 6,3% Od ovog povećanja od 4.729.000, najviše sredstava odnosi se na povećanje po osnovu poreznih prihoda i to po osnovu indirektnih poreza i poreza na dohodak u iznosu od 1.550.248 maraka, od poreza na promet nepokretnosti, odnosno poreza na imovinu, koji obuhvata i od građana i od fizičkih lica ovu vrstu poreza, sredstva se predlažu uvećati za 1.495.752 marke. Također su i dio ne poreznih prihoda uvećan u samom prijedlogu ove Odluke u odnosu na utvrđeni budžet za iznos od 1.109.600 maraka, a najviše sredstava ovog povećanja odnosi se na prihode ostvarene od rente i od legalizacije, a s druge strane imamo i jedno značajnije umanjjenje u fondu gdje se sredstva uplaćuju od naknade za prihode ostvarene radom Termoelektrana. Naime, uplate po ovom osnovu, mjesečne ne prate planirani budžet za 2022. godinu i u tom kontekstu predloženo je umanjjenje ovih prihoda za 600.000 maraka na godišnjem nivou, obzirom da izvršenje ukazuje da se ono neće izvršiti onako kako je planirano.

Osim ovih poreznih i neporeznih prihoda u budžet su uvršteni u ovaj prijedlog Odluke i kapitalni transferi od viših nivoa vlasti, od pojedinaca koji su odobreni ili uplaćeni za konkretne projekte u iznosu, uglavnom komunalne infrastrukture u iznosu od 338.022 marke.

Također imamo i povećane prihode od prodaje imovine. Radi se o većem iznosu ostvarenom od prodaje zemljišta u vlasništvu Grada Tuzle, u iznosu od 261.000 maraka.

Ovako povećana sredstva, znači, čini ovaj iznos od 4.729.000 maraka. Navedena sredstva su raspoređena u skladu sa propisima i namjenama u odgovarajuće fondove. Određena sredstva imaju svoju unaprijed utvrđenu namjenu, a sredstva opšteg fonda znači mogu se koristiti za sve nadležnosti propisane Zakonom o lokalnoj upravi i samoupravi kojim su i određene nadležnosti gradova i opština i u skladu sa odlukama Gradskog vijeća. Ova sredstva u iznosu od 4.729.000 maraka su znači u skladu sa nadležnostima i potrebama, iskazanim potrebama gradskih službi, raspoređena po organizacionim jedinicama, na način da je Gradskom vijeću ukupan budžet uvećan za 200.000 maraka, Gradskoj izbornoj komisiji za 27.000, Stručnoj službi za poslove gradonačelnika 29.000, Službi za ekonomski razvoj i poduzetništvo i poljopriveredu 112.000, Javnoj ustanovi Centar za socijalni rad 34.600, Javnoj ustanovi Centar za kulturu Tuzla 6.000, Službi za komunalne poslove i izgradnju i poslove mjesnih zajednica 4.307.811,63 marke, u Službi za opću upravu i zajedničke poslove umanjena su sredstva za 27.000 i u Službi civilne zaštite uvećana su sredstva za 40.000 maraka.

Osim ovih sredstava koja su uvećana po osnovu uvećanih prihoda, u određenim organizacionim jedinicama, odnosno gradskim službama i budžetskim korisnicima, imali smo i unutrašnje preraspodjele koje su predložene od strane gradonačelnika, odnosno, a na prijedlog ovih korisnika budžeta i u samom obrazloženju imate detaljno navedeno na kojoj poziciji u budžetu je predložena izmjena ovom Odlukom.

Ja ću samo ovaj reći da ovaj iznos od četiri miliona i sedamsto, vidite da je najviše raspoređeno u Službu za komunalne poslove, preko, oko 91% ovih uvećanih sredstava usmjereno je za nadležnosti Službe za komunalne poslove i izgradnju i poslove mjesnih zajednica i to su ovaj poslovi koji se tiču održavanja, izgradnje i rekonstrukcije komunalne infrastrukture iz nadležnosti Grada, a najviše sredstava od ovog je usmjereno u izgradnju i održavanje puteva preko dva miliona maraka. Imamo značajan iznos za izgradnju vrelovodne mreže oko 1.250.000, zatim čišćenje vodotoka 200.000, održavanje kompleksa Slana Banja 190.000, tekuće održavanje prostorija mjesnih zajednica 92.000 i tako dalje. U obrazloženju znači imate detaljno, da ja ne navodim sve cifre.

Ono što je trebalo uraditi u Službi za ekonomski razvoj, poduzetništvo je da smo morali uskladiti finansiranje javnih ustanova Narodno pozorište i Javna ustanova Narodna biblioteka Tuzla, iz razloga što je Grad Tuzla zajedno suosnivač sa Tuzlanskim kantonom i da je u toku godine došlo do promjena u utvrđivanju koeficijenta za obračun plata u ove dvije Javne ustanove i u tom smislu su se morala obezbijediti dodatna sredstva i Grad je, Tuzla je u skladu sa ugovorom ispunio svoju obavezu.

U budžetu su formirane i tri nove stavke, kao grantovi. Radi se o grantu u Turističkoj zajednici grada Tuzle, grantu kapitalnom u Javnoj ustanovi Obdanište „Naše dijete“. Obzirom da ono više nije na trezoru Grada Tuzle i grantu Javnom preduzeću Komemorativni centar i u skladu s tim je usklađena i Odluka o izvršavanju budžeta. Ona se trebala dopuniti kako bi se ove tri stavke mogle realizirati iz budžeta. Kao što je predsjedavajuća rekla, pribavljeno je mišljenje u skladu sa Zakonom od strane Federalnog ministarstva i vi ste ga dobili i vidjeli ste da je Služba postupila u skladu sa propisanim članom Zakona o budžetima kada je u pitanju izrada ovog dokumenta. Uz materijal ste dobili i propratni tabelarni pregled promjena, tako da ste mogli detaljno vidjeti sve, znači, pozicije utvrđenog budžeta i one pozicije na kojima je izvršena izmjena. To bi bilo znači na ovu Odluku o izmjenama i dopunama budžeta, kao što je rekla predsjedavajuća, pristigla su trideset dva amandmana i ja bih se samo izjasnila u dijelu amandmana koji se tiču člana 32. Zakona o budžetima, odnosno da li su svi amandmani koji su dostavljeni u skladu s ovim članom, koji kaže da ono ko što se predloži kao amandman mora sadržavati poziciju koja se mijenja, odnosno povećava i sa kojih sredstava se povećava ta pozicija. Ja ću evo reći da jedan od pristiglih amandmana, tiče se amandmana broj 8, vijećnika

Admira Čavalića, nije potpun, ne ispunjava ovu odredbu Zakona, jer u sebi ne sadrži sa koje pozicije treba umanjiti sredstva da bi se formirala ova pozicija od 10.000 maraka, koja se naziva „Tekuće finansiranje projekata mjesnih zajednica“, koje mi sad nemamo u budžetu, ali činjenica da je u obrazloženju navedeno da se ta sredstva uzmu sa naknada članova radnih tijela Grada Tuzla, međutim, sam amandman nije potpun i ne ispunjava uslove propisane Zakonom. Sljedeća tačka Dnevnog reda je Nacrt budžeta Grada Tuzle za iduću budžetsku godinu. I za ovaj dokument je pribavljeno mišljenje Federalnog...Kantonalnog ministarstva finansija i ko ga je pročitao i u obrazloženju, evo u njemu ima dobra vijest da Federalno ministarstvo finansija priprema nove revidirane projekcije prihoda i za dvadeset drugu i period dvadeset treća – dvadeset peta, što ukazuje da vjerovatno i sami vidimo da, ovaj, su prihodi i stalno slušamo od PDV-a veći, da ćemo u prijedlogu budžeta imati na raspolaganju veći iznos sredstava kada budemo pripremali prijedlog. Nadamo se da u pravilu ove projekcije dođu negdje sredinom jedanestog mjeseca.

Što se tiče priprema ovog dokumenta, Nacrta budžeta za narednu budžetsku godinu, procedura njegova je propisana Zakonom o budžetima i proces izrade započinje u februaru mjesecu tekuće godine za narednu godinu, kada budžetski korisnici na zahtjev Službe za budžet i finansije dostavljaju projekcije svojih trogodišnjih rashoda i prihoda ukoliko ih ostvaruju kao vlastite i Služba za budžet i finansije obrađuje te zahtjeve i na osnovu projekcije koju pripremamo na osnovu projekcija dostavljenih od Kantonalnog ministarstva i u dijelu indirektnih poreza i poreza na dohodak i naše procjene za ostale vrste prihoda. Dužni smo gradonačelniku pripemiti dokument okvirnog budžeta koji je gradonačelnik dužan usvojiti do kraja šestog mjeseca i taj dokument okvirnog budžeta obuhvata tri naredne godine, a ujedno i predstavlja osnov za izradu budžeta za narednu budžetsku godinu i mi smo ga dužni vama dostaviti kao informaciju uz Nacrt budžeta, što je i učinjeno ovom prilikom. Dobili ste znači dokument okvirnog budžeta. Isti je i objavljen na web stranici Grada Tuzla.

Ono što je veoma važno reći, kod izrade ovog budžeta, odnosno visine sredstava planiranih nacrtom budžeta za dvadeset i treću godinu, je to, da on u sebi samo sadrži sredstva prihoda koji se planiraju ostvariti u idućoj budžetskoj godini i procjenjeni iznos neutrošenog kredita za gradsko groblje, obzirom da taj projekat traje i iduće budžetske godine i neće se okončati u ovoj godini, a imamo kreditna sredstva odobrena za ovu namjenu, tako da i u budžet naredne godine osim prihoda i primitaka koji se planiraju ostvariti u idućoj godini, a koji su opet planirani na osnovu ovih projekcija Kantonalnog ministarstva koje smo ranije dobili, znači uključen je i ovaj iznos od milion i po maraka i zbog ovoga svega, iznos budžeta za iduću budžetsku godinu je znatno manji u odnosu na procjenu izvršenja budžeta za ovu budžetsku godinu.

Tamo vam je bilo jednostavno vidjeti na stranici 3. obrazloženja, zašto je razlika ovolika. Naime, u budžet u Nacrt budžeta dvadeset treće godine nije unesen nikakav višak prihoda koji će se ostvariti vjerovatno u ovoj budžetskoj godini, ako ne za sredstva koja nisu unaprijed, koja nisu započeta njihovo trošenje, onda za ona sredstva za koja su potpisani ugovori ili za koja javne nabavke traju i te iznose ćemo utvrditi u prijedlogu budžeta kada budemo ga razmatrali, kada ga Vijeće bude razmatralo u decembru mjesecu i tada ćete dobiti egzaktno podatke za koje projekte će biti prenesena sredstva ukoliko ona nisu utrošena, al već samim ovim rebalansom, ovaj, smo povećali sredstva Komunalnoj službi i ona će tek možda sad raspisivat neke javne nabavke za ova sredstva koja, odnosno, veliki dio sredstava je za puteve i oni se sigurno neće moći završiti do kraja budžetske godine, tako da će ti iznosi biti preneseni u budžet naredne godine.

Osim toga što nismo uključili nikakav višak prihoda, jer je teško izvršiti sad u devetom mjesecu bilo koja će to bit procjena, nisu uključena ni sredstva od viših nova vlasti, obzirom da tek tokom budžetske godine, budu raspisivani pozivi. Grad aplicira i na kantonalna i na federalna sredstva i u toku godine se ta sredstva odobravaju i kako se odobravaju i potpisuju

ugovori, sredstva se uključuju u budžet u skladu sa Odlukom izvršavanja budžeta, obzirom da je njima već utvrđena namjena dodjelom granta.

Ukupno planirani prihodi, odnosno budžet za iduću godinu u Nacrtu iznosi 57.077.388,68 maraka i od tog iznosa je milion i po maraka, znači, kreditna sredstva za Gradsko groblje Drežnik.

U strukturi prihoda opet imamo znači na učešće od prihoda od poreza je najznačajniji prihod našeg budžeta. U ovom iznosu ukupnog budžeta prihod je od poreza učestvuju sa 37.246.847 maraka ili 65,26 % od ukupnog budžeta. Znači, okosnica budžeta su porezni prihodi. U samom obrazloženju imate, dakle, detaljno znači sve vrste prihoda i njihov raspored po odgovarajućim fondovima u skladu sa namjenom šta se finansira, iz kojih sredstava.

Ono što je novo u odnosu na dosadašnje budžete da smo u skladu sa Zakonom o cestama otvorili novi fond. To je fond, pošto je novi, moram, Fond namjenskih sredstava za puteve, tako smo mu dali ime i u taj Fond se uključuju ovaj prihodi koji se ostvaruju od indirektnih poreza za puteve, zatim, prihodi koji se ostvaruju od Direkcije cesta pripadaju jedinicama lokalne samouprave. Prihodi ostvareni od naknade za upotrebu cesta za vozila pravnih lica i prihodi ostvareni od naknade za upotrebu cesta od vozila građana i ukupno planirani prihodi po ova četiri izvora iznose 3.234.641 marka i ova sredstva se u skladu sa Zakonom o cestama federalnim mogu isključivo koristiti za održavanje, izgradnju i rekonstrukciju puteva i u tom smislu je i otvoren novi fond sa ovim приходima i sa rashodima za puteve.

Kod raspodjele sredstava ovako planiranih u Nacrtu budžeta, pošlo se od toga da je potrebno znači obezbijediti sredstva u budžetu za finansiranje izvršne i zakonodavne funkcije u Gradu Tuzla, svih onih nadležnosti osnovnih za koje je Grad Tuzla, ovaj, nadležan da ih finansira, bilo da se radi o radu javnih ustanova ili prvenstveno tekućim izdacima, a onaj dio koji je preostao, rasporedio se za finansiranje kapitalnih izdataka iz budžeta. Najveći dio sredstava opet u skladu s nadležnostima je raspoređen na četiri gradske službe. Tu se radi o Službi za komunalne poslove i izgradnju i poslove mjesnih zajednica, oni nose 42,99% budžeta, Služba za ekonomski razvoj 9,83%, Služba civilne zaštite 8,90% i Služba za kulturu, sport, mlade i socijalnu zaštitu 6,78%. U obrazloženje imate navedena za koje namjene su planirana ova sredstva za komunalnu infrastrukturu. Što se tiče znači, ovaj, same komunalne infrastrukture koliko i najviši iznos je opet planiran za izgradnju i rekonstrukciju održavanje puteva oko pet miliona i sedamsto, za toplifikaciju 950.000, završetak izgradnje Gradskog groblja milion i po, to su ona sredstva kredita koja su uključena u budžet i tako dalje, znači na stranici 17 imate, ovaj, po namjeni raspoređenih ovih 22 miliona maraka za konkretne namjene u Komunalnoj službi, kako je to utvrđeno na pojedinim pozicijama u budžetu.

Što se tiče oblasti društvenih djelatnosti i ekonomskog razvoja, naša prva obaveza je da obezbijedimo funkcionisanje javnih ustanova čiji je Grad osnivač i koji su ili budžetski korisnici ili, ovaj, su ili ih Grad finansira kao, kroz budžetske stavke i uglavnom nastojalo se da se svakoj od ovih javnih ustanova i javnih preduzeća obezbijedi, ovaj, normalno funkcionisanje sa navedenim sredstvima. Ono što smo zadržali, što nismo, bez obzira što je znatno, znači, smanjen u Nacrtu iznos u odnosu na procjenu izvršenja na prošlu godinu su sredstva socijalnih davanja. Ona su neznatno veća za nekih 0,19%, znači, zadržali smo sve stavke. Nigdje ništa nije umanjivano i što se tiče plata i naknada zaposlenih, ona su planirana u skladu sa pravilnicima.

Mi smo imali, ovaj, zahtjeve sindikata i Gradske uprave i javnih ustanova za povećanjem plata i usklađivanjem, znači, visine plata sa rastom cijena prehrambenih proizvoda. Nije se moglo zasad sa ovakvim sredstvima udovoljiti tim zahtjevima. Jedna mala rezerva je ovdje, ovaj, ostavljena, ali nije planiran prijem ni jednog novog uposlenika. Obaveza gradonačelnika kao poslodavca je da sa sindikatom pregovara, ali prije donošenja budžeta i potpiše sporazum i visini vrijednosti boda i osnovice i znači do te aktivnosti će doći tek prije prijedloga budžeta za iduću budžetsku godinu, znači, negdje tamo krajem novembra, početkom

decembra mjeseca će se, kada budemo imali i neke druge ove pokazatelje u visini prihoda, onda će se potpisati taj sporazum, a u konačnici Gradsko vijeće kroz odluku o izvršavanju budžeta utvrđuje visinu osnovice i vrijednosti boda.

U budžetu smo morali planirati sredstva za otplatu kredita onako kako naše obaveze dopijevaju i mi to uredno radimo i, ovaj, to je i urađeno i u ovom Nacrtu budžeta.

Uz Nacrt budžeta imamo i Nacrt odluke o izvršavanju budžeta. To je znači, dokument kojim se definiše način izvršavanja određenih pozicija u budžetu i postupanja kod trošenja različitih stavki u budžetu, a sve u skladu sa zakonom i pravilima koje je uglavnom donijelo Gradsko vijeće ili eventualno za neke, ovaj, stavke i sam gradonačelnik. Ova dva dokumenta idu u javnu raspravu i u skladu sa Poslovníkom Gradskog vijeća, pripremljena je Odluka o načinu provođenja javne rasprave ovih dokumenata. Ovom Odlukom se uređuje i način provođenja javne rasprave o Nacrtu budžeta i Nacrtu odluke o izvršavanju budžeta Grada Tuzla za iduću budžetsku godinu. Odlukom se određuje rok za provođenje javne rasprave, zaduženja gradskih službi u tom procesu provođenja javne rasprave, način izrade i dostavljanja izvještaja o provedenoj javnoj raspravi i drugi podaci. Evo odlukom je predloženo da rasprava ova dva dokumenta traje dvadeset pet dana, od dana usvajanja, a tekst dokumenata će biti objavljen na web stranici Grada Tuzle i sredstvima javnog informisanja ili na drugi prigodan način, odnosno, onaj ko bude želio moći će i dobiti u prinatnoj formi ove dokumente. (NATAŠA PERIĆ – Ako možete samo skraćeno, još, što je preostalo.) Evo imamo, znači, ova dva izvještaja o izvršenju budžeta, izvještaj za šest mjeseci, izvještaj za devet mjeseci, obzirom da su podaci koji su sadržani u izvještaju za šest mjeseci, sadržani, ovaj, provučeni na ovaj izvještaj od devet mjeseci.

Ja ću samo onda kratko reći o ovom izvještaju za devet mjeseci, da je naš ukupan budžet iznosio 74.302.000 maraka, da je u periodu od devet mjeseci, da su ukupna sredstva, imali smo na raspolaganju ukupno 60.977.000 maraka ili 82%. Tih 60.977.000 maraka prihodi su bili 45,9 miliona, preneseni višak iz prethodne godine 13,7 miliona, neutrošena sredstva kredita za put Mandići petsto hiljada i povučena sredstva za groblje Drežnik 747.000.

U samom ovom obrazloženju imate tačno za šta je znači u samom dokumentu izvještaja za šta su sredstva trošena. U dijelu komunalne infrastrukture smo pokušali da napišemo koji su sve projekti završeni i u kojim mjesnim zajednicama zaključno sa 30.09. ove godine. Vidite da na kraju godine, na kraju ovog perioda od devet mjeseci smo imali suficit u budžetu od oko 20 miliona. Međutim, od tog iznosa oko 11 miliona su izvršene rezervacije za započete poslove ili za poslove čija je nabavka u postupku i da obzirom da se izvještaj radio već odmah 06.10., nismo imali sve pristigle fakture, koje su se odnosile na prethodni mjeec, tako da računamo da je i tih sredstava najmanje oko pola miliona bilo troškova koji nisu bili evidentirani do 06.10. I ono što je još bilo imamo izvještaj korištenja sredstava tekuće rezerve za šest mjeseci. Gradonačelnik je u obavezi podnijet Vijeću. Za šest mjeseci je potrošeno 88.284,99 maraka i riješeno pet zahtjeva.

I zadnji dokument je ovaj Izvještaj o investiranju javnih sredstava. Gradsko vijeće donijelo je politike investiranja. Reklo da Grad može investirati trenutno slobodna sredstva, obavljena dva javna poziva u skladu sa politikama. Prvi nije bio uspješan, nije se javio dovoljan broj banaka. Drugi jest. Zaključeni su ugovori sa bankama šest mjeseci od 22.06. do 22.12. dvadeset druge godine i Gradsko vijeće će na kraju ove godine, odnosno početkom iduće dobiti izvještaj o ostvarenim efektima vezano za ova investiranja za ovih šest mjeseci. Evo, toliko.

NATAŠA PERIĆ

Hvala gospođo Isaković. Znači, u toku diskusije ako bude nekih pitanja, pa ćete na kraju odgovoriti. Ja ću samo da podsjetim vijećnike, kada je u pitanju Nacrt budžeta, znači, sve danas što budete predložili, rekli, ovaj, ulazi znači, u Stenogram i to će Služba za budžet i finansije i

gradonačelnik uzet u razmatranje, tako da nema potrebe da se javljate za zaključke, jer sve će bit u Stenogramu, što se tiče Nacrta budžeta govorim. E, (vijećnik Admir Čavalić govori bez uključenog mikrofona op.a.) e to je drugo.

Otvaram raspravu klubova vijećnika. Prednost imaju klubovi vijećnika koji su podnijeli amandmane pa, (SLAĐANA KRAJINA – Samo da obrazložite.) samo da obrazložite amandmane ako želite. Evo ispred klubova vijećnika ko? (vijećnik Admir Čavalić govori bez uključenog mikrofona op.a.) Molim? Izvolite Admir Čavalić. Jeste li vi kao klub vijećnika ili kao vijećnik? (SLAĐANA KRAJINA – Ne, ne, kao vijećnik.) Vi ste kao vijećnik. To je u ovoj drugoj. Vi ćete bit prvi od vijećnika kad bude rasprava vijećnika. Ja sad za klubove vijećnika govorim. Hoćete li? Razumijete? (vijećnik Admir Čavalić govori bez uključenog mikrofona op.a.) Ne možete. Ne, ne, ja govorim sad o podnosiocima amandmana ispred klubova vijećnika. To govorim. A vi ćete... (vijećnik Admir Čavalić govori bez uključenog mikrofona op.a.) Vi ste podnijeli kao vijećnik. To govorim, pa ćete biti prvi kad bude i jedini. (vijećnik Admir Čavalić govori bez uključenog mikrofona op.a.) Pa naravno, nego ja kažem prednost imaju podnosioci amandmana. (vijećnik Admir Čavalić govori bez uključenog mikrofona op.a.) Imate naravno.

Može. Izvolite. Elvir Bijedić ispred Kluba Socijaldemokratske partije. Jel tako? Il svih ovih? (ELVIR BIJEDIĆ – Svih ovih.) Svih, u stvari izvinjavam se zajedničkih.

**ELVIR BIJEDIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem predsjedavajuća. Pozdrav svim prisutnim kao i gledateljima koji će gledati ovo putem, ovaj, youtuba ili snimaka. Dakle, ovaj, s obzirom da se prvi put javljam, želim vam brz, ekspresan i ugodan dan. Dakle, Klub vijećnica i vijećnika SDP-a je razmatrao ovaj izvještaj, odnosno Odluku o rebalansu, kao i sve izvještaje koji su ponuđeni nam kao tačke Dnevnog reda. Dakle, imali smo evo vrlo iscrpan, detaljan, opširan i jedno jasno izlaganje gospođe Suade Isaković, šefice Službe za budžet i finansije. Dakle, prije svega želim da izrazim zadovoljstvo, dakle, što možemo kad je rebalans u pitanju, da pričamo o povećanju, s obzirom da znamo da , ovaj, da rebalans može biti u drugom pravcu, je li, ali evo kako imamo povećanje, tako da ono što smo vidjeli i što smo čuli, Klub vijećnica i vijećnika SDP-a, dakle, smatra ovo zaista potrebnim rebalansiranjem, opravdanim i kao što vidimo domaćinski raspoređeno upravo na situacije i pozicije od kojih se to, ovaj, od službe očekuje, dakle, sve službe koje su iskazale potrebu u ime građane, dakle, smatramo to izuzetno, izuzetno opravdanim i domaćinskim. Znači, jasno je nama i u Klubu vijećnica i vijećnika SDP-a, dakle, da u situaciji u kojoj se nalazi generalno država Bosna i Hercegovina, postoje različiti socijalni aspekti, različite potrebe stanovništva, međutim, obzirom da, ovaj, budžet Grada Tuzle prije svega pripada svim građanima, prednost u svakom slučaju imaju službe koje rade u interesu svih građana, u smislu, dakle, javne potrošnje. U tom pravcu je Klub vijećnica i vijećnika SDP-a učestvovalo u kreiranju amandmana, dakle, ovaj, imali ste prilike vidjeti u materijalima, gdje zaista, ovaj, smatramo za potrebnim, dakle, da sredstva koja bi se trebala izdvojiti za ukoliko se amandman naš usvoji, dakle, 70.000 maraka za obdanište koje bi konačno trebalo da bude, da se pokrene, ovaj, da krene sa radom. Dakle, sredstva za kontinuiranu, dakle, ponavljam i socijalna je problematika uljučena u ovaj rebalans, dakle, kontinuirana podrška ponovo za tuđu njegu i pomoć u visini 30.000 maraka.

Jedan kontinuitet nastavka saradnje, s obzirom da je zaista sport, kako bih reko na poražavajućem i ponižavajućem nivou, od strane onoga koji bi trebali, od strane onih koji bi trebali da vode računa, znači, znamo koji su to nivoi vlasti, ali evo zahvaljujući ovom Gradskom vijeću, radu, radu, ovaj, Gradske uprave i ovaj put želimo da damo podršku, dakle, Radničkom sportskom društvu, kao najstarijem sportskom društvu u državi Bosni i

Hercegovini, kao i evo bivšem evropskom prvaku Košarkaškom klubu „Jedinstvo Dženex“ iz, iz Tuzle.

Dakle, svakako da i kad je u pitanju Nacrt budžeta, nadovezaću se dakle, da bi to trebalo da bude nastavak kontinuiteta pružanja ovakvih raspodjele na ovakav način kako to radi Služba za budžet i finansije, koja evo želim još da istaknem da pohvalim zaista na jedan vrlo transparentan, izuzetno odgovoran domaćinski način. Tako se i postupalo u izradi Nacrta, dakle, korak po korak, vrlo oprezno, domaćinski. On će svakako pretrpiti neke izmjene i u perspektivi. Toga smo svi ovdje svjesni. Pozvao bi dakle evo obzirom da počinje praktički danas i javna rasprava kad je u pitanju Nacrt budžeta, dakle, da se nastavi ovakva podrška, kad je u pitanju, evo konkretno mislim na Košarkaški klub „Jedinstvo“ u smislu izdvajanja, ništa njima puno ne treba, znači samo malo nekih sredstava, kako bi zaista, ovaj, taj klub koji minimalno zahtjeva, održali, da tako kažem na jednom nivou koji može nastaviti takmičenje, ovaj, u svojoj ligi.

Ono što bih još želio da naglasim u projekciji za, za budžet, dakle, sa ove sjednice, sa ovih sjednica Gradskog vijeća u par navrata su odlazile inicijative za nabavku defibrilatora, koje su evo na svu sreću i, ovaj, i vrlo sam zahvalan na tome, svim onima koji učestvovali u nabavci defibrilatora. Dakle, imam potrebu da naglasim da su zaista sad potrebna i sredstva, u smislu, dakle, obezbjeđivanja edukacija za upotrebu tih vanjskih defibrilatora, pa evo ukoliko postoji mogućnost da se, obzirom da se ne radi o velikim sredstvima, da nađu, da se nađe, ovaj, mogućnosti u budžetu za narednu godinu, dakle, da se educiraju uposlenici javnih ustanova u kojima su ti defibrilatori smješteni kako bi se, evo da tako kažem iskoristili, ovaj, iskoristili u maksimum.

Kad su u pitanju izvještaji o utrošku sredstava, vidjeli smo dakle dinamika je bila očekujuća i oni su bili u skladu sa, sa Zakonom o budžetima Federacije Bosne i Hercegovine. Dakle, kratko bih samo još da prokomentarišem. Vjerovatno će biti, ovaj nastavke, u nastavku diskusije i pričom o amandmanima koji... Kolega Berbić je već naglasio, dakle, da će razgovarat u zaključcima. Dakle, imam potrebu dakle, da kažem da je Klub vijećnica i vijećnika SDP-a razmatrao, dakle mogućnosti odakle i sa kojih pozicija da se skida određena sredstva, na koja pozicija da se postavljaju. Dakle, ono što onako pada u oči, pri tome apsolutno ne ulazeći u potrebu iskazivanja ili upućivanja amandmana za koje sam siguran da, ovaj, imaju svoju, svoje mjesto i svoju ulogu, da se nađu kao tačke Dnevnog reda.

Kolega Berbić sasvim sigurno je da ima, ovaj, dobre amandmane i međutim, situacija u kojoj je on podnio ovdje u smislu da se... (vijećnik Omer Berbić govori bez uključenog mikrofona op.a.) Pa ne, hoću da... (vijećnik Omer Berbić govori bez uključenog mikrofona op.a.) Ja, zaista ne, hoću... (vijećnik Omer Berbić govori bez uključenog mikrofona op.a.) Pa ne, ne, evo samo hoću da kažem, dakle, izvinjavam se, neću vas spomenuti (ĆERIM RASTODER – Pusti, pusti ga Omere neka završi.) Ne, samo da kažem, dakle, zašto je bitno da Klub vijećnika SDP-a nije uzimao amandmane sa tekuće rezerve? Evo iz kog razloga. Znači mi imamo u tekućoj rezervi 170.000 maraka planirano, a ovdje imamo izdvajanje 395.000, a već je prošlo devet mjeseci, sigurno je preko 100.000 utrošeno iz tekuće rezerve. Dakle, ovaj, samo iz tog razloga.

Mislim da, ovaj, bi trebali ovdje, ili ne znam uzimanje sa RTV7, mislim 600.000 maraka, a RTV7 je planiran ukupno 700.000, a već smo na (vijećnik Omer Berbić govori bez uključenog mikrofona op.a.) kraju kalendarske godine. (vijećnik Omer Berbić govori bez uključenog mikrofona op.a.) Završiću. Završiću. (vijećnik Omer Berbić govori bez uključenog mikrofona op.a.) Završiću. (vijećnik Omer Berbić govori bez uključenog mikrofona op.a.) Završiću, ovaj kolega. (ĆERIM RASTODER – Dobro, dobro, da pustimo ima još dvije minute.) Završiću kolega Berbiću.

Hoću samo da kažem da se izuzetno radujem, dakle, čuo sam, ovaj, i na otvaranju Ilinčice, dakle, da je i Grad Tuzla, evo prepoznao, dakle nabavku Zip Line i stijene za penjanje,

tako da, ovaj, radujem se da ćemo to i kroz projekte koje inače Grad Tuzla jako dobro radi, imati to na Ilinčici, a da pri tome, ovaj, budžet ostane komotniji, da tako kažem, za druge stvari, koje su nam bitnije. Dakle, Klub vijećnica i vijećnika SDP-a će podržati ovaj rebalans, kao i sve ove ostale izvještaje, i, ovaj, puna podrška u daljem radu Službi za finansije. Hvala.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Hvala. Omer, izvol...

OMER BERBIĆ

Vidite, ja nisam mislio javljati se da komentarišem vaše amandmane, mislim vaši amandmani su unaprijed dogovoreni. Ja poštujem to, to je stav većine. Nemam ništa protiv. Čestitam vam na tome, uspjete ubaciti jedno četrsto hiljada amandmana na šezdeset miliona budžeta. Ako je to cijena, ne znam, osam ruku kluba, svaka čast. Al ako ćete već vi komentarisati moje amandmane, mojih dvadeset amandmana kojih sam napisao, od kojih svih dvadeset može se naći u ovom budžetu, jer ima deset miliona suficita. I ja ću da iskomentarišem vaše djelovanje ovdje u sklopu Gradskog vijeća.

Nevjerovatno je da vi kao najjači klub samo dajete dva ili tri amandmana, koji su protokolarni da se kaže da ste nešto uradili. Ja razumijem da ste možda prije vi nešto dogovarali, ali ako ste ovako dogovarali, da vam u javna preduzeća ode četiri ili šest miliona maraka u rebalans koja smo dobili, onda to ne radite dobro i vrijeme da vi počnete bolje da radite svoj posao. To je moj komentar na vaše amandmane, ako ćete vi komentarisati moje amandmane koje sam ja poslao.

I drago mi je da ste prepoznali ovu recimo stijenu za penjanju, koju ja već evo treći puta u rebalansima i nacrtima budžeta predlažem i volio bi također da se u obrazloženju koje sam dao za stijene za penjanje nađe malo, kako bi rekao, dobre volje, da se ona nazove po našem Radetu, ovaj, za kojeg znam da je to bila jedna od želja koja je on meni spominjao, prije nego što će, ovaj, tragično izgubiti svoj život, svoj život na planini koja mu je bila život.

Ne bi volio stvarno da ulazimo više u neku dubiozu, u neko repliciranje, vi meni, ja vama. Ali predsjedavajući molim vas, ako je ovo obrazlaganje njihovih amandmana, nema potrebe da se ulazi u neke diskusije. Ovo mogu u diskusiji kluba vijećnika prema meni, ili u diskusiji vijećnika prema vijećniku, al ako mene predsjedavajuća zaustavlja na skoro svakom izlaganju, da mi nešto pokušava da objasni, da ja nešto ne radim dobro, onda nije korektno da imate duple aršine prema većini i prema opoziciji. Hvala ljepo.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Dobro Omere, hvala. Ako se neko javi za repliku, onda se odnosi na konkretno, na koga replicira i šta replicira, jer ulazimo u širinu. Selma.

SELMA ĆATIBUŠIĆ – vijećnik Platforme za progres

Kolegi Bijediću, zapravo, ne bih rekla da je replika više onako da je pitanje. Interesuje me kad je obrazlaganje amandmana u pitanju, na što se odnosi novac konkretno za Radničko sportsko društvo, je li na neki način definisano kome će konkretno ići, za koje tačno svrhe, da li je to fudbalski klub, da li je to, da li je na bilo koji način nešto u vezi toga dogovarano? Samo et to me interesuje da znam kako glasat.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Dobro. Hvala Selma.

NATAŠA PERIĆ

Samo, ovaj, ne može bit replika pitanje. (vijećnik Selma Ćatibušić govori bez uključenog mikrofona op.a.) Pa nemojte molim vas zloupotrebljavati. Replika je ako se sa nečim ne slažete i odgovarate na taj dio.

SELMA ĆATIBUŠIĆ

Može vama replika samo. Ja sam nakon što sam se javila, okej, rekla, objasnila ne znam, ne definišem kao repliku, nego ću iskorist da pitam, tako da nema potrebe za takvim stavom, pogotov ne tako (NATAŠA PERIĆ – Kakvim stavom?) odbojnim stavom, zato što je i kolega prije nego što ste vi ovdje bili pričao svašta nešto i stvarno sam bila jako kulturna i pristupačna, tako da spustite malo loptu i vi, nema potrebe...

NATAŠA PERIĆ

I ja sam kulturna i pristupačna. I nemojte tako da razgovarate sa mnom. Replika. Vijećnik Elvir Bijedić. Izvolite. Kome?

**ELVIR BIJEDIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem predsjedavajuća. Kolegi Berbiću i evo kolegici Selmi, ovaj, dakle, zaista bez apso-lutno nisam, ovaj, vaše amandmane, čak sam rekao, dakle, da, ovaj, se podudara, dakle, vaš, vaš amandman kad je u pitanju Klajn ing stijena i ovaj Zip Line, jer pazite, ovaj, klub vijećnika je još u prethodnom mandatu, ovaj, imao takvih prijedloga, dakle, ovaj, i Grad je to prepoznao i taj projekat je započeo davno, koliko ja imam informaciju pri kraju je, dakle, zaista, ne mislim, ja ga hoću sada, da kažem kako to, ovaj, funkcionise sihrono, ali nije opterećen budžet, dakle, radi se o projektu, pa sam iskoristio priliku da pohvalim i one koji rade projekte, dakle, Grad Tuzla i po tome je prepoznatljiv.

Dakle, ono što sam ja htio da naglasim, a to je, dakle, da je praktički nemoguće da sa tekuće rezerve mi imamo potrebe koje su iskazane amandmanom 395.000, tekuća rezerva stosedamdeset i to na kraju kalendarske godine. Dakle, samo to, bez obzira, dakle, o kakvim se amandmanima radi. Kolegice Selma, ovaj, nisam ja svašta nešto pričao, dakle, ovdje se radi o obdaništu, radi se o nastavku pružanja, ovaj, kontinuirane podrške za tuđu njegu i pomoć. Radi se o kontinuiranoj podrški radničkom sportskom društvu. Već sam obrazložio, dakle, obzirom da, ma imali ste i kolega Berbić, vi i ne znam sad da ne nabrajam zaista, stalno imamo potrebu da istaknemo kako je potrebno pomoć kako Slobodi tako i ostalim klubovima i zaista ne vidim ni jedan razlog šta je sad problem i šta sam ja to rekao. Dakle, sport u ovoj državi je potpuno poražen i ponižen. Ponoviću to i, dakle, ako Grad Tuzla ima mogućnosti, a evo u rebalansu ima mogućnosti, dakle, da održimo vitalnim najstarije sportsko društvo u državi i da održimo vitalnim bivšeg evropskog prvaka u košarci, dakle, ja smatram to sasvim dovoljnim obrazloženjem. Hvala ljepo.

NATAŠA PERIĆ

Dobro. Ispred klubova vijećnika, ko je sljedeći? Da li se još neko javlja ispred klubova vijećnika? Ima li neko ispred klubova vijećnika? Amandmani su prošli. Samo malo, klubovi, ja pitam za klubove...Nedžad Jusić. Izvolite. Nedžad Jusić. Izvolite.

NEDŽAD JUSIĆ – nezavisni vijećnik iz reda nacionalnih manjina

E hvala. Poštovana predsjedavajuća, zamjenici predsjedavajuće, sekretaru, kolege, kolegice, vijećnici i vijećnice, predstavnici gradskih službi i drugi, želim da vas pozdravim.

Evo danas kao što vidimo imamo više tačaka Dnevnog reda koji se tiču direktno ili indirektno budžeta Grada Tuzle. Prvenstveno kao rebalans budžeta za 2022. godinu, ja ne bi puno govorio o pomenutom rebalansu, jel, evo ostalo nam je još par mjeseci u 2022. godini. Ja sam siguran u tome da će se efikasno utrošiti pomenuta finansijska sredstva za dobrobit građana grada Tuzle.

Ali bi se više posvetio vezano narednoj tački Dnevnog reda, odnosno podtački, a to je Nacrt budžeta Grada Tuzle za period 01.01. – 31.12.2023. godine, kao i Nacrt odluke o izvršenju budžeta Grada Tuzle za isti period, odnosno 01.01. – 31.12.2023. godine.

Ako pogledamo Nacrt budžeta, evo dobili smo, ovaj, i usmeno izlaganje od gospođe Suade, da jednostavno sredstva će biti, ima finansijskih sredstava da se povećavaju prilivi finansijskih sredstava iz trenutne situacije, znamo kakva je i to je okej i to je za svaku pohvalu. I ta sredstva normalno treba da budu usmjerena ka dobrobit građana grada Tuzle kroz pomenuti budžet i s tim u vezi, ja bi se osvrno samo na određene segmente pomenutog Nacrta budžeta, a to je vezano za Službu za kulturu, sport, mlade i socijalnu zaštitu. U budžetskoj liniji to je grant, grant za realizaciju akcionog plana za Rome. Vidim ukoliko pogledamo kompletan budžet pomenute Službe, on je povećan za nekih osamedeset do sto hiljada maraka i to je dobro, znači, da se brine više o socijalno ugroženim kategorijama i normalno trebamo sigurno u narednom periodu još više finansijskih sredstava odvajati za pomenute kategorije.

Ali mi uopšte nije jasno, nije mi jasno, jedina budžetska stavka koja se smanjila, ne znam na čiji prijedlog i ko je u stvari na kraj krajeva, ali vidjeću u narednom periodu. Jedina stavka koja se smanjila, to je stavka za Rome. U 2022. godini je bilo šezdeset hiljada, sada planiraju četrdeset. Ne znam zbog čega. Ja smatram i potrebe su na terenu i evo ja predlažem na kraj krajeva, ovaj, da se razmotri mogućnost da se ova budžetska stavka poveća za dodatnih sto hiljada, ukupno bude stošezdeset hiljada, jer to su stvarne potrebe. To su stvarne potrebe i da Služba razmotri zajedno sa drugima koji odlučuju o ovom svemu, a na kraju ćemo mi kao vijećnici odlučiti na svemu tome, ovaj, da se ova budžetska stavka poveća za sto hiljada i da ukupno bude stošezdeset hiljada. Sad ne bi konkretno govorio sa koje budžetske linije da skine, ali to ako, vidjećemo kad budemo budžet usvajali, ovaj, na što ćemo sve naići.

Mislim da je malo nerealno u Nacrtu budžeta. Predviđeno je za građane grada Tuzle koji su po nacionalnosti Romi nalaze se u takvoj situaciji kako se nalaze 40.000 maraka u Nacrtu budžeta, a evo imamo na budžetskoj liniji, u stvari ekonomski kod 614311-63 transfer za rad Udruženja građana „Nirina“ Tuzla, ako se ja, u visini od 48.000 maraka. To je udruženje koje se bavi psima lutalicama. Za cuke odvajamo, planirali smo 48.000 a za Rome četrdeset u gradu Tuzla. Mislim da to baš nije netko ko je ovo ovako planirao, ovaj, da u tom pravcu i nije išlo, ali sam siguran u tome da će Služba i drugi razmotriti moj prijedlog da se ova budžetska stavka za akcioni plan za Rome poveća za dodatnih sto hiljada, jel stvarno ima potreba, ovaj, radila se analiza potreba u gradu Tuzla i to stoji.

Druga stvar. Takođe, za druga udruženja nacionalnih manjina, mi smo razgovarali sa njima, ovaj, oni su trenutno zadovoljni s ovim budžetom koji imaju od 12.000, al evo i njija pozivam druga udruženja nacionalnih manjina ukoliko smatraju da se ova budžetska linija treba

povećati, takođe da urgiraju il direktno preko mene, il sami, na kraj krajeva da predlože određene aktivnosti koje bi se mogle odraditi.

Takođe želim sad, što se tiče Nacrta to je, druga stvar, kada je u pitanju Odluka, u stvari Nacrt odluke o izvršavanju, Nacrt odluke o izvršavanju budžeta Grada Tuzle za 2023. godinu. U članu 21. između ostalog kaže sredstva utvrđenom budžetom Tuzla na pozicijama, pa imamo ovdje 25 pozicija, između ostalog tu su i grant za ostale nacionalne manjine, grantovi za realizaciju lokalnog akcionog plana za Rome grada Tuzle, pa u narednom pausu kaže: Rok za usvajanje programa raspodjele sredstava iz stava 1. ovog člana je 30.09.2023. godine. Mislim, to je moje lično mišljenje iz iskustva. Ukoliko usvoji se plan u devetom mjesecu, sredstva se raspodjele u devetom mjesecu, a moraju se utrošiti do 31.12.2023. pa nemamo vremena.

Ja predlažem da Služba razmotri da se ovaj rok skрати, pomjeri po mogućnosti ukoliko je moguće da odvoji udruženja nacionalnih manjina i grant za Rome, da taj rok bude kraj aprila, početak maja, jel da imamo vremena osam, devet mjeseci, da se realizuje, da se realizuju aktivnosti, jel desiće nam se stvari. Imaćemo finansijska sredstva, nećemo ih moći potrošiti jer nemamo dovoljno vremena. Zbog toga na neki način, evo, to je, su moji prijedlozi, a kao Nacrt i budžeta i ove druge tačke Dnevnog reda ću podržati, al evo čekat ćemo na kraj krajeva kad budemo dobili prijedlog budžeta dal će se određene stvari usvojiti što sam predlagao. Fala vam.

NATAŠA PERIĆ

Dobro. Ovo ide u javnu et raspravu i ovo vaše će se razmotrit. Sljedeća za riječ se javila vijećnica Sabiha Mujkanović ispred Kluba samostalnih vijećnika. Izvolite. Može samo Nedžade...

SABIHA MUJKANović MUJAČIĆ – samostalni vijećnik

Zahvaljujem predsjedavajuća. Evo iskoristit ću priliku da pozdravim sve prisutne. Kratko ću se osvrnut na rebalans budžeta i svakako daću svoj doprinos u raspravi o Nacrtu budžeta kroz diskusiju. Nisam sigurna da ću sve stići obuhvatiti u ovoj diskusiji, pa ću se automatski prijaviti za drugi krug.

Dakle, Klub samostalnih vijećnika nije predao amandmane za ovogodišnji zadnji rebalans budžeta, iz razloga što se većina amandmana kao i uvijek odnosila bi se na komunalnu infrastrukturu, a dok se provede zakonska procedura za iste kao što je malo prije govorila i gospođa Suada, već bi istekao rok u ovoj godini, jer tenderska procedura traje i nije imalo smisla da sada podnosimo te amandmane. S toga ćemo ih svakako sačuvati za prijedlog budžeta za 2023. godinu.

Ali, ono što svakako želim da predložim jeste da u narednim planiranjima budžeta, damo veća sredstva Komunalnoj službi na samom početku godine i da im manje izdvajamo sredstava tokom rebalansa upravo zbog ovih procedura koje traju i evo čuli smo malo prije i samu gospođu Suadu. Ako im damo sada sredstva, oni dok provedu tenderske procedure, mi već ulazimo u mjesec decembar ili sa, i ne može se iskoristit, ide u narednu godinu. Mislim da o tome treba povesti računa u narednom periodu.

Imajmo u vidu da ova Služba pokriva, ja mislim da sam dobila informaciju oko 1.200 kilometara lokalnih puteva i naravno da treba još bolje raditi i ide se ka tome, ali, dakle, moramo uzeti u obzir da im se osigura vrijeme da iskoriste ova sredstva kako bi oni svoj posao odradili tačno kako treba.

Ono što želim iskoristit, mislim da je ovo prvi put, od kada sam vijećnica, jeste da pohvalim Službu za komunalne poslove, s obzirom da su počeli rješavati zaista velike kapitalne projekte. Evo, konačno, naredne sedmice očekujemo početak izgradnje puta u Mandićima i eto nadam se da iduće godine nećemo imati ova kreditna sredstva u iznosu od 500.000, da će sve

biti utrošeno i želim da čestitam dole građanima, ali i ljudima iz Komunalne službe, jer samo oni znaju kakav su put prošli, koliko je sve trajalo i hvala što nisu odustali i onda kad se činilo, znači, da nema izlaza i da će sve propast.

Takođe, do kraja godine trebala bi započeti i rekonstrukcija industrijskog puta u Ljepunicama, koji će se odvajati u tri etape i pored toga čini mi se da na zadnjem tenderu koji je završen, od devet lotova, osam lotova se odnosi na prigradske mjesne zajednice i puteve u prigradskim mjesnim zajednicama i to je ono što svakako treba pohvaliti.

Dakle, rebalans ćemo podržati, naravno, i sve ostale odluke, ali kada je riječ o Nacrtu budžeta, dakle, imam neke prijedloge koje želim iznijeti. Za razliku od dosadašnjih izlaganja, kada sam uglavnom i isključivo govorila o komunalnoj infrastrukturi i komunalnim projektima, sada bi u fokus stavila i neke druge, dakle, stvari, za koje smatram da svakako mogu uticati na kvalitet života u našem gradu. Naravno da prvo treba da se pozabavimo komunalnom infrastrukturom, putnom infrastrukturom, problemom vodonabdjevanja u onim mjesnim zajednicama u kojem to pitanje nije riješeno. U narednom periodu nas svakako čeka i veliki projekat koji je vezan za proširenje toplifikacione mreže, saobraćajna deblokada i sve ono o čemu stalno govorimo i naravno da kao klub pružamo punu podršku tome i prioritarno rješavanje onih problema.

Ono što bi ja predložila u ovom Nacrtu jeste razmatranje nečega o čemu sam govorila na prošloj sjednici Vijeća kada sam podnijela inicijativu vezanu za legalizaciju objekata u našem gradu. S obzirom da sam od Službe dobila odgovor da ne prihvataju inicijativu, predlažem dva rješenja.

Prvo je ili ćemo cijene legalizacije objekata dovesti na minimalnu i prihvatljivu svim građanima, ili ćemo uvesti subvencioniranja troškove legalizacije objekata i to je moj prijedlog. Dakle, svjesna sam koliko ovo košta, ali sam još svjesnija koliko to košta naše građane i s kakvim se problemima suočavaju i da se ovaj problem očigledno neće drugačije riješiti. I evo ovo je moj doprinos u pokušaju rješavanja ovog problema. To je prvi prijedlog.

Drugi prijedlog je vezan za Dom zdravlja Tuzla. Možda nemam pravo pričati o ovoj temi pored toliko iskusnih stručnjaka i doktora u ovom sazivu Gradskog vijeća, ali imam neke prijedloge i ideje. Mislim da su dobri, ali zaista ne znam koliko su izvodljivi, pa evo sigurno ćemo dobiti i povratne informacije o tome. S obzirom da svi znamo koliko su liste čekanja duge i da se recimo za pregled mamografije zna čekati i osamnaest mjeseci, predlažem menadžmentu da se angažuju, dakle, ljudi koji će raditi vikendom, kako bi se ove liste...naravno biće plaćeni onako kako trebaju biti plaćeni za rad vikendom, a da se te liste svedu na jedan razuman, razuman rok, a onda da pokušamo uvesti ono što se primjenjuje u nekim drugim zemljama da sami počnemo pozivati građane na preglede. Pa recimo da pozovemo mjesečno pedeset žena koje će dobiti termin za ginekološki pregled ili za mamografiju, pedeset muškaraca koji će dobiti poziv za pregled kod urologa, prostatu i tako dalje. Mislim da svatko poentu onoga o čemu govorim, ali mislim da bi zaista bilo korisno, s obzirom, na žalost na sve veći procenat oboljevanja osoba srednje i mlađe životne dobi. Dakle, predlažem da razmorimo svakako mogućnost finansijske podrške ovoj ustanovi, kako bi, dakle, počeli obavljati preventivne preglede građana, s obzirom na sve veći procenat o kojem sam govorila.

Kada je riječ o programima podrške javnim manifestacijama, recimo vezano je, znači, za kulturu, za Službu za kulturu, sport i mlade. Može se organizirati...znam da ima puno tih mislim programa i sve, ali evo, bila sam konstruktivna. Može se organizirati smotra folklor kao jedan dio očuvanja naše kulturne baštine i naslijeđa ili revija kulturno umjetničkog stvaralaštva sa pratećim nagradama. Ono što svakako predlažem recimo kad imamo neke veće javne manifestacije, recimo Zimski grad ili Kaleidoskop, možemo organizirati prevoz za naše sugrađane koji žive u prigradskim mjesnim zajednicama. Za sve možemo iskoristiti naravno savjete mjesnih zajednica. Prijedlog je recimo i porodični dan na nekom od naših izletišta ili recimo na Panonici i to bi bila lijepa aktivnost koja može obogatiti život naših sugrađana.

Još jedan od prijedloga, recimo da pred početak školske godine, kao grad, dakle, organiziramo Dan dječije radosti na Trgu slobode i da zabavimo mališane i roditelje popularnim maskotama i tako dalje. Nešto slično kao što imamo sa proslavom Dječije Nove godine, koja je svakako za pohvalu, ali zašto ne uvesti nešto i pred sam kraj ljeta, a pred početak školske godine.

Predlažem da se razmotri mogućnost podjele novogodišnjih paketića za djecu u našim predškolskim ustanovama. Jedan od prijedloga koji imam jeste sufinansiranje i finansiranje izdavanja knjiga ili afirmisanje novih književnih ostvarenja kao pomoć pri izdavanju i štampanju knjiga. Ne znam u okviru Centra za kulturu, mogu se podržati projekti iz oblasti kulture, muzički, teatarski, književni, lutkarski, a sve s ciljem razvijanja i podsticanja talenata, kao i učešće učenika u kreiranju kulturnog života u vlastitoj sredini. Evo ja ću se samo još jednom rečenicom dotaći sporta (NATAŠA PERIĆ – Može.), pa ću onda nastaviti (NATAŠA PERIĆ – Važi, drugi, drugi krug.) svoju diskusiju. Jeste, jeste.

Dakle, novo vrijeme, nove tehnologije. Problemi za roditelje. Djeca se sve manje druže. Sve više koriste tehnologije. Moramo pronaći način da ih stimuliramo za druženje sa vršnjacima. Kako drugačije nego kroz sport i unapređenje životnih, dakle, unapređenja zdravlja kroz sportsko rekreativne aktivnosti. Možemo sufinansirati, znači, članarine za djecu do 15 godina u sportskim klubovima. Organizirati sportska takmičenja sa nagradama i možemo se zalagati za programe sufinansiranja sportskih manifestacija, a posebno, dakle, za naj mlađe i mlade sugrađane našeg grada, jer zdravi ljudi, zdravi mladi ljudi jednako zdravo okruženje. Poslije ću nastaviti svoju diskusiju.

NATAŠA PERIĆ

Hvala vijećnici Mujkanović. Sljedeći za riječ se ispred kluba, klubova vijećnika javio vijećnik Admir Hasanbašić, ispred Kluba Tuzlanske alternative. Izvolite.

ADMIR HASANBAŠIĆ – vijećnik Tuzlanske alternative

Hvala. Poštovana predsjedavajuća, uvaženi gosti i cijenjeni predstavnici medija, drage koleginice i kolege, evo ja vas srdačno pozdravljam i želim vam danas konstruktivan rad.

Klub vijećnika Tuzlanske alternative je razmatrao rebalans budžeta za 2022. godinu i jedinstven je zaključak da je dobro što se ovaj rebalans budžeta desio poslije izbora, tako da nije iskorišten u predizbornoj kampanji i da i danas, znači, poslije izbora imamo velike radove, znači, imamo završavanje nekih novih infrastrukturnih projekata, što je u svakoj mjeri poboljšalo uslove života naših građana. Jasan pokazatelj ovih činjenica jeste i veliko izdvajanje za izgradnju i rekonstrukciju, rekonstrukciju puteva.

A velika pohvala za povećanje sredstava za održavanje prostorija mjesnih zajednica u iznosu od 92.000 konvertibilnih maraka, jer znamo u kakvim uslovima se održavaju sastanci povjerenika u savjetima mjesnih zajednica i da je to zaista loše i nadamo se da će ova sredstva biti pravilno iskorištena i da ćemo imati znatno bolje uslove u mjesnim zajednicama.

Ali, svakako je pohvalno i izdvajanje od sto petnaest hiljada konvertibilnih maraka za izgradnju i sanaciju mostova i ja ovdje predlažem jedan zaključak, a to je da se urgentno izvrši sanacija svih pješačkih drvenih mostova koji imaju određena oštećenja i koja mogu ugroziti sigurnost građana. Znači, to je bio zaključak vezan za ovaj dio.

Dalje, sredstva za izgradnju vrelvodne mreže su znatno povećana, negdje oko jedan milion konvertibilnih maraka i nadam se da će ova sredstva biti prioritarno usmjerena u Mjesnu zajednicu Bukinje i Šićki Brod.

Međutim, prema Nacrtu budžeta za 2023. godinu, ova sredstva su znatno smanjena, što je sasvim jasno zbog toga što je i smanjen budžet i zbog toga predlažem i jedan zaključak da

prioritet u izradi projektne dokumentacije izgradnju vrelovodne mreže treba da bude naselje Hudeč u Mjesnoj zajednici Bukinje. Zašto? Prije nekoliko godina urađen je projekat koji je trebao da sadrži četiri faze, urađene su dvije faze, stalo se kod treće faze, kada je trebala da se izvrši toplifikacija naselja Hudeč i do dan danas ništa nije završeno. Mislim da je sramota da na jedno naselje kroz koje prolazi toplovod nema priključke na toplovodnu mrežu i znači ovdje su zaista građani u, u određenu ruku diskriminirani.

Dalje. Pozitivna stvar još jedna jeste što su se smanjili izdaci energije javne rasvjete za stopedeset hiljada konvertibilnih maraka. To je zaista za pohvalu. A ovdje bi ja pohvalio Javno komunalno preduzeće „Saobraćaj i komunikacije“ upravo zbog toga što je došlo do uštede zamjenom halogenih sijalica LED rasvjetom. I mislim da je ovdje jedan dobar pokazatelj u kojem smjeru treba da idemo kada je u pitanju i budžet za narednu dvadeset i treću godinu. I ovdje ću predložiti jedan zaključak, a to je da se u budžetu za 2023. godinu, povećaju finansijska sredstva za tekuće održavanje javne rasvjete, a u svrhu zamjene halogenski, halogeni svjetiljki sa LED rasvjetom, jer bi se zaista u mnogome uštedila potrošnja električne energije, a samim tim i ovi izdaci.

Ovim rebalansom vodilo se računa i o nečem jako bitnom. A to su naša naj mlađa populacija, odnosno proširenje, proširenje vrtića, proširenje kapaciteta Javne ustanove Obdanište „Naše dijete“ i zaista je lijepa vijest da će, evo u Slavinovićima biti formirane dvije grupe naših naj mlađih i da bi to trebalo da krene, izdvojeno je četrdesetdevet hiljada konvertibilnih maraka. Međutim, ovdje je Tuzlanska alternativa, odnosno Klub vijećnika Tuzlanske alternative zajedno sa većinom u Gradskom vijeću Tuzla, predložio jedan amandman, a to je da se izdvoji sedamdeset hiljada konvertibilnih maraka za uređenje objekta takozvane male škole u sklopu Javne ustanove Osnovna škola „Simin Han“. Naime, taj objekat Javna ustanova Obdanište „Naše dijete“ treba da dobije od Vlade Tuzlanskog kantona na besplatno korištenje u periodu od dvadeset godina. Već je izvršena anketa građana, odnosno roditelja i postoji zaista, zaista, velika, velika zainteresovanost i to će biti pravi, pravi pogodak. U kojem smislu? Mi imamo veliki broj građana koji djecu dovode u grad iz Smin Hana za potrebe obdaništa. Međutim, ukoliko se otvori ovo obdanište, a siguran sam da hoće, odnosno vrtić, tada ćemo imati i oslobođeno dosta mjesta u samim, znači, vrtićima u gradu, gradu Tuzla i ja sam siguran da će ovo biti ostvareno. Ova sredstva, znači, uglavnom su predviđena za uređenje samog, samog objekta u Javnoj ustanovi Osnovna škola „Simin Han“. I međutim, otvaranjem ovog vrtića u narednoj godini i ovog vrtića u Slavinovićima, siguran sam da će doći i do povećanja izdataka, jer će se pojaviti i, znači, novi uposlenici i iskreno se nadam da će u budžetu za 2023. godinu povećati se, znači, sredstva, odnosno finansijska izdvajanja za rad Javne ustanove Obdanište „Naše dijete“, a sve, sve u svrhu, znači, da bi se mogli isplatiti novi uposlenici i ostale, znači, ostali dijelovi koji su bitni za dobar rad.

Ovdje bih imao jedno pitanje kada je u pitanju rebalans budžeta, a to je vezano za nabavku poslovnog prostora Mjesna zajednica Sjenjak za koji je bilo planirano tristo hiljada konvertibilnih maraka po budžetu, međutim vidim da je sada, da su ta sredstva umanjena, pa me interesuje šta je, šta je sa tim sredstvima, odnosno zbog čega se nije izvršila nabavka ovog poslovnog prostora koji je jako bitan za naše građane?

I nekoliko stvari vezano za Nacrt budžeta za 2022. godinu, koji je u predviđenom iznosu od pedeset i sedam miliona i znatno je manji kao što sam rekao u odnosu na 2022. godinu. Ali, ono što je dobro, jeste da se vodilo računa o ovim, hajd da kažemo socijalnim kategorijama i da je iznos koji je bio u 2022. godini i pored smanjenja Nacrta budžeta ostao na istom nivou, čak je povećan za nekih 0,2%.

Bilo bi dobro da se grant za podsticaj poljoprivredne proizvodnje koji je smanjen sa 170.000 na 110.000 vrati na nivo 2022. godine, jer zaista Grad Tuzla ne treba da ide u smjeru da se guši poljoprivredna proizvodnja, već naprotiv znamo vrlo dobro i vidimo u ovom

vremenskom periodu kakva je situacija i šta znači zdrava ishrana, šta znači poljoprivreda i nadam se, kažem još jednom, da će ovo, ovaj iznos ostati na nivou 2022. godine.

Dobro je i da su smanjena sredstva za javne ustanove i javna preduzeća. Ovo neka im bude jedan input da se menadžer, odnosno menadžment potrudi da što manje sredstava uzima iz budžeta Grada Tuzla i da se aktivira, da na neki drugi način zarade sredstva i da ne opterećuju budžet. Kažem još jednom. Ovo je dobro da smo po Nacrtu predvidili manja sredstva za javne ustanove i javna preduzeća.

I, na kraju, Klub vijećnika Tuzlanske alternative će svakako podržati rebalans budžeta i Nacrt budžeta za 2023. godinu. Hvala.

NATAŠA PERIĆ

U redu. Hvala kolegi Hasanbašiću. Sljedeći za riječ se javio vijećnik Admir Čavalić izpred zajedničkog kluba Naša stranka i Stranka za Bosnu i Hercegovinu. Izvolite.

ADMIR ČAVALIĆ – vijećnik Stranke za Bosnu i Hercegovinu

Hvala puno uvažena predsjedavajuća. Dakle, ja ću iskoristiti ovu raspravu, javit se još jednom, dakle, u okviru rasprave klubova, kako bi dao osvrt, dakle, nas kao Kluba Stranka za BiH i Naša stranka na rebalans budžeta, na Nacrt budžeta za 2023. godinu, i eventualno, dakle, ove dokumente u vezi izvršenja budžeta. Ono što je bitno naglasit kad govorimo o rebalansu, jeste da je evidentan rast prihoda i sada imamo taj rekordni budžet, dakle, gotovo osamdeset miliona konvertibilnih maraka, što predstavlja izuzetno, dakle, ovaj, odgovornost, prije svega i teret za sve nas da raspodijelimo ta sredstva na naj bolji mogući način.

Ono čega moramo biti svjesni, to se vidi kroz ove dokumente i obrazloženje nadležne službe jeste da ovo nije rezultat naših djelovanja koliko činjenice da imamo tekuću inflaciju i da građani Bosne i Hercegovine i građani Tuzle uplaćuju, dakle, više po osnovi indirektnih poreza. Šta to znači? Dakle, kako više troše, odnosno vrijednosna komponenta njihove potrošnje je veća, više ide po osnovu PDV-a drugih indirektnih poreza na državni, ovaj, nivo i onda se to radi transfer, je li, između ostalog i na jedinice lokalne samouprave, odnosno našu Tuzlu. Znači, ovih pet miliona gotovo konvertibilnih maraka više u rebalansu je jednostavno (NATAŠA PERIĆ – Izvinjavam se kolega Čavaliću. Samo sekundu. Pozivam vijećnike da uđu u salu, jer nemamo kvorum za rad. Zamoliću vijećnike da uđu. Izvinite Čavaliću.) Mogu li nastaviti? (NATAŠA PERIĆ – Nastavite vi.) Dakle...(NATAŠA PERIĆ – Samo malo. Samo malo. Molim vijećnike da uđu u salu. Mislim malo je...Možete nastaviti kolega Čavaliću.) Hvala puno. Dakle, ovih pet miliona konvertibilnih maraka je prije svega rezultat činjenica, dakle, da imamo izuzetnu ekonomsku krizu, da imamo inflaciju, da građani više doprinose. I moramo biti zahvalni građanima na tome i svaku konvertibilnu marku propitivati na način kako se troši. Vezano za Nacrt budžeta za 2023. godinu jasno je zašto je skrominiji. Mi ćemo dobit više informacija, vjerovatno januar februar, kada dođe, dakle, od nadležnog ministarstva i on će biti veći, dakle, neće biti ovoliko minoran iznos evo u komparaciji sa ovim budžetom.

Ja pozivam, koristim priliku da pozovem građane da učestvuju u javnoj raspravi i drago mi je, evo, zahvaljujem se građanima koji su prošli put, dakle, učestvovali i pretpošle godine i odazvali se tom pozivu. Volio bi da predstavnici mjesnih zajednica malo aktivnije rade na terenu, dakle, da pozivaju građane da budu aktivni u javnim raspravama, jer ako se ne bude čuo glas naših građana, a mi znamo da nismo imali izbore u mjesnim zajednicama, da nismo riješili pitanje njihovih statuta, tako da se glas mještana ne čuje definitivno, ali ako hoćemo da se čujemo, odlična je prilika, dakle, da koriste ove javne rasprave.

Nekoliko imam pitanja, dakle, i nekoliko nejasnoća.

Prva se odnosi na činjenicu da u rebalansu, povećava se dakle iznos za radna tijela Gradskog vijeća za 100.000 konvertibilnih maraka. Jasno mi je da imamo više klubova zbog samostalnih vijećnika. Međutim, mislim da to nije adekvatan iznos, mislim da iznos daleko manji, dakle, po osnovu djelovanja novih klubova u kolegiju ili eventualno ako ima troškova po osnovu navedenog. Nije mi jasno, dakle, zašto je, zašto je više, dakle, za 100.000 konvertibilnih maraka, zašto je ovolika razlika u procjeni? Dakle, valjda se znalo na početku godine koliko ćemo imati radnih tijela i koliko će djelovati u okviru Gradskog vijeća Grada Tuzla. Dakle, 100.000 konvertibilnih maraka je zaista izuzetan iznos i nije mi jasno odakle, dakle, kako je, kako je to došlo, ovaj, uopšte, ovaj, prijedlog, dakle, rebalansa.

Također, sredstva za rad stručnih komisija, opet se diže, dakle, za nekih 10.000 konvertibilnih maraka na stranici 36, možete to viditi. Nije mi opet jasno, ovaj, zar se to nije moglo predvidjeti na početku godine na bazi, ovaj, dakle, više od dvadeset godina djelovanja tih komisija i slično, unazad, dakle, neke prakse, istorije i tako dalje. Volio bi obrazloženja.

E sada vezano. Ova stavka je jedna vrlo indikativna. Kolega Hasanbašić je postavio to pitanje, ja ću mu evo i odgovoriti. Ne mora niko iz Službe. Vezano za nabavku prostorija Mjesne zajednice Sjenjak. Dakle, istina je, a vrlo je ovo perfidno urađeno, da je skinuto 300.000 konvertibilnih maraka sa jedne stavke, a onda se to kreirala nova stavka sa 400.000 maraka. Tako da mjesna nabavka Mjesne zajednice Sjenjak ove zgrade neće nestati, ali je magično, dakle, porasla cijena za 100.000 konvertibilnih maraka. Bilo bi dobro da dobijemo obrazloženje šta se desilo sa javnog poziva u januaru, jer je isti objavljen za kupovinu, dakle, nabavku tih prostorija za 300.000 maraka. Da li je možda neko ko treba da dobije? Ja sam u decembru govorio na raspravi o budžetu, da, vjerovatno znamo neko ko će dobiti unaprijed, jer sve se manje više zna unaprijed. Da li je taj možda reko malo mi je 300.000 maraka, hoću 400.000 maraka, pa je sada evo u rebalansu, mi treba da damo nekom 400.000 maraka za zgradu Mjesne zajednice Sjenjak. I, ovaj pitanje ko je taj i, mislim njemu će biti svakako dobro, drago, je li, ako usvojimo ovaj rebalans, ako mu damo 100.000 maraka više. Ali zanima me šta se desilo? Dakle, u januaru ove godine smo imali javne pozive i nikakve informacije od strane predstavnika Grada Tuzla i nadležne službe niko nam nije ništa rekao šta se desilo i nemamo sad, što je fascinantno na stranici broj 12. Služba za komunalne poslove za izgradnju poslova mjesnih zajednica inače vezano za ovu stavku, nemamo niti jedno obrazloženje zašto se traži 100.000 maraka više za prostorije Mjesne zajednice Sjenjak. A to nije mala cifra. Dakle, 100.000 maraka zaista nije mala cifra. Okej pet deset hiljada maraka gore dole. Inflacija da kažemo, troškovi i slično, ovaj, ali stotinu hiljada maraka na iznos od tristo hiljada maraka nije mala stvar i ne možemo je zanemariti. Tako da zaista me zanima obrazloženje ovog, jer ovo može biti jedan prvoklasni skandal, dakle, ovo se trebalo završiti u januaru sa 300.000 maraka. Mi sada dižemo to na 400.000 konvertibilnih maraka. Zašto je to tako i koji je razlog? Jel stvarno neko rekao malo mi je 300.000 maraka hoću 400.000 maraka za zgradu za koju unaprijed znamo, dakle, da će se, da će se, da će bit ta mjesna zajednica tu i slično?

Takođe, zanima me ovo 50.000 maraka za Turističku zajednicu grada Tuzla. Oni su tamo naveli u obrazloženju. Kažu to je za doček nove 2023. godine. Ja se ovdje naslanjam opet kolega Hasanbašić što je govorio, dakle, de malo, da li neke organizacije ovdje mogu imati neke vlastite prihode? Da li nešto mogu raditi, dakle? Da li možemo imati neke sponzore za taj doček ili mi moramo davati 50.000 maraka? Pogotovo što se kaže, oni kažu: S odgovarajućim programom u okviru koji se planira angažovanje regionalnih muzičkih izvođača. Ja sam slučajno juče gledao, ovaj, predstavljanje tog programa i on se, pazite, već predstavlja, iako mi nismo rebalans usvojili. Dakle, već, već se govori o tome da je to završeno i bio je jedan regionalna zvijezda i on kaže gospodin Sejo Sexon, kojeg izuzetno cijenim. Oči cijele Bosne i Hercegovine su uprte u Tuzlu, njen napredak i prosperitet. Ova izjava je vrlo, dakle, ovaj, dobra. Zahvaljujem gospodinu Seji Sexon. Pitanje: da li njemu dajemo 50.000 maraka da ovo izjavljuje i da nastupa, dakle, u okviru, ovaj, novogodišnje noći? Koliko će bit plaćen taj, ovaj,

bend, kojeg izuzetno cijenim, slušam i, i, svakako je obilježio, dakle, mladost svih nas i, ovaj, imamo jake nostalgije prema navedenom. Dakle, malo je smiješno da se građanima Tuzle, dakle, neko ismijava tako sa 50.000 maraka i da kaže, je li, sad hvali grad i Gradsku upravu čak hvali. Pa dobro mislim, svako bi hvalio ako dobijete 50.000 maraka. Čak i onaj što će dobiti 100.000 maraka za mjesnu zajednicu više. Ali je pitanje zašto se malo krenulo preuranjeno s tim i da li Turistička zajednica ima vlastitih sredstava i da li je imala potencijal da privuče dodatna sredstva? Jer da li sve mora spast na Grad Tuzla pa da izvučemo sad opet iz šešira 50.000 maraka u koji smo mogli ići na sanaciju nekog puta za, za pomoć nekoj rubnoj mjesnoj zajednici, za bolju toplifikaciju i tako dalje, da dajemo regionalnim zvijezdama koje će tako i prije nego što dobiju ta sredstva, dakle, hvalospjeve o našem gradu govoriti. Kažu, ovaj, nadam se da će grad Tuzla biti primjer i ostalim sredinama u ovoj lijepoj zemlji. Dakle, i preporučujem i ostalim sredinama da nagrade te muzičke zvijezde, protiv čega nemam ništa, ovaj, iskreno. Dalje, vezano... (NATAŠA PERIĆ – Samo malo privodite.) Pa evo, mogu, mogu faktički i završit, dakle u narednom javljanju, javit ću se još jednom za klubsku raspravu. Obrazložiću ukratko, dakle, šta su zamjerke, šta sam priložio, neke zaključke i svakako ću se osvrnuti na Nacrt budžeta za narednu godinu, slično kao kolegica Sabiha, volio bih dati neki osvrt šta bi bilo dobro da se radi. Hvala.

NATAŠA PERIĆ

U redu. Hvala vam. Sljedeća za riječ se javila vijećnica Selma Čatibušić ispred Kluba Platforme za progres. Izvolite.

SELMA ČATIBUŠIĆ

Evo ovako, ja ću veoma kratko i dotać ću se samo jedne stavke. Kolega Hasanbašić je već pomenuo i pohvalio, je li, više sredstava, konkretno za Javnu ustanovu „Naše dijete“, odnosno na neki način eto podršku našim mališanima koji u svakom slučaju nama trebaju biti prioritet. Ovih dana imamo priliku da propratimo da tako kažem i na Vladi Tuzlanskog kantona, da su izdvojena sredstva u iznosu od 84.000 konvertibilnih maraka za sufinansiranje boravka djece u predškolskim ustanovama, što se prvi put desilo i podsjećam na moj jednoglasno usvojen zaključak od maja ove godine koji kaže da će Grad Tuzla upravo ići prema Kantonu sa ovom inicijativom, s tim da je Grad Tuzla se ovim zaključkom obavezao da će 20% Grad Tuzla uzeti učešće, a 80% će tražiti da to odradi Kanton. Želim ovim putem da pohvalim i u ovom slučaju i Vladu Tuzlanskog kantona, koja je prvi put, evo, opet ponavljam u našem kantonu nešto tako pokrenula, ali isto tako smatram da su kategorije koje su obuhvaćene ovim, ovim novcem, veoma, veoma male u principu, jer smatram da svako dijete ima pravo na vrtić. Ovdje se radi o kategorijama djece sa poteškoćama u razvoju, djece, od samohranih roditelja, gdje samo jedan roditelj radi, ili onih koji su u stalnoj socijalnoj pomoći, odnosno primanju stalne socijalne pomoći. Tako da smatram da Grad Tuzla svakako u okviru svog narednog budžeta za narednu godinu treba ići sa time da se izdvoji više sredstava za sufinansiranje sve djece iz našeg grada, ili ajd da kažem ako je to nemoguće ići naredne godine u nekom punom kapacitetu, da počnemo sa nekom cifrom prvi put i da idemo i dalje sa inicijativama prema Kantonu. Kanton je sada uzeo učešće. Hajmo ovaj put da Grad Tuzla također posluži sa dobrim primjerom grada i Banja Luke i Kantona Sarajevo, a evo sada je i Kantona, našeg Tuzlanskog kantona i da uzme učešće u izdvajanju više sredstava, konkretno za sufinansiranje boravka djece u predškolskim ustanovama, da li privatnim, da li javnim. Ovdje se radi o iznosu za 90 konvertibilnih maraka za poludnevni boravak i do 130 konvertibilnih maraka za cjelodnevni boravak.

Pokažimo da je naš grad spreman da radi za naše mališane, da je mladost budućnost ovog grada i Bosne i Hercegovine i da zaista grad Tuzla će uraditi sve na tome na, na pojačanju ili povećanju nataliteta, rađanja i uopšteno ostanka naše omladine i naše djece, u našem gradu i našoj državi.

NATAŠA PERIĆ

U redu. Hvala vam Selma. Dal se još neko javlja ispred klubova vijećnika? Ako ne, idemo drugi krug. Vijećnica Selma, pardon, vijećnica Sabiha Mujkanović. Neka se pripremi kolega Čavalić. Izvolite Sabiha.

SABIHA MUJKANOVIĆ MUJAČIĆ

Zahvaljujem. Evo kao što sam rekla, ja ću nastaviti sa davanjem prijedloga za Nacrt budžeta za 2023. godinu. Dakle, još jedan od prijedloga jeste izdvajanje sredstava za sanaciju devastiranog stambenog i poslovnog fonda kojim raspolaže Grad Tuzla, kako bi se isti mogli izdavati ili dodijeliti, dakle, u skladu sa kriterijima koji već, dakle, postoje. Postoje prostori koji su zaista, ovaj, zapušteni i devastirani, a u vlasništvu su našeg Grada i sigurno da bi njihova sanacija imala višestruku korist.

Gledala sam malo još neke manifestacije po drugim gradovima i evo možda i da se osnuje neki grant za organizaciju tradiciionalnih turnira za dan grada, Bajrame, Božiće, koji se organizuju, dakle, i u drugim gradovima i mene svake godine nekako oduševi onaj prijem koji imamo povodom Katoličkog Božića i zaista je lijepo vidjeti i doživjeti i bilo bi lijepo da naš grad bude organizator nekih sličnih prijema povodom praznika. Naročito kada uzmemo u obzir sve ono što Tuzla predstavlja i multikulturalnost kojom se ponosimo svi mi.

Predlažem da se razmisli, dakle, o projektu hortikulturnog uređenja sa projektom čišćenja grada, kao i o izdvajanju sredstava za postavljanje kontejnera, reciklažnih zvona, čišćenju divljih deponija i održavanju javne higijene na putevima, dakle, koji nisu u redovnom održavanju.

Posebno korisnim smatram prijedlog da se izdvoje sredstva za postavljanje, dakle, pozdmenih kontejnera koje su veće zapremine i osim ekološkog aspekta, dakle, selektivnog odvajanja otpada, takođe će se smanjiti problem sa psima lualicama i napuštenim životinjama, koje su do sada najveći izvor hrane imali u kontejnerima otvorenog tipa.

Nešto što sam primijetila, naročito u starijim objektima, dakle, kolektivnog stanovanja, da ne postoje protivpožarni aparati, a koji postoje, onda nisu godinama kontrolisani, dakle, i vjerovatno i nisu upotrebljivi i zato jedan od prijedloga jeste i sufinansiranje nabavke protivpožarnih aparata za objekte kolektivnog stanovanja.

Još neki od prijedloga koje imam jesu kapitalni transferi paraplegiračima, dakle, ratnim vojnim invalidima za ugradnju komandi u automobilima, ili pak transferi za nabavku pomagala za invalidna lica, ili kapitalni transferi invalidnim licima za prilagođavanje stambenih objekata i njihovih motornih vozila.

Putem Javnog preduzeća Veterinarska stanica ili putem Službe za ekonomski razvoj može se osigurati recimo edukacija i stimulisanje seoskih domaćinstava za razvoj proizvodnje putem izbora i nagrađivanja najkvalitetnijih farmera ili recimo sufinansiranje redovnih veterinarskih pregleda stoke putem Veterinarske stanice ili sufinansiranje preventivnog cijepjenja domaćih životinja.

Na kraju jedan prijedlog vezan i za privrednike. On je ujedno i zadnji moj prijedlog. Do prijedloga budžeta onda ćemo vjerovatno imat neke amandmane, dakle, predlažem učešće našeg grada u sufinansiranju dijela kamatne stope za privredne subjekte.

Evo nadam se da smo ispred našeg kluba bili dovoljno konstruktivni.

NATAŠA PERIĆ

U redu. Svaka čast. U redu. Hvala. Ima kolega Čavalić. Drugi put. Izvolite.

ADMIR ČAVALIĆ

Hvala puno predsjedavajuća. Ja ću iskoristiti drugo javljanje. Dakle, čisto da se osvrnem prije svega na Nacrt budžeta za 2023. godinu. Napominjem još uvijek nepotpune informacije, dakle, imamo i predlažem i pozivam još jednom da se svako odazove u ovu javnu raspravu, prije svega kao građanina, posebno kao mještanina. Moje neke, moja neka promišljanja koja će ući u zapisnik u vezi povećanja, dakle, ovih sredstava po osnovu rashoda, predlažem da se malo više investira u putnu infrastrukturu. Zaista je u, ovaj, lošem, lošem stanju širom grada, pogotovo, dakle, u nekim rurnim mjesnim zajednicama gdje su građani ostavljeni na samilost, je li, vlastitih sredstava, u smislu da učestvuju i participiraju i kada učestvuju, dakle, moraju čekati po par godina kako bi se određeni projekti realizovani, realizovali.

Mislim da moramo malo više kapacirati Dom zdravlja Tuzla. Dajem zaključak da se obavezno naredne godine, dakle, nabavi i dodatno vozilo za potrebe Službe htine pomoći grada Tuzla i mislim da je to neophodno, razumijevajući, dakle, broj stanovnika u našem gradu (NATAŠA PAERIĆ – Izvinite, je li ovo govorite za Nacrt?) Da, u Nacrtu. (NATAŠA PERIĆ – Dobro. Samo onda recite kao prijedlog.) Da, da. (NATAŠA PERIĆ – Pa će uć u...Pošto malo zbunjuje kad kažete zaključak.) Dobro. I svakako mislim, dakle, da Dom zdravlja Tuzla treba osposobiti, ali i adekvatnije kadrirati, jer bojim se, evo dobijam informacije da tamo da će nam faliti, dakle, određenog kadra pedijataru prije svega. Mislim da se mora voditi računa o navedenom i budžet, dakle, naš mora pratiti i ako treba dati podršku Domu zdravlja u vezi istoga.

Kao što je kolegica Sabiha ranije govorila, toplifikacija zaista mora biti prioritet, ali mislim da moramo pomoći Centralnom grijanju grada Tuzla, na način da se povećaju kapaciteti iz toga i da se može izvršiti ta toplifikacija, da se može širiti mreža daljinskog grijanja. Ja bi dao kao odvojeni, evo zaključak da pored, dakle, naselja Hudeč, za koje se slažem Bukinju i naselje Moluhe bude jedan od prioriteta toplifikacije. Mještani zaista dugo čekaju, ovaj, i ništa se čak nema ni informacije u vezi navedenog. Bilo bi dobro, dakle, da imamo, da idemo u tom pravcu. Zašto je to bitno? Pa evo vidimo, dakle, da ovaj politika nagrađivanja kupovine peći na pelet ne daje baš rezultata ako imate cijenu peleta koja ide gotovo na hiljadu konvertibilnih maraka. Ja sam zajedno sa kolegama ranije govorio da je jedino toplifikacija rješenje, da sve ostalo su kozmetička rješenja, koja evo sada i ne daju rezultate, čak šta više možda nas stavljaju u nezavidnu poziciju i odgovornost da moramo pomoć tim ljudima, ovaj, jer smo ih mi i uveli kroz grant programe u, u, dakle, da koriste taj način zagrijavanja i slično tu alternativu, koja svakako jest ekološki prihvatljivija od uglja, ali se pokazala pogrešnom u ovom trenutku.

Mora se više odvojiti za potrebe rješavanja pitanja javnog prevoza. Ne može ovakva situacija da se nastavi sa GIPS-om. Dakle, cijene karata jednostavno ne mogu biti skuplje od cijena taksi prevoznika ili generalno, dakle, ne možemo imati takve redove vožnje kada čekate autobus, nekada sat vremena i više ili kada ne dolaze i slično. Moramo se aktivnije uključiti u navedeno i naredni budžet mora imati više potencijala u vezi javnog prevoza, jer to jeste naša funkcija, jeste naša obaveza.

Malo više se mora inovacije podržati. I ja sam kroz amandmane koje ću obrazložiti kroz izlaganje vijećnika, dakle, opet predlažem onaj redomat, predlažem brojne druge stvari koje jednostavno jesu, jesu modernost. Evo vidili smo kako je sada Zavod za zdravstveno osiguranje kantona i pohvaljujem, dakle, uveo te elektronske knjižice. Stvari idu brže. Treba kupiti i osposobiti čitače u Domu zdravlja za iste. Za sada samo unose jedinstvene matične brojeve. I

to je način i to je opcija. Nije komplikovano. Ali bi bilo dobro da idemo korak dalje. Tuzla mora bude lider, dakle, Kanton je trenutno lider. Evo i kolegica Selma je govorila o predškolskom obrazovanju, dakle, Kanton je lider po pitanju nekih procesa, promjena reforme, a ne Tuzla. Mislim da Tuzla treba preuzeti lidersku poziciju. Onda da nas Kanton prati i prenosi prakse na drugih dvanest opština gradova širom Tuzlanskog kantona.

Mora se genelno promijeniti i turistička paradigma, jer ova paradigma ne donosi rezultate. Mi nemamo, dakle, ovaj, jednostavno ili nas statistika za ova državna agencija il nas ne voli, ovaj, iz nekog razloga, dakle, Tuzlu i daje nam krive podatke. Generalno podaci nam ne idu u korist, dakle. Postoje pojedinci koji ovdje hodaju i govore da smo turistički grad, a mi po brojevima jednostavno nismo. Znači, moramo drugačije organizovati turizam, na način zaista da privučemo građane, dakle, drugih gradova iz naše zemlje, eventualno iz inostranstva. Kako ćemo ih privući? Kroz šoping turizam? Kroz zdravstveni turizam? To je na nama da inoviramo. Ali generalno turizma nemamo. I mora se više, dakle, razmišljati i izdvajati u kontekstu navedenog.

Moramo riješiti niz ekoloških problema. Zima je duga. Sada ćemo vidjet tek, evo već zrak je nečist. Dakle, ujutru smrdi, pogotovo u pojedinim naseljima. I moramo malo više raditi po tom pitanju. To je prioritet svih prioriteta.

I takođe u vezi poslovanja javnih poduzeća. Slažem se sa kolegom Hasanbašićem. Dakle, ne može bit da ih budžet krpi, da samo traže sredstva iz budžeta. Moraju malo više raditi. Navodim dobar primjer Saobraćaj i komunikacije Tuzla. Vrlo kratko, dakle, uz novi menadžment se uradilo, što možda znači da treba mijenjati menadžment. Dakle, nije dobra praksa da imamo penzionere koji vode javna poduzeća. Svaka čast penzionerima, ali oni možda trebaju da budu savjetnici ili nešto drugo, dakle, ali ne mogu biti primarna funkcija. Mislim da je dobro, dakle, evo, uzećemo primjer, dakle, uvaženog gradonačelnika. Kada je stekao uslove za penziju ide dalje. Mislim da je dobro, dakle, da i direktori slijede taj primjer, dakle, kada nastupi od 65 godina, jednostavno da idu dalje.

Mora bit prioritet svih prioriteta izbori u mjesnim zajednicama i dajem zaključak nezvezano za ovaj Nacrt, dakle, poseban zaključak za danas, da glasamo da se obavezno, dakle, u prijedlog budžeta uvrste sredstva za finansiranje izbora u mjesnim zajednicama za 2023. godinu. Dakle, to je nužnost, ne možemo više to zanemarivati. Izgleda da neko mora gore ić u Federalni parlament pa da nam to naredi da uradimo, jer drugačije se nećemo opametiti, dakle.

I moraju se, dakle, ne možemo mi biti grad slučaj po tom pitanju da izbjegavamo te izbore u mjesnim zajednicama, da bježimo toliko od njih. To je jednostavna stvar koja se dešava u svim većim gradovima Bosne i Hercegovine, Banja Luka, Sarajevo, bez ikakvih problema, dakle, jedan civilizirani, urbani čin izlaska mještana, glasaju mora se svesti i u Tuzlu, dakle, ne vidim zašto Tuzla bježi od te prakse.

Slažem se sa kolegicom Selmom, dakle, predškolsko obrazovanje je ključ. Tu moramo napokon slijediti prakse, evo sada Kantona i podržati privatne predškolske ustanove. Mi njih ne možemo ignorirati, oni postoje. Većina naše djece ide u te privatne i mi moramo na jedan način podržati, ne privatne, ne roditelje, već djecu, jer djeca su ista. Bez obzira da li idu u javne ili privatne predškolske ustanove, dakle, djeca su djeca.

I svakako, predlažem, dakle, da se maksimalno podrži poduzeće, dakle, Saobraćaj i komunikacije, u smislu ovih ušteda u vezi rasvjete, dakle, razgovarao sam sa direktorom. Dosta sjajnih projekata, dosta se može uštediti, a to nam sada treba, dakle, najgluplje da, da trošimo na energije, kada raste cijena energije, posebno očekujem za pravna lica, dakle, nove ugovore, a Saobraćaj i komunikacije spada u pravna lica i vjerovatno ćemo imati rast cijena što se možda i prebaciti na naš budžet.

U vezi Nacrta budžeta konkretne stvari koje predlažem. Volio bi da uđe u zapisnik, jeste da se povećaju sredstva za toplifikaciju Šićkog Broda, Bukinja i Husina. To su one tri

mjesne zajednice koje gravitiraju Termoelektrani, za, za nekih pola miliona konvertibilnih maraka, jer su ista smanjena.

Zatim, da se poveća iznos za realizaciju akcionog plana za Rome. Tu se slažem sa kolegom. Opet se smanjilo. Ne znam zašto se ovo radi? Dakle, svaki put se smanji pa se vrati, smanji pa se vrati. Zar moramo uvijek govorit. Mislim da su, dakle, Romi trebaju, ne trebaju strepiti hoće li smanjivati izdvajanja za tu kategoriju i druge manjine. To treba biti jedna stalna, stabilna kategorija u budžetu, kao što postoji za niz nekih drugih stvari koji možda nisu prioritetni kao našu sugrađani Romi.

I da se povećaju sredstva za izgradnju mostova i parkova. Dakle, parkovi su poseban problem. Tu dajem poseban zaključak da naredne godine obavezno, dakle, kupimo što više nadzornih kamera, integrišemo iste, kako bi se pratilo stanje u našim parkovima. Vidili smo ono sportsko igralište. Gospodin Nurkić je to donirao. Odmah kroz par dana se grafiti crtali, ovaj, narušilo se. Moramo zaustaviti tu praksu. (NATAŠA PERIĆ – Privodite kraju, izvinite.)

Mislim, i moj prijedlog je završiću da RTV7 Tuzla sa kolosalnih 700.000 maraka treba takakv da ostane. Ne treba dizati u 2023. godini i nadam se, dakle, da nova uprava Grada Tuzla, ko god bude, ko god pobijedi na izborima, neće, dakle, misliti da, da ga može neki mediji lokalni spasiti koji ga finansira i gdje može davati izjave non stop i slično, ovaj, mislim da ćemo imat drugu politiku spram toga. Dakle, Grad Tuzla treba medij, ali treba biti objektivan, transparentan, nezavisan, a ne selektivan, koji će samo pratiti, dakle, jednu osobu, par pojedinaca i tako dalje i mislim da je 700.000 sasvim dovoljno da se izdržava.

Povećati za tržnice, povećati za apoteke i svakako, dakle, ovaj, još nekih drugih stvari, a to ću obrazložiti kada budem obrazlagao amandmane u raspravi vijećnika. Hvala puno.

NATAŠA PERIĆ

U redu. Selma jeste se vi javili ispred kluba? (vijećnik Selma Čatibušić govori bez uključenog mikrofona op.a.) Pa hajte ispred kluba i da zaključim raspravu.

SELMA ČATIBUŠIĆ

Evo vrlo kratko. Pošto sam u svojoj diskusiji zaboravila da predložim zaključak, a voljela bih da ide i u formi zaključka, da Grad Tuzla podržava inicijativu Vlade Tuzlanskog kantona za sufinsiranje boravka djece u vrtićima odnosno u predškolskim ustanovama i da će Grad Tuzla u narednom periodu učiniti sve da učestvuje u sufinsiranju boravka djece u predškolskim ustanovama, po principu 20% Grad, 80% Kanton i u ovom slučaju Grad Tuzla traži podršku i saradnju sa Kantonom da zajedničkim snagama dovedemo do toga da svako dijete ima pravo na vrtić.

NATAŠA PERIĆ

U redu. Hvala. Zaključujem raspravu klubova vijećnika. Otvaram raspravu vijećnika. Kolega Mensur Alić. Znači, diskusija traje pet minuta. (vijećnik Omer Berbić govori bez uključenog mikrofona op.a.) Molim? (vijećnik Omer Berbić govori bez uključenog mikrofona op.a.) Nije se niko još javio. Hajde u redu. Omer. Izvolite.

MENSUR ALIĆ – vijećnik Tuzlanske alternative

Zahvaljujem predsjedavajuća. Ja ću biti veoma kratak. Neće mi trebat ni tri minute, tako da...(NATAŠA PERIĆ – Svaka čast.) Mnogo je rečeno za ovu tačku Dnevnog reda. Ja ću se samo osvrnuti na Nacrt budžeta i dat konkretan prijedlog. Svi danas govorimo, ovaj, o tome

da kako potrošiti novac, a nigdje niko nije predložio ništa kako doć do novca. A to je osnovno pitanje kad je ekonomija, ako ekonomija radi, onda će sigurno i novca biti. Ono što želim predložiti, možda je ovo neka novina koja prvi put na Vijeću dolazi. A to je, vi znate da smo danas sa električnom energijom u čitavom svijetu i naravno to će stići nas. Cijene idu stalno i neće stat što je ono još, još gore. Ja predlažem da idemo na, moj prijedlog će bit i zaključak ili prijedlog formiranje javnog preduzeća koje će se baviti proizvodnjom električne energije iz obnovljivih izvora, to jest, solarnih panela. Novo javno preduzeće koje samo može imat samo dva usposlena. I naravno, da se tim pravnik, a imamo najmanje deset dvanest pravnik u Gradskoj upravi, da sjednu i da razmotre da li je to moguće na taj način novo ili da se prilagodi nekom drugom preduzeću, prenese kao što smo to uradili održavanje električne, ovaj, energije, u Gradu Tuzla, u javnom komunalnom, javnom SIK-u. Tako da, imaćemo evo ove godine imamo u 2023. godini, imamo planiranu potrošnju električne energije, to je gradska, to je 2.630.000 maraka. Ja tvrdim uz jedan solidan kredit od pet miliona da ga podignemo, da ćemo ovu cifru za tri godine imati besplatno. Da ćemo izmiriti sva sredstva, vratit kredit za četiri godine i da ćemo imat sredstva koja će dolazit u budžet, višak budžeta od onoga što budemo trošili od električne energije.

To je ono što sam želio da, da predložim, jer vezano je naravno i za Zoning Plan Gornja Tuzla, a to ću kad bude na, na sljedećoj tački govorit. Evo toliko, ali mislim da sam jasan do kraja (NATAŠA PERIĆ – Jest.) Ovo ko ne zna raditi i ko ne zna napraviti, to neka se izmakne. Imaju ljudi koji znaju to uraditi za par mjeseci. Ima novih, novih ljudi koji razmišljaju ekonomski, sasvim drugačije, da mogu ovo napraviti za par mjeseci ovakvu stvar. Hvala ljepo.

NATAŠA PERIĆ

U redu. Hvala. Vam. Vijećnik Omer Berbić. Izvolite.

OMER BERBIĆ

Hvala ljepo. Prije diskusije želim da podržim ovaj prijedlog gospodina Alića. Mislim da je ne samo na mjestu, nego da je to jedan naj novativnijih prijedloga koje sam ja čuo dok sam u Gradskom vijeću. Mislim da je ovo prava stvar. Pogotovo ako uzmemo u obzir činjenicu da Grad Tuzla ima raspoložive poljoprivredne zemlje koje mi dajemo poljoprivrednicima, a koja se ne iznajmi u potpunosti. Znači, to može biti zemljište na kojem mi možemo napraviti puno projekata koji se tiču ovog dijela. Sad ću početi za ovaj dio koji sam se javio. (NATAŠA PERIĆ – Znači, prva minuta.) Evo ja opet uključio štopericu.

Želim da čestitam na izvršenju budžeta Grada Tuzle. Al ne čestitam zato što je dobro, nego zato što se stvarno mnogo morate potruditi da vam deset miliona suficita ostane. Deset miliona maraka suficita Grad Tuzla ima uz sve moguće probleme koje sada imamo i razvojne projekte koje smo ovdje nabrajali, da je to jedno umijeće da vam ostanu ovolke pare ukoliko imate ovoliko problema. Ja, to je jedno umijeće oko kojih se može knjiga napisati. Uzimajući u obzir da ima deset miliona suficita, sada možemo dat deset projekata, pa evo i ovaj projekat koji je Mensur Alić, ovaj, govorio, a to su solarne elektrane, da se od ovih deset miliona pet miliona u to uloži i da za tri godine ne moramo plaćati recimo, recimo električnu energiju za javnu rasvjetu, što je dva miliona godišnje uštede u budžetu, a ta dva miliona, ovaj, bi zaista puno pomogla u rješavanju komunalnih problema. Sistemski ste uspješni dovesti Grad Tuzlu do situacije da više pojma, gradonačelnik nema prave potrebe građana i da deset miliona ostane suficita. Stvarno je za čestitat.

Stavili ste nam ovdje devet tačaka u jedno. Kako ja sad ovdje da diskutujem i o izvršenju budžeta i o rebalansu postojećeg budžeta i o nacrtu za iduću godinu i o nekom okvirnom budžetu 2022., 2026.? Znači, ja sad ovdje trebam za četiri tačke da diskutujem pet

minuta, što nam daje otprilike minut dvadesetpet sekundi da diskutujem i o izvršenju, i o nacrtu i o rebalansu. Ja mislim da za minut dvadesetpet se ne može pola jedne tačke završit kako treba. Osim toga ste mi evo uspjeli odbiti dvadeset amandmana radi tehničke greške jer sam ja poslao u jedan i četrdeset jedan ujutro. Drago mi je da vidim da je onda Gradska uprava u, u, u pola dva ujutro radi, aktivno radi na ovim amandmanima, da gledaju koji su amandmani dobri, koji nisu, ovaj, tako dalje, da traži tehnička rješenja. I znam zašto ste mi odbili ovdje dvadeset amandmana? Zato što su ovi amandmani koji bi vas doveli u nezgodnu situaciju, jer su dobri amandmani, a teško ih je odbiti. I zbog ovog ću ja evo u idućem javljanju, ovaj, jedan po jedan amandman probat da riješim zaključcima iz tekuće rezerve koja je tako draga mom kolegi Bijediću i iz te tekuće rezerve probaćemo da napravimo ono što se najviše može napraviti, da se barem neki od ovih amandmana usvoje. A i siguran sam ako se sada ne usvoje, da će kroz godinu dana doći na Dnevni red kao prijedlog većine u Gradskom vijeću, jer tako je došao i ovaj ZIP PLAN na Ilinčici, mnogo drugih projekata i inicijativa koje se uzmu od nas i onda se stave kao prijedlog većine i to prođe i onda se time, time dalje hvalite.

Drago mi je ako ništa, da vidim ovdje, (NATAŠA PERIĆ – De molim vas malo tišine) u izmjenama i dopunama budžeta Grada, da se za Cum grano salis jednu manifestaciju, koja je da kažemo (NATAŠA PERIĆ – Samo malo tišine) postala, postala trivijalni prikaz vladajuće, evo možemo sada reći dinastijskog postavljanja Grada ovih dvadeset godina da se smanjilo sa četrdesetpet na tridesetsedam hiljada maraka. Za tridesetsedam hiljada maraka možete praviti projekte koji su tri, četiri, pet puta jači, važniji i puno efikasniji u bilo kojem drugom smislu od ovog.

Zanima me Stručna služba za poslove gradonačelnika. Kaže: Protokolarni troškovi 90.000 maraka. Na šta se tačno odnose protokolarni troškovi od 90.000 maraka? To znači da se otprilike osam, sedam i po hiljada maraka mjesečno daje na protokolarnе troškove. Da li su to ručkovi po Mama Mia-i ili je, ovaj, nešto drugo? Zanima me da mi to ovdje odgovori, ovaj, onaj ko je pravio ovaj rebalans budžeta.

Žao mi je što se opet ovolike pare skrhale u javna preduzeća i javne ustanove, dajući im grantove s kojim se vjerovatno ništa neće uraditi kao ni dosad i mislim da bi evo jedan zaključak trebao da bude, da se napravi jedna nezavisna vanjska revizija javnih preduzeća i javnih ustanova, koja bi nam dala put gdje da usmjerimo ova javna preduzeća i javne ustanove, kako ne bi svaki puta iz budžeta trebalo da im dajemo milione maraka za njihovo tekuće održavanje, tekuće poslove, jer umjesto da smo sad dali ovih pet ili šest miliona maraka koliko smo dobili u rebalansu u to, mogli smo subvencionirati Gradski i prigradski saobraćaj, praviti biciklističke staze, praviti solarne panele. Mogli smo Ilinčicu još bolje napraviti, Staru Majevicu onaj ZONING PLAN, Industrijsku zonu možda u Gornjoj Tuzli ubrzati, postojeću Industrijsku zonu ubrzati. Toliko puno stvari se moglo sa pet miliona. Od tih pet miliona smo trebali napraviti dvadeset miliona, a ne samo da ih damo u neke tekuće rezerve, u, u, u javna preduzeća i javne ustanove, da se oni malo bolje osjećaju i da oni sebi mogu platiti gorivo i tako dalje. Žao mi je što se na ovo potrošile ovolike pare i moram da kažem da sam razočaran na način na koji će se ovaj budžet rebalansirati. Uostalom, (NATAŠA PERIĆ – Privodite kraju.) javiću se, javiću se na sljedeće javljanje. Hvala ljepo. U redu. Drugi krug. Dobro). Hvala ljepa.

NATAŠA PERIĆ

U redu. Drugi krug. Dobro. Vijećnik Hirkić. Izvolite. Možeš samo mikrofon?

HASIB HIRKIĆ – samostalni vijećnik

Zahvaljujem predsjedavajuća. Pošto se prvi put javljam, evo ja bi da pozdravim sve prisutne, da nam zaželim uspješan rad danas. Ja neću, onaj, duljit, ja ću samo pokušat vezano

za rebalans budžeta je već kolega Hasanbašić rekao puno i mislim da ono sve što je iznio da je to za pohvaliti. Ali, evo, ja, možda za Nacrt budžeta za 2023. imao bi par stvari samo da kažem. Ukoliko se može, to je već i prošle godine sam o tome razgovarao i pričao, koliko se može dovesti do te mjere da pokuša se planirati u ovom budžetu, ponovo kažem hitna pomoć istoka i zapada. To bi puno značilo građanima. Da ne obrazlažem to sam već više puta i rekao, da narušeno zdravlje naših stanovnika, a i same prevoz ili dolazak u hitnu pomoć koja trenutno funkcioniše u centru grada je malo i otežavajući za naše građane. Puno se pričalo o izdvajanju sredstava od Termoelektrane za Grad Tuzlu i uvijek se pominju te tri mjesne zajednice, Šićki, Bukinje i Husino. Ja bih zamolio ukoliko se može, isti status dodijeliti Mjesnoj zajednici Mramor, Dobrnja i Ljepunice, imajući u vidu da se tamo potkopava ruda, da se tamo narušavaju, znači, infrastrukturni objekti, da se tamo narušava komunalna infrastruktura i sve drugo i mislim da je jedino ispravno da i te tri mjesne zajednice dobiju poseban status kao i Šićki, Bukinje i Husino. Mislim da ne bi trebao više o tome ništa ni govoriti, evo s tim ću i završiti. Rekao sam da ću biti kratak. Hvala.

NATAŠA PERIĆ

Hvala kolega Hirkiću. Sljedeći za riječ se javio vijećnik Anel Ibeljić. Neka se pripremi vijećnik Damir Muratović.

ANEL IBLJELIĆ – vijećnik Socijaldemokratske partije

Hvala predsjedavajuća. Pošto je moje prvo javljanje, želim sve srdačno da vas pozdravim. Ovu priliku koristim da čestitam uvaženom kolegi Admiru Čavaliću ulazak u Parlament Federacije. Nadam se da će mandat federalnog zastupnika obnašati časno i pošteno, kao što je obavljao i ove dvije godine vijećničkog mandata.

Ja ću se koncentrisati na Nacrt budžeta za 2023. godinu. Reći ću nekoliko stvari o tome. Prije svega, želio bih skrenuti pažnju da je ovaj nacrt dosta manji, u stvari, od budžeta Grada Tuzle za 2022. godinu, iz onih razloga koje smo čuli u uvodnom izlaganju, te da je jasno da neke stavke moraju biti smanjene, odnosno neke izbačene u cjelosti. Međutim, tu je i dosta stavki koje su ostale iste, a koje su po meni jako značajne, kao što je određena sredstva za Narodno pozorište, Biblioteku, obdanište i brojne druge stavke.

Međutim, želio bih skrenuti pažnju na ono pitanje koje mene u stvari najviše interesuje, navjše boli, a to je prije svega pitanje položaja mladih i poboljšanje njihovog položaja u društvu. Prema popisu stanovništva iz 2013. godine, mladih je negdje oko, mladih je oko 770.000 u Bosni i Hercegovini. Oko 60% njih je nezaposleno. Šta mi možemo uraditi kao Gradsko vijeće da to promijenimo?

Jasno je nama svima da mi nismo ti koji možemo nešto pretjerano i značajno uraditi na tom poboljšanju, ali svakako da možemo tome doprinijeti kroz različite vidove pomoći i sufinansiranja.

Ja ću predložiti da se određene stavke u ovom Nacrtu povećaju kada dobijemo prijedlog budžeta. To je prije svega sljedeće stavke, a to su aktivna politika zapošljavanja, podržavanje i subvencioniranja kamata za stambeno zbrinjavanje mladih, nagrade studentima, te grant za projekte za mlade. Sva ova sredstva se mogu povećati za dodatnih pet do deset hiljada kako bi barem malo poboljšali položaj naj ugroženijoj kategoriji stanovništva u Bosni i Hercegovini i svakako i u gradu Tuzli.

Takođe, svjesni smo činjenice da je grad Tuzla turistički grad. Grad sa dosta zabavnog sadržaja. Međutim, mi svakako moramo istrajavati i djelovati da se to poboljša i u narednom periodu.

Tokom prošle godine sam uputio jednu inicijativu za izgradnju Bike Parka. Takođe, kolega Kapidžić Alen je možda čak i u prošlom mandatu uputio jednu inicijativu za izgradnju Skejt Parka, te ja ću predložiti da se probaju iznaći sredstva u narednih mjesec dana kada se bude radio prijedlog budžeta, da se obezbijede određena sredstva za izgradnju jednog parka, koji bi u sebi sdržavao i Bike i Skejt park. Mislim da to nisu neka značajna sredstva, ali svakako će poboljšati, poboljšati sadržaj, sadržaj u gradu.

Takođe vidimo u proteklom periodu da je prije nekoliko sedmica na Ilinčici obnovljen ovaj Dom. Ukoliko ste posjećivali, posjećivali isti, mogli ste vidjeti da je veliki broj naših građana sa našim mališanima prisutan tu vikendima.

Ovaj, tokom, mislim u četvrtom mjesecu ove godine, a možda čak i prošle godine, nisam siguran, predložio sam jednu, ovaj, inicijativu da se napravi neki vid avantura parka. To je u stvari jedan park sa nekim preprekama za, za mladu populaciju, a mislim da je trenutno Ilinčica najpogodnije mjesto za to, a imajući u vidu i činjenicu da će se praviti i određen, danas smo čuli ZIP LINE, te neke stijene za penjanje, tako da smatram da sve to može ući u okviru ovog avantura parka, te unaprijedit naš zabavni sadržaj.

I na kraju, želio bi istaći takođe još jednu činjenicu, a to je da moramo pokazati određenu empatiju, kao što i radimo prema osobama treće životne dobi. Ja bi ponovo želio naglasiti da je Tuzla prvi grad u Bosni i Hercegovini koja je donijela strategiju kada je riječ o osobama treće životne dobi, da se ona u biti poštuje zajedno sa akcionim planom koji je, koji je usvojen uz nju. Međutim, želio bi naglasiti da Udruženje penzionera grada Tuzla otežano funkcionise unazad dvije godine, prije svega zbog ovog nesretnog Korona virusa i pandemije. Njihov rad i egzistencija je ugroženo. Trenutno se izdvaja, mislim 24.000 iz budžeta za podršku rada ovog Udruženja. Mišljenja sam da možemo izdvojiti još dodatnih nekoliko hiljada, kako ne bi ugrozili postojanje i egzistenciju ovog Udruženja. Hvala.

NATAŠA PERIĆ

U redu. Hvala kolega Ibeljiću. Sljedeći za riječ se javio vijećnik Damir Muratović. Neka se pripremi vijećnik Elvir Bijedić. Izvolite.

DAMIR MURATOVIĆ – samostalni vijećnik

Hvala predsjedavajuća. Pozdravljam predsjedavajuću, zamjednika predsjedavajuće, sekretara stručne službe i sve prisutne. U sali prije svega želim da čestitam gradonačelniku Jasminu Imamoviću mandat u državnom parlamentu i naravno kolegi Admiru Čavaliću, mandat, na osvojeni mandat u Federalnom parlamentu. Želim im puno uspjeha u daljem radu.

Ono što sam, malo je ovdje stvarno, ovaj, ne bih to dalje komentarisao. Puno su kolege komentarisale. Stvarno imam ovo, ova tačka što se tiče budžeta, imamo pola slova abecede, tako da ću i ja shodno tome preskakati. Mislim da ću biti jako kratak i koncizan.

Ono što sam posebno ponosan na, na Nacrt budžeta jeste činjenica da su zadržana sredstva u istom iznosu na transferu za rad Udruženja građana roditelja i djece sa dijabetesom „Novi Horizonti“ Tuzla. To je jako, jako pohvalno da više nemamo tih briga oko te populacije.

Također, kapitalni grant Javne ustanove „Naše dijete“ Tuzla za nabavku namještaja za odgojne grupe vrtića u Slavinovićima i ono što je posebno se zalagalo nekoliko vijećnika, a i moja malenkost, jeste, znači u tim dijelovima grada, gdje nemamo vrtiće i gdje smo insistirali da Javna ustanova „Naše dijete“ proširi svoju djelatnost. Evo imamo sad Slavinoviće, a nadamo se, evo i kolega Hasanbašić je spominjao, on je eto u većini i zahvaljujući njegovim ulaskom u Gradsko vijeće, malo se ta stvar promijenila, tako da nadam se da ćemo sa obdaništima, odnosno vrtićima u Simin Hanu i eventualno u Šićkom Brodu zaokružiti taj krug, jer svaki dan

imamo otvaranje privatnih vrtića protiv kojih nemam ništa, ali smatram da je reprezentativno i onda smo svi ponosni naša ustanova, Javna ustanova „Naše dijete“.

Ono što se tiče ne bih komentarisao amandmane većine, ali kao da sam učestvovao u njihovoj, u njihovom pripremanju, pogotovo zato što sam i za budžet dvadesetu godinu... dvadeset prvu i davedest drugu, za Crveni križ, znači tuđa njega, to je bio moj amandman i takođe za obdanište, znači, dvije godine i za sufinansiranje i za otvaranje novih, čak imamo onu odluku da su dva puta usvojeni moji zaključci i da je proslijeđeno Službi za ekonomski razvoj. Međutim, nikad nisam dobio odgovor na njih. Evo drago mi je što se većina konačno složila oko toga i nadam se da će biti realizirani u dvadeset trećoj godini.

Ono što podržavam u budžetu formiranje nove pozicije tekući grant Turističkoj zajednici grada Tuzle, a za manifestaciju Zima u Tuzli. To je jedna jako, jako pohvalna manifestacija, pogotovo u ovim tmurnim zimskim danima i smatram jako pohvalnim. To nije veliki iznos i smatram da taj iznos mogao biti i veći. Ne bi se složio djelimično sa kolegom Čavalićem, znači, to je Zima u Tuzli je Zima u Tuzli za sve nas, tako da evo možemo samo predložiti, nema sad zaključka, ali možemo amandmanski djelovati, možda vi kao većina prije, da se sugeriše Turističkoj zajednici grada Tuzla da pronađe donatore, eventualno sponzore za te iznose, jer moramo biti konkurentni u regiji, znači, onaj ko razmišlja gdje će dočekat Novu Godinu, gleda gdje gostuje koja grupa, gdje gostuje koji estradni umjetnik, pjevač, pa se opredijeli prije svega za regiju Zagreb, Novi Sad, Beograd, a onda ako ne ide van granica BiH, opredijelit će se za Bosnu i Hercegovinu. Tako da su naši građani unazad dvije tri godine više išli u Sarajevo nego ostajali ovdje, tako da u svakom slučaju ovaj, ovaj, ovaj, kako se zove već tekući grant koji je formiran, smatram da treba da bude u budžetu i da se to tiče svih nas i da smo na to ponosni.

Što se tiče Nacrta budžeta odnosno prijedloga budžeta, rasprave i svega što će uslijediti i mi kao klub i ja kao lično ćemo amandmanski djelovati i ne bi se stvarno više bavio time. Hvala vam.

NATAŠA PERIĆ

U redu. Hvala vama. Vijećnik Elvir Bijedić. Izvolite.

ELVIR BIJEDIĆ

Zahvaljujem predsjedavajuća. Ma, nisam se mislio javljat, ali evo, obzirom da zaista bih volio da neke stvari samo ne ostanu, ovaj, u zraku, dakle, pa jeste Omere, ovaj, kolega Omere, dakle, zaista mi je draga budžetska stavka tekuće rezer...draga mi je svaka stavka u budžetu, svaki fening ovog građanina ovog grada mi je drag u budžetu i mislim da se svi moramo odgovorno prema njemu odnositi, a draga mi je istina, ovaj, dakle, vrlo mi je bitno da, dakle, ja znam da ste vi, dakle, dobronamjeran je svaki vaš amandman. Ja ne želim uopšte u to da ulazim. To sam već na početku reko. Međutim, postavlja se pitanje da li kad su u pitanju amandmani, evo sad hoću te kroz zaključke, dakle, samo, evo kako bih reko da iznesem neki, neki svoj stav u ime kluba i u ime kluba, dakle, stav kluba vijećnica i vijećnika SDP-a. Dakle, ja razumijem da ćete vi upoznat sutra, ovaj, vaše birače, odnosno, javnost da ste podnijeli amandmane, odnosno da ste podnijeli zaključke koji su evo većina odbila. Dakle, ja to razumijem, mi smo se već toga, ovaj, nagledali. Međutim, ja bih volio da im prenesete isto tako informaciju da to nisu odbijeni amandmani zato što neko smatra da to ne treba ili neko je ovdje neka inkvizicija pa će glavu nekom odrubiti zbog toga, nego jednostavno zato što je to prosto neprovodivo. Dakle, mi ne možemo, ja sam u prvom javljanju, evo ko da sam znao, pa zato koristim ovu priliku.

Dakle, nemoguće je da mi iz tekuće rezerve za koju vi smatrate da je meni draga, je li, mi ne možemo ako, ako u tekućoj rezervi imamo 170.000 planiranih sredstava, u rebalansu budžeta koji usvajamo krajem oktobra da izdvojimo 395.000. (NATAŠA PERIĆ – Samo malo. Nemamo kvoruma za rad. Molim vijećnike da uđu u salu. Zamolila bih vas da uđete. Molim vas. Nema smisla da jedni sjede i rade, a drugi da... Samo malo. Izvolite.) Jel mogu nastaviti? (NATAŠA PERIĆ – Nastavite.) Dakle, ovaj, nemoguće je, dakle, samo iz tog razloga govorim da klub vijećnica i vijećnika SDP-a već sam ranije u prethodnoj rečenici reko, obzirom da se odgovorno odnosimo, dakle, mi ne možemo da prihvatimo nešto što je potpuno iracionalno. Dakle, u drugom dijelu imamo, ovaj, 600.000 da se skine sa, ovaj, RTV7, planirano 700.000 za cijelu godinu za RTV7. Pa sad ja ne znam, ono što je, ovaj, ostalo od tih 700.000, jer je opet kažem u oktobru utrošena su sredstva na različite, po različitim osnovama, dakle, tamo postoje ljudi koji rade, tamo postoje neke ugovorne obaveze. Ja ne znam, evo nisam pravnik, ali nisam siguran da mi možemo ulaziti u neki sa tekućom rezervom, neki minus buduću, dakle, ne znam, evo nek mi neko, evo zamoliću Službu, nek to bude pitanje, gospođu Suadu Isaković, da li mi možemo sa tekućom rezervom da uđemo u minus u narednoj godini? Da li je to po zakonu? Evo, mislim, zaista volio bi, ovaj, da mi to neko kaže? Znači, prosto nemoguće. Želim samo evo istinu ništa više. Još jedna stvar. Dakle, evo kad je u pitanju, dakle, sad neko treba da dobije u RTV7, (NATAŠA PERIĆ – Malo tišine. Molim vas.) u RTV7, ne znam otkaz, da bi se napravila stijena za penjanje koja već evo, pomenuli smo, a i u prethodnim mandatima smo imali na inicijativu našeg triatlonca Mladena Nedića. Dakle, imali smo i klub vijećnica i vijećnika SDP-a je podnio tu inicijativu. Međutim, nije se mogla realizovati zato što je potreban stručni nadzor nad ZIP LINE-om i stijenom. Sad su se stvorili uslovi. Grad je reagovao. Dakle, i vama hvala. To je potpuno jasno. Mi smo svi na istom fonu ovdje. Dakle, samo radi istine, dakle, ne odbija niko zato što to nije dobra ideja, ali ako je...

Još jedna stvar. Uklanjanje olupina. Evo ja sad koristim ovu priliku. Dakle, kolegica Nataša Perić i ja smo podnijeli inicijativu za nabavku „Pauk vozila“ i ja sam na društvenim mrežama pročitao da mi krademo inicijativu. Selma Čatibušić. Ja sam nazvo Selmu. Provjerio sam. Podnijela je inicijativu. Duboko sam...I ovim putem to isto činim. Evo i ko god je podnio. Omer Delalić. (NATAŠA PERIĆ – Molim vas nemojte sad.). Hvala kolega Delaliću, dakle, zar nije interes, ja, ja, dakle, interes je valjda da postoji to „Pauk vozilo“, da odnese ove olupine i da nemamo sad iz, iz tekućih rezervi. Dakle, potpuno je to meni jasno. Ja kažem, evo to je bila inicijativa i kolege Omera Delalića i kolegice Selme i nismo ukrali. Evo njih ću staviti prije nas.

Dakle, cilj je valjda da dobijemo to. Evo javno to govorim u mikrofon, ali nikako, dakle, da sad pravimo situaciju koju je nemoguće realizovati, praktički nemoguće. Samo sam to htio. Imao sam zaista potrebu da ovo kažem. Hvala vam.

NATAŠA PERIĆ

Replika. Vijećnik Omer Berbić. Izvolite.

OMER BERBIĆ

Hvala ljepo. Evo nisam ja sam malo pogriješio u kalkulacijama. Da sam znao da je ostalo 100.000 za RTV7 i to bi našo način da skinem, s obzirom da marke ne zaslužuju. Znači, ne vrijedni ljudi, nego menadžment RTV7 i uređivačka politika koja neda sekundu opoziciji, marku od ovog Gradskog vijeća ne zaslužuje, jer su to pare svih građana, ne pare većine i to je moj stav kao opozicije i vjerujte da bi to pokušao, ovaj, da uradim.

I za ovo ranije što ste govorili oko tekuće rezerve. Tekuća rezerva je tu koja se troši onako kako gradonačelnik želi svojom odlukom. I ja to poštujem. Nije sporno. Al mi jeste

sporno da vi sada mislite da je odluka gradonačelnika jača od recimo odluka Gradskog vijeća. Valjda nas ovdje tridesetjedno može bolje razmišljat od jedne glave. Zato je bolje da mi tu tekuću rezervu uzmemo, uzmemo i usmjerimo tamo za projekte za koje mislimo da su bitniji. U tom kontekstu je puno bitnije da mi tekuću rezervu kao takvu smatramo da se treba, da se treba ispuniti. Znači, kada komentarišete ove amandmane i kako vi imate veliku želju da mi svi zajedno radimo i zajedno prosperiramo kao grad i tako dalje, ovaj, možda bi bilo ipak efikasnije da se mi prije samog usvajanja rebalansa ili prije samog usvajanja, ovaj, budžeta, da pozovete šefove klubova na jedan neformalni razgovor, pa pitate koji su vaši projekti, mislite da li su to projekti koji mogu bit dobri svima u gradu i da se dogovori deset, petnest, dvadeset projekata od krucijalne važnosti za sve nas, pa da onda možete izać sa tom vašom argumentacijom i glumiti tu, ovaj, da ste jako zabrinuti, da vam je jako drago što svi zajedno ovdje razmišljamo. Ne možete izaći s tom argumentacijom ukoliko niste niti jedan, jedan mogući napor napravili, ovaj, da se iz opozicije jedan projekat uvrsti. Ne možete izać s tom argumentacijom. Mogli biste da ste i trunku, zehru napora, 1%, da ste na kafu zvali pa pitali, imaš li jedan projekat od petsto maraka? Možete. Al s obzirom da to nije urađeno, ne bi trebalo to da radite i nemojte ovdje, molim vas, ovaj, da glumite da imate to toliko srce i da želite zajedničko dobro cijelom gradu, kad i vi i ja ovdje znamo da se budžet ovdje kroji od strane tri čovjeka. I da nas ovdje trideset jedno kolko god da nas ima, imamo, skoro pa nikako uticaja šta će u ovom budžetu stojati i kako će se on rasporediti i dal će se on izvršiti. Hvala ljepo.

NATAŠA PERIĆ

Replika. Elvir Bijedić kolegi Berbiću.

ELVIR BIJEDIĆ

Dakle, samo eto malo nekim mirnijim tonom. Dakle, ja i dalje mislim da smo mi svi na istom fonu i svi u službi građana kako god vi to smatrali. Dakle, klub vijećnica i vijećnika SDP-a, ova većina nije u službi nikoga drugog do u službi građana. Dakle, njima dužni smo da odgovaramo i da s njima dogovaramo sastanke. Dakle, dužni smo i samo njima odgovaramo i s njima ugovaramo sastanke.

Kad je u pitanju RTV7, ja mislim da ti ljudi uključujući i menadžment zaslužuju svaki svoj fening. Dakle, zahvaljujući njima, mi imamo isječke koje širimo društvenim mrežama, dakle, uključujući opoziciju i poziciju.

Dakle, ovaj, kad je u pitanju tekuća rezerva, opet ponavljam, ovaj, Omere, na stranu, na stranu sad, ovaj, šta bismo mi...ja ću sad evo ovako postaviti pitanje, ovaj, i molim vas gospođu Suadu Isaković da nam odgovori. Kolika je budžetska rezerva procentualno, a koliko gradonačelnik Grada Tuzle može da ima po zakonu?

A druga stvar koju sam htjeo da kažem je da, ovaj, mi smo na izlasku godine, tekuća rezerva, mi imamo izvještaj, ovdje gdje vidim da je potrošeno preko 50% za prvih šest mjeseci, što podrazumijevajući dinamiku, pa realno je da je to s krajem oktobra potrošeno bar nekih 70%. Dakle, tekuća rezerva. (NATAŠA PERIĆ – Dobro.) Znači, evo samo to hoću da kažem. Ništa više. Evo zamoliću gospođu Suadu da nam to odgovori. Hvala.

NATAŠA PERIĆ

Gospođa će na kraju odgovoriti na sva pitanja. Selma, jeste li vi htjeli repliku? (vijećnik Selma Čatibušić govori bez uključenog mikrofona op.a.). Dobro. Sljedeći za riječ se javio vijećnik, samo malo, vijećnik Čavalić. Izvolite.

ADMIR ČAVALIĆ

Hvala puno predsjedavajuća. Dakle, ja ću iskoristiti priliku da obrazložim amandmane koje sam pripremio za rebalans budžeta. Prije toga moram samo radi ove prethodne diskusije da navedem, dakle, generalno tekuća rezerva treba da se troši za hitne i neplanirane troškove. Dakle, ona treba da bude namjenjena za hitne neplanirane troškove. Centar za istraživačko novinarstvo je nedavno uradio jedan sjajan projekat, gdje je evidentirao, dakle, kako se ta tekuća rezerva troši na svim nivoima vlasti, dakle, od jedinica lokalne samouprave do državnog nivoa i uglavnom se ne troši kako treba, uključujući i naš Grad Tuzla, zato što uglavnom, dakle, donosioci odluka, evo u ovom slučaju, gradonačelnik to troši po nekom vlastitom navođenju bez ikakvog opravdanja da je to hitno, dakle, nešto i da je zaista neplanirano. Hitnost može biti evo u susjednoj opštini. Nedavno je bila poplava i Grad Tuzla je, ovaj, donirao sredstva. To je hitnost. To je namjena jasna tekuće rezerve i to se treba opravdat. Međutim, generalno ovako po nekom nahođenju bez konsultacija nije opravdano ne samo u slučaju našeg, ovaj, gradonačelnika, nego slučaj svih gradonačelnika i načelnika, ministara i svih drugih koji imaju pravo raspolaganja tekuće rezerve. Ovo je čisto pojašnjenje, dakle, da, da razumijemo kontekst. Vezano za ove amandmane, dakle, prije svega moramo jednu ispravku za uvaženu kolegicu iz Službe da navedem, dakle, u amandmanu broj 8 se tačno navodi u obrazloženju da potrebna finansijska sredstva se mogu obezbijediti sa pozicije naknade članovima radnih tijela Gradskog vijeća. Što znači da ovaj amandman je apsolutno po zakonu, jer navodi da se 10.000 konvertibilnih maraka iskoristi za novu budžetsku stavku, pripadajućeg ekonomskog koda, naziva tekuće finansiranje projekata mjesne zajednice. Zašto 10.000? Malo da podržimo ljude u mjesnim zajednicama. Imaju dosta dobrih ideja. Dakle, al da ih malo finansijski kao grad podržimo i da se izdvaja za njih i da uđe to stavka budžeta. Al napominjem, dakle, ovdje se nije, nema, nema govora o tom da se nije navelo odakle se skida. Piše jasno, evo na kraju možete svi pročitati, obezbijediti sa pozicije naknade članovima radnih tijela. Možda buni što nije navedeno gore.

Što se tiče samih amandmana, dakle, prvi amandman da se formira nova budžetska stavka, transfer za rad Udruženja „Zmajevno srce“. Mi imamo brojna udruženja koja finansiramo kroz naš budžet. Ja sam i ranije spominjao da to nije baš i dobra praksa. Bolje imati javne pozive, pa davati svim udruženjima, nego imati par udruženja. Al već kako imamo nekih par udruženja, onda predlažem da to bude „Zmajevno srce“. Zaista rade human posao. Mislim da imaju poteškoća u radu. Evo u proteklih mjesec dva, ovaj, manje je prihoda. Opet se društvena zajednica organizovala. Ljudi više idu na kafe da podrže. Mislim da je dobro da mi izdvojimo 10.000 konvertibilnih maraka i to se može skinuti sa naknade članovima radnih tijela Gradskog vijeća. Zaista smatram da nije 100.000 maraka koliko smo tamo planirali, ili više, dakle, ovaj, da nije, da nije, potrebno toliko, jer ćemo imati viškove.

Dalje predlažem da se zaista izdvoji 10.000 maraka, da se revitalizira održavanje spomenika Vječna svjetlost nad Kapijom. Opet će nam sljedeće godine doći maj, kad ćemo imati obilježavanje. Bilo bi dobro da se naveče u osam i pedesetpet upali ta vječna svjetlost i preporučujem i novom menadžmentu Grada Tuzla, ko god da bude izabran, dakle, da to pokrene, jer je dobra inicijativa i mislim da se samo ta inicijativa ne prolazi zbog nekih sujeta, nekih ljudi i slično, dakle, ko je idejni tvorac i tako dalje.

Deset hiljada maraka da se uzme sa ovog granta za Turističku zajednicu od pedeset hiljada maraka za Novu Godinu. Mislim da gospodin Sejo Sexon ne bi imao ništa protiv, dakle, od pedeset hiljada maraka, da se deset hiljada maraka uzme i da se dadne za Kapiju. Mislim da je to sasvim dobra stvar i evo možemo mi čak i predložimo zaključak da, da uputimo pismo gospodinu, dakle, Seji Sexonu, da kažemo, eto da se od pedeset hiljada maraka, deset hiljada maraka za Kapiju obezbijedi. I to bi sijalo, dakle, svaku noć, čitavu noć, ne samo za Novu Godinu, dakle, ovaj, da se proslavi.

Sljedeća je stavka, dakle, da imamo grantove za privatne i preškolske ustanove. Napominjem, to je za djecu, trideset hiljada maraka. Ova sredstva se mogu obezbijediti sa stavke nabavka poslovnog prostora Mjesna zajednica Sjenjak. Tristo hiljada maraka smo izdvojili. Sad je četrsto hiljada maraka. Tih fantomski sto hiljada maraka koji neko hoće, dakle, neki talovi i tako dalje. Evo ga, može se uzet odatle trideset hiljada maraka dat za djecu koja idu u predškolske ustanove, privatne prije svega. Dakle, možemo izdvojiti trideset hiljada. Ja bih dao i svih sto hiljada maraka, ali evo, hajde, ako neko traži da bude nešto dobar, da te viškove od tristo hiljada, plus sto hiljada, nek bude za sedamdeset hiljada, al dajte za djecu trideset hiljada. (NATAŠA PERIĆ – Privodite kraju.)

Sljedeći amandman, da damo, dakle, ovaj, FC Salines Tuzla. Oni non stop traže, dakle i opravdano traže, jer ostvaruju rezultate. Malo da se smanji sa Sportskog saveza Grada Tuzla samo za deset hiljada maraka.

Zatim, imamo amandman da se, dakle, dadne dvadeset hiljada maraka Domu zdravlja „Mustafa Šehović“, za nabavku redomata. O tome uvijek govorim. Da se opet uzme to od ove Turističke zajednice. Mislim da takođe da pjevači ne bi imali ništa protiv da građani Tuzle manje čekaju u redu, dakle, dok primaju primarno zdravstvenu zaštitu, ovaj, to je jedna plemenita stvar i mislim svako bi se odrekao navedenog. Hvala puno.

NATAŠA PERIĆ

Isteklo vam je. Izvinite, isteklo vam. Da li se još neko javlja ispred vijećnika? U redu. Idemo drugi krug. Vijećnik Omer Berbić. Izvolite. Pa vijećnik Čavalić.

OMER BERBIĆ

Hvala ljepo. Evo pošto ste radi trivijalnih stvari mene odbili, dvadeset amandmana, naravno da o njima ne bi trebalo da glasamo, ja bi ovo u formi zaključka predložio, tako da prvi zaključak sa amandmana, sa stavke tekuća rezerva, Gradsko vijeće predlaže zaključak da se sa stavke tekuća rezerva budžeta prebaci iznos u, prebaci u iznosu, prebaci 15.000 KM na stavku izgradnja Autokina. (NATAŠA PERIĆ – Izvinite, samo malo. Sekretar želi da skrene pažnju.)

SLAĐANA KRAJINA – sekretar Gradskog vijeća Tuzla

Ja se izvinjavam, samo, onaj, ako, ako dozvolite, bez ikakve ljutnje. Znači, zaključak može biti da se razmotri mogućnost, da se u narednom periodu poveća neka stavka il to. Ali ne može se amandman pretvorit u zaključak na ovaj način da pročitate amandman, jer bi usvajanje ovakvog zaključka vodilo izmjeni odluke, a odluka se može mijenjati samo amandmanom. Jel razumijete šta kažem? Znači, evo da se usvoji vaš, ovaj, prijedlog zaključka, usvajanje takvog zaključka bi značilo izmjenju odluke, a odluka ne postoji drugi način da se promijeni nego amandmanom. Evo nek i ostali. Ima tu još pravnika neka kažu jesam li u pravu? Nemate razloga da se ljutite, nemate ništa.

Znači, možete amandmane pretvorit u zaključke na način da kažete da se traži od gradonačelnika, od resorne službe, da se razmotri mogućnost da se u narednom periodu ili ako bude nekog viška sredstava ili nešto pokušaju obezbijedit sredstva ta, ta, ta. Ali da, da zaključak bude, da se sa tekuće rezerve 15.000 hiljada prebaci na stavku Autokino, takav zaključak ne može, jer evo ponavljam, usvajanje takvog zaključka bi mijenjalo odluku. (vijećnik Omer Berbić govori bez uključenog mikrofona op.a.) (NATAŠA PERIĆ – Neće mu proć svakako.) (vijećnik Omer Berbić govori bez uključenog mikrofona op.a.) (NATAŠA PERIĆ – Kažem da ne možete. Ako je sekretar rekla, ona je ipak pravnik. Rijetko se kad javlja. Sad je skrenula

pažnju. Mislim da treba da se uvaži ovako kako je gospođa rekla. Ona je ipak pravnik. Ima iskustvo, ovaj, da ne bi kršili. Evo dala vam je, mislim, dala je prijedlog kako da kažete. Et samo da formulišete. Ne možete ovako, evo. Znači, ona se stvarno rijetko javlja.

OMER BERBIĆ

Dobro. (NATAŠA PERIĆ – eto, ako možete samo...) Ništa, ja ću onda ove amandmane da pretvorim. Molim vas da mi ponovo onda vrijeme počne, jer nisam ovaj. (NATAŠA PERIĆ – Izvolite.) Ja ću onda ove amandmane da pretvorim u diskusiju o Nacrtu budžeta za iduću godinu. Evo.

Pod broj jedan za iduću godinu, volio bi da se razmotri mogućnost stavljanja nove stavke izgradnja Autokina koje bi obogatilo turističku ponudu grada, pogotov u zimskom periodu kada je grad mrtav.

Broj dva. Volio bih da se sa stavke tekuće rezerve prebaci iznos od 20.000, za izgradnju 3D Maketa sa legendom grada.

Broj tri. 30.000 KM da se stavi na stavku projektna dokumentacija na izgradnju ZIP PLANA na Ilinčicu, ukoliko to već nije, ovaj, ukoliko se to već ne radi gore.

Broj četiri. Volio bi da se prebace sredstva sa tekuće rezerve od 50.000 za rekonstrukciju žardinjera uz korito rijeke Jale, koje su u fazi raspada. Mi svaki dan prolazimo pored toga. Vjerovatno ne obraćate pažnju zato što smo već navikli. Oko nam je naviklo na onaj raspad sistema, al bi bilo dobro, ovaj, da se ili zamijeni nekom željeznom ogradom ili da se ove postojeće rekonstruišu, mada bi bilo bolje neku željeznu ogradu tamo postaviti, koja bi imala neku, neku funkcionalnost.

Dalje, sa stavke tekuća rezerva, prebacit iznos od 50.000 za zaštitu kulturnog historijskog prirodnog nasljeđa. Ovdje imamo više stvari koje treba rekonstruisat i budžet tu treba da se poveća.

Sa tekuće rezerve bi trebalo prebacit sredstva za iznos od 40.000 za izgradnju biste Mirzi Delibašiću ispred Mejdana. To je Sarajevo uradilo. Sarajevo nam uzima Mirzu Delibašića. On je naš. Mislim da bi kao njegov grad rođenja trebali, ovaj, da se ponosimo najvećem sportašem Bosne i Hercegovine, možda čak i reć u istoriji.

Dalje, sa tekuće rezerve treba prebacit sredstvo u iznosu od 30.000 za liječenje teško oboljelih u inostranstvu. Znači, sada su tuzlaci na društvenim mrežama skupljali novac za Jasmina Zubčevića. Mislim da bi ukoliko ovo napravimo i Grad Tuzla mogo učestvovati u jednoj ovako humanitarnoj akciji.

Sa stavke transfer za rad Javnog preduzeća RTV7 prebacit iznos od 30.000 za rekonstrukciju oglasnih tabli. Znači, to su table gdje se lijepe posmrtnice, koje su opet u raspadajućem stanju, gdje se ne može zaljepit ništa na te table, zato što ih niko nije dotakao dvadeset ili trideset godina.

Dalje, sa RTV7 skinuti i prebaciti iznos, sredstva u iznosu od 30.000 za postavljanje kamera na igralište i izletišta. Svjesni smo da se uništavaju, sistemski se uništavaju igrališta i izletišta, kao što je od gospodina Jusufa Nurkića donacija, kao što je i ova nova klupa. Treba postaviti kamere i počinioce krivičnih djela kazniti.

Dalje, 50.000 KM bi se trebalo, ovaj, staviti na stavku poribljavanje jezera „Kop“ Šićki Brod, gdje bi mogli puno vrsta ribe ubaciti u ozbiljnom broju, kako bi ovo dobilo da postane nova turistička atrakcija, gdje se može fatati zdrava riba, čista riba, gdje se ona kasnije može i koristiti za jelo, a što sada nemamo u okolini grada Tuzle.

Dalje, sa RTV7 prebaciti iznos od 30.000 za micanje olupina od auta, ukoliko ne dočekamo ovaj „Pauk“, jer se on najavljuje već koliko godina, ovaj, može se napraviti sistem gdje bi dolazili ljudi, ovaj, privatnim preduzećima i micali olupine od auta na jednu bolju lokaciju.

Dalje, 30.000 KM staviti na izgradnju biciklističke staze na jezeru „Kop“ Šićki Brod. Tamo smo usvojili onaj regulacioni plan koji treba započeti i mislim da bi ovo bio dobar početak izgradnje tog regulacionog plana.

100.000 KM staviti na rekonstrukciju toaleta u školama na području grada Tuzla, iako je nadležnost Kantona. Sramota je da djeca na području grada Tuzla imaju čučevce u školama osnovnim i srednjim školama. To su nešto što je prije pedeset godina izgrađeno. Mislim da Grad Tuzla treba da se pobrine, barem ovaj, ovaj, dio mali dostojanstva za djecu u osnovnim i srednjim školama, da rekonstruišemo, pa pet il deset škola, ovaj, WC godišnje. Mislim da je to put do pravog pravca.

Dalje, 20.000 KM prebaciti za izgradnju javnog toaleta na Trgu soli. Ovo je gospodin Ibeljić spominjao. I ja sam spominjao. I bilo mi je obećano od strane gradonačelnika prošli puta kada smo bili u Pozorištu, da će se to završiti ove godine. Slagao me je, kao što ima običaj, tako da to nije odrađeno. (ĆERIM RASTODER - Kolega Omere, s obzirom da smo, ovaj, dvije minute vam uzeli, evo i sedam minuta je trajalo još jednu minutu, ako možete zaokružiti. Okej. Hvala ljepo.

30.000 za uklanjanje objekata, kao što je objekat recimo u Ši Selu, stare mjesne zajednice koja je u raspradu.

50.000 KM za izgradnju umjetne stijene za penjanje.

60.000 za otvaranje nove multimedijalne učionice za mlade, koja bi imala sve segmente kako bi mladi, oni koji nemaju takve mogućnosti, mogli da koriste nove tehnologije, da se uče na njima i tako dalje.

8.000 KM za stavku grant Udruženja „Zmajevno srce“. Ovo mogu i povući, ukoliko se ovaj amandman, koji je gospodin Čavalić, kolega stavio sada na rebalansu. Ukoliko se on usvoji, barem 50% tog amandmana, ja ću povući evo ovo, iz bilo kakve daljnje rasprave.

300.000 KM za stavku subvencije kupovina autobskih karata stanovnicima grada Tuzle, s obzirom da imamo najskuplji javni prevoz u državi, a ništa po tome ne radimo, kao što smo imali par sjednica, nekih zaključaka o kojim nemam pojma šta se dešava, a karta ostala ista.

I na kraju sa RTV7 skinuti 30.000 KM i staviti za izgradnju projektne dokumentacije biciklističke staze od centra prema rurnim mjesnim zajednicama. Kada dođe novi gradonačelnik, inšallah, nadam se da će početi s ovim projektima koji su od vitalne važnosti za grad Tuzlu, kao što su ove biciklističke staze (NATAŠA PERIĆ – Ili gradonačelnica.) ili gradonačelnica, ovaj, i hvala ljepo što ste mi dopustili još koji minut.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Hvala kolega Berbiću. Znači, imamo još kolegu Čavalića. Drugi krug javljanja. Izvolite. Taj ne odustaje nikad.

ADMIR ČAVALIĆ

Hvala puno zamjeniče predsjedavajuće. Kratko ću. Dakle, vezano za amandman, predlažem dakle, ovo je amandman broj 6 da se doda još sredstava za izgradnju i rekonstrukciju i sanaciju parkova, sa 0 KM na 20.000 maraka da se povećava. Sredstva bi se preuzela sa pozicije naknadama radnih tijela Gradskog vijeća Grada Tuzla.

Predlažem da se još 2.000 maraka dadne za UG Roditelji i prijatelji djece sa dijabetesom „Novi Horizont“ Tuzla. Dakle, na ukupno 40.000 maraka, da zaokružimo taj iznos, jer rade izuzetno dobre stvari i pohvala tom Udruženju, a da se sredstva također obezbijede sa pozicije naknade članovima radnih tijela Gradskog vijeća Grada Tuzla.

I na kraju predlažem, da se 10.000 maraka iskoristi na ovu budžetsku stavku pripadajućeg ekonomskog koda, naziva tekućeg finansiranja i projekata mjesne zajednice, a da se sredstva obezbijede sa pozicije naknada članovima radnih tijela Gradskog vijeća Grada Tuzla.

To su amandmani, ovaj, bilo bi dobro makar nekoliko tih amandmana da se usvoje, jer mislim da zaista doprinose ovom rebalansu i da ćemo pokazat, prije svega, socijalnu osjetljivost, a to je ono što nam treba u ovim teškim vremenima, inflaciji i slično.

Takođe, dajem zaključak vezano za ovu vječnu svjetlost na Kapiji, dakle, da sa narednom godinom, zaključno Gradsko vijeće Grada Tuzla, da se u narednu godinu, a obavezno osposobi taj spomenik i da nas dočeka akobogda u maju, ovaj, kada budemo davali počast nećužno ubijenim, dakle, na Kapiji. Hvala puno.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Hvala kolega Čvalić. S obzirom da smo iscrpili diskusije, da nema više diskutantata, predlažem pauzu od trideset minuta (Pauza).

NATAŠA PERIĆ

Molim vijećnike da se vrata u salu nastavljamo sa radom.

Zamolit ću gospođu Suadu Isaković da odgovori prije nego što krenemo na glasanje da odgovori na pitanja koja su proistekla iz diskusije vezano za budžet. Samo na par ovih pitanja koja su...Da. Samo da da odgovor.

**SUADA ISAKOVIĆ – pomoćnik gradonačelnika za
Službu za budžet i finansije**

Na par ovih koje na neke ja i ne mogu nego Službe moraju odgovorit ima pitanja koja baš idu detaljišu.

Vezano za prvo amandman broj VIII koji je dostavljen od strane Admir Čvalića vijećnika u Gradskom vijeću Tuzla i vezano za sadržaj amandmana u odnosu na član 32. Zakona o budžetima stav jedan, dva, tri, četiri ovog člana 32. kaže:

Amandmani kojima se predlaže povećanje budžetskih rashoda i izdataka iznad iznosa utvrđenih prijedlogom budžeta mogu se prihvatiti pod uvijetom da se istovremeno predloži smanjenje drugih rashoda i izdataka u posebnom dijelu budžeta, a amandman glasi:

Predlažem da se 10.000 KM iskoristi za novu budžetsku stavku pripadajućeg ekonomskog koda, naziva «Tekuće finansiranje projekata mjesnih zajednica» i to je kraj amandmana.

Ja sam rekla u uvodnom činjenica da u obrazloženju piše, al u samom amandmanu ne piše i to je razlog zašto sam ja mišljenja da ovaj amandman nije potpun, a naravno stav Vijeća je da...Kakav će bit stav Vijeća ja o tome ne mogu odlučivati.

ŠTO SE TIČE VISINE SREDSTAVA TEKUĆE REZERVE sredstva tekuće rezerve mogu iznositi najviše do 3% planiranih prihoda bez namjenskih prihoda, vlastitih prihoda i bez primitaka. Kada mi ovo prevedemo na naš budžet prije rebalansa ovog koji se danas razmatra, dozvoljena visina sredstava tekuće rezerve mogla bi biti 1.141.644 marke, a kada bi posmatrali ako se usvoji ovaj rebalans dozvoljena visina mogla bi biti 1.232.904 marke. Gradsko vijeće je utvrdilo visinu sredstava tekuće rezerve u budžetu u iznosu od 170.000 maraka i ukoliko bi se usvojili amandmani koji je predložio vijećnik Omer Berbić oni su neprovodivi i nemoguće je

znači provesti ove amandmane iz razloga što je sa 30.09. od planiranih sredstava tekuće rezerve u skladu sa Zakonom i Odlukom o izvršavanju budžeta ukupno potrošeno 117.601 marka. (NATAŠA PERIĆ - Izvinite Suada. Amandmani vijećnika Berbića su neblagovremeni. Nećemo se o njima uopšte izjašnjavati. Ne morate to.) Eto samo sam htjela da pojasnim da da nije moguće. (NATAŠA PERIĆ - Hajte dalje.) Znači, bilo je pitanje čini mi se vijećnika Elvira Bijedića da li da se objasni, ali evo ja sam rekla kolika bi bila tekuća rezerva i bili bi neprovodivi, a i ovaj drugi amandman već su utrošena sredstva u skladu sa utvrđenim Budžetom i Odlukom o izvršavanju budžeta za RTV 7 i oni su neprovodivi.

Što se tiče ovih drugih pitanja. Za Dom zdravlja Tuzla nabavke saniteta evo ja da kažem da smo mi u kontinuitetu se za Dom zdravlja nabavljaju sanitetska vozila u skladu sa iskazanim potrebama i opremanjem Službe za zaštitu i spašavanje koja je formirana u okviru Doma zdravlja Tuzla iz posebnih sredstava Civilne zaštite koja se po zakonu izdvajaju i u ove dvije godine nabavljena su tri sanitetska vozila. U ovoj godini dva. Jedno je isporučeno, a za jedno se čeka isporuka što znači da imamo stalnu...Grad Tuzla ima saradnju sa Domom zdravlja i ukoliko se ukaže potreba i za narednu godinu bit će planirana sredstva za nabavku sanitetskih vozila, a inače opremamo i druge Službe zaštite i spašavanja sa potrebnom opremom.

ŠTO SE TIČE POVEĆANE STAVKE ZA RADNA TIJELA GRADSKOG VIJEĆA ona su analizom izvršenja za devet mjeseci je uočeno da će nedostajati ova sredstva obzirom da vjerovatno držale su se. Ja ne mogu se sjetiti jel bilo vanrednih sjednica Gradskog vijeća u ovoj godini? (NATAŠA PERIĆ – Nije nije, ali bit će.) Ali se drže sva izgleda radna tijela. U prosjeku je potrošnja blizu 52.000 maraka mjesečno za ovu namjenu i matematika pokazuje da moramo obezbjediti dodatna sredstva da bi do kraja godine ako se istim tempom i za sva radna tijela budu držale sjednice nedostajalo bi sredstava i iz tog razloga se reagovalo i predložilo dodatni iznos.

ŠTO SE TIČE STRUČNIH KOMISIJA U U ORGANIZACIONOJ JEDINICI STRUČNA SLUŽBA GRADONAČELNIKA također su planirana dodatna sredstva. Mi po zakonu moramo formirati i plaćati od disciplinske komisije, a ovdje su najveći troškovi bili isplata Komisijama za izbor državnih službenika koja se formira od strane Agencije za državnu službu i naknade su propisane federalnim propisom, tako da i ovdje je ocjenjeno da neće biti dovoljno sredstva i iz tog razloga je planirano više.

ZA TURISTIČKU ZAJEDNICU su predložena ova sredstva iz razloga što će Grad Tuzla učestvovati u sufinansiranju manifestacija vezanih za ove, manifestaciji koja se održava krajem godine i uključujući i doček Nove godine, a sam organizator i isplatilac sredstva će biti Turistička zajednica Grada Tuzle. (NATAŠA PERIĆ – Hvala vam. Hvala gospođo.) Evo to bi bilo to otprilike što je urađeno.

NATAŠA PERIĆ

Hvala vam. Hvala najljepša. (Molim.) S obzirom da je predlagač u svom mišljenju kojeg ste dobili predložio da se Gradsko vijeće izjasni o podnesenim amandmanima pitam podnosioce amandmana, Klubove vijećnika i vijećnika da li povlače amandmane ili ostaju kod podnesenih amandmana i traže da se o njima izjasni Gradsko vijeće?

Ja ću sad zamolit ispred Klubova vijećnika evo ko će samo reć jel ostaje pri amandmanima. Hoćete vi Mensure? Jel ostajete?

MENSUR ALIĆ

Ostajemo pri amandmanima.

NATAŠA PERIĆ

Dobro. Znači, izjasnit ćemo se. Vijećnik Čavalić izvolite vi da se samo izjasnite pa ćemo ić u...Ja.

ADMIR ČAVALIĆ

Hvala predsjedavajuća. Dakle, shodno dogovoru sa predstavnicima većine odustajem od amandmana broj II.

NATAŠA PERIĆ

Dobro. Dobro. Ništa. Sad ću zamolit gospođu Slađanu i ovaj ima amandman koji je gospođa Suada rekla da nije u skladu sa Zakonom o budžetima. (SLAĐANA KRAJINA – To je amandman VIII) Nećemo se ni o njem. To je osam? Dobro. Ništa. Idemo sad.

Zamoliti ću gospođu Slađanu da pročita jedan po jedan amandman i zamolit ću vijećnike da se izjasne.

SLAĐANA KRAJINA – sekretar Gradskog vijeća Tuzla

I amandman - Klubova vijećnika Socijaldemokratske partije, Tuzlanske alternative, dva kluba samostalnih vijećnika i vijećnika Hasiba Hirkića koji glasi:

„U organizacionoj jedinici 04 - Služba za ekonomski razvoj, poduzetništvo i poljoprivredu, pozicija: 615411-18-kapitalni grant – Javna ustanova Obdanište „Naše dijete“ Tuzla, predloženi iznos od 49.000,00 konvertibilnih maraka da se poveća za dodatnih 70.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502-Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 70.000,00 konvertibilnih maraka.“

NATAŠA PERIĆ

Molim vijećnike da se izjasne o pročitanoj amandmanu. Glasanje je okončano. Konstatujem da je pročitani amandman dobio potrebnu većinu, 24 vijećnika su glasala za, niko nije bio protiv i nije bilo suzdržanih.

Idemo dalje.

SLAĐANA KRAJINA – sekretar Gradskog vijeća Tuzla

II amandman - Klubova vijećnika i vijećnika Gradskog vijeća koji glasi:

„U organizacionoj jedinici 17 - Služba za kulturu, sport, mlade i socijalnu zaštitu postojeću poziciju: 614311-18 - Grant neprofitnoj organizaciji-Radničko sportsko društvo „Sloboda“ Tuzla uvećati za dodatnih 350.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 350.000,00 konvertibilnih maraka.“

NATAŠA PERIĆ

Molim vijećnike da se izjasne. Glasanje je okončano.
Konstatujem da je pročitani amandman dobio potrebnu većinu,
24 vijećnika su glasala za, niko nije bio protiv i nije bilo suzdržanih.

Molim sljedeći amandman.

SLAĐANA KRAJINA – sekretar Gradskog vijeća Tuzla

III amandman - Klubova vijećnika i vijećnika Gradskog vijeća glasi:

„U organizacionoj jedinici 17 - Služba za kulturu, sport, mlade i socijalnu zaštitu, postojeću poziciju: 614311-34 - Grant neprofitnoj organizaciji - Košarkaški klub „Jedinstvo-Dženeks“ Tuzla uvećati za dodatnih 5.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 5.000,00 konvertibilnih maraka.“

NATAŠA PERIĆ

Molim vijećnike da se izjasne. Glasanje je okončano.
Konstatujem da je pročitani amandman dobio potrebnu većinu,
24 vijećnika su glasala za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

I IV amandman

„U organizacionoj jedinici 17 - Služba za kulturu, sport, mlade i socijalnu zaštitu, postojeću poziciju: 614311-60 - Grant za Crveni križ za projekat tuđe njege i pomoći u gradu Tuzla uvećati za dodatnih 30.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 30.000,00 konvertibilnih maraka.“

NATAŠA PERIĆ

Molim vijećnike da se izjasne o pročitanim amandmanima. Glasanje je okončano.
Konstatujem da je pročitani amandman dobio potrebnu većinu,
24 vijećnika su glasala za, niko nije bio protiv i nije bilo suzdržanih.

Sada idemo na amandmane vijećnika Admira Čavalića.

SLAĐANA KRAJINA – sekretar Gradskog vijeća Tuzla

I amandman koji glasi:

Da se formira nova budžetska stavka „Transfer za rad - Udruženje „Zmajjevo srce“ u početnom iznosu od 10.000 konvertibilnih maraka. Sredstva za ovo bi se obezbjedila sa stavke 613975-2 Naknade članovima radnih tijela Gradskog vijeća.

NATAŠA PERIĆ

Molim vijećnike da se izjasne. Molim? Molim vas poništavam. Ponovo ćemo. Molim ponovo da se izjasnite. Glasanje je okončano.

Pročitani amandman nije dobio potrebnu većinu,
6 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

Podnosilac je odustao od amandmana broj II.

Amandman broj III glasi:

Predlažem da se uvede nova budžetska Stavka naziva “Grantovi za privatne predškolske ustanove” i da se za istu obezbjedi 30.000 konvertibilnih maraka. Ova sredstva bi se obezbjedila sa stavke Nabavka poslovnog prostora Mjesna zajednica Sjenjak.

NATAŠA PERIĆ

Molim vijećnike da se izjasne. Glasanje je okončano.
Konstatujem da pročitani amandman nije dobio potrebnu većinu,
6 vijećnika je glasalo za, 2 su bila protiv i 16 suzdržanih.

SLAĐANA KRAJINA – sekretar Gradskog vijeća Tuzla

IV amandman vijećnika Admir Čavalića:

Predlažem da se budžetska stavka ekonomski kod 614311-28 Grant neprofitnoj organizaciji – Sportski savez grada Tuzla smanji za 10.000 konvertibilnih maraka, a da se 10.000 konvertibilnih maraka prebaci Futsal Klubu Salines Tuzla City kroz novu budžetsku stavku ekonomskog koda 614311-66 (ili drugog pripadajućeg shodno klasifikaciji).

NATAŠA PERIĆ

Molim vijećnike da se izjasne. Glasanje je okončano.
Konstatujem da pročitani amandman nije dobio potrebnu većinu,
5 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

V amandman vijećnika Čavalića glasi:

Planirati 20.000 konvertibilnih maraka za Javnu zdravstveno nastavnu ustanovu Dom zdravlja "Doktor Mustafa Šehović" Tuzla u svrhu nabavke redomata (uređaja za upravljanjem redovima čekanja). Ovo realizovati kroz Kapitalni grant – Javna zdravstveno nastavna

ustanova Dom zdravlja "Doktor Mustafa Šehović" Tuzla ili neku drugu budžetsku stavku. Sredstva obezbjediti sa ekonomskog koda 614311-61 Grant za Turističku zajednicu.

NATAŠA PERIĆ

Molim vijećnike da se izjasne. Glasanje je okončano.
Konstatujem da pročitani amandman nije dobio potrebnu većinu,
9 vijećnika je glasalo za, 1 je bio protiv i 14 suzdržanih.

SLAĐANA KRAJINA – sekretar Gradskog vijeća Tuzla

VI amandman vijećnika Admir Čavalića:

Predlažem da se budžetska stavka ekonomskog koda 821213-16 – Izgradnja, rekonstrukcija i sanacija parkova poveća sa 0 konvertibilnih maraka na 20.000 konvertibilnih maraka. Ova sredstva bi se preuzela sa pozicije Naknade članovima radnih tijela Gradskog vijeća.

NATAŠA PERIĆ

Molim vijećnike da se izjasne. Molim vas malo tišine. Tišina molim vas. Glasanje je okončano.

Konstatujem da pročitani amandman nije dobio potrebnu većinu,
6 vijećnika je glasalo za, 2 su bila protiv i 16 suzdržanih. Jel to to?

SLAĐANA KRAJINA – sekretar Gradskog vijeća Tuzla

Nije. VII amandman:

Predlažem da se budžetska stavka ekonomskog koda 613429-29 Transfer za rad – Udruženje građana Roditelja i prijatelja djece sa dijabetesom „Novi horizonti“ Tuzla poveća za 2.000 konvertibilnih maraka na ukupno 40.000 konvertibilnih maraka, a da se potrebna finansijska sredstva obezbjede sa pozicije Naknade članovima radnih tijela Gradskog vijeća.

NATAŠA PERIĆ

Molim vijećnike da se izjasne. Glasanje je okončano.
Konstatujem da pročitani amandman nije dobio potrebnu većinu,
8 vijećnika je bilo za, niko nije bio protiv i 16 suzdržanih.

SLAĐANA KRAJINA – sekretar Gradskog vijeća Tuzla

VIII amandman vijećnika Čavalića.

Za njega se obrađivač izjasnio da nije podnesen u skladu sa Zakonom o budžetima u federaciji.

NATAŠA PERIĆ

Nećemo se izjašnjavati o ovom. Nema više je li? (SLAĐANA KRAJINA – Nema.) U redu.

Sada prelazimo na glasanje podtačkama.

Stavljam na izjašnjavanje ODLUKU O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022. GODINE, uz usvojene Amandmane koji su postali sastavni dio ODLUKE O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022. i molim, a koji glasi:

SLAĐANA KRAJINA – sekretar Gradskog vijeća Tuzla

Znači, I amandman

„U organizacionoj jedinici 04 - Služba za ekonomski razvoj, poduzetništvo i poljoprivredu, pozicija: 615411-18 - kapitalni grant – Javna ustanova Obdanište „Naše dijete“ Tuzla, predloženi iznos od 49.000,00 konvertibilnih maraka da se poveća za dodatnih 70.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502- Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 70.000,00 konvertibilnih maraka.

Amandman broj II

„U organizacionoj jedinici 17 - Služba za kulturu, sport, mlade i socijalnu zaštitu postojeću poziciju: 614311-18 - Grant neprofitnoj organizaciji-Radničko sportsko društvo „Sloboda“ Tuzla uvećati za dodatnih 350.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 -Izgradnja i rekonstrukcija puteva u iznosu od 350.000,00 konvertibilnih maraka.“

Amandman III

„U organizacionoj jedinici 17 - Služba za kulturu, sport, mlade (NATAŠA PERIĆ – Malo tišine molim vas.) i socijalnu zaštitu, postojeću poziciju: 614311-34 - Grant neprofitnoj organizaciji-Košarkaški klub „Jedinstvo-Dženeks“ Tuzla uvećati za dodatnih 5.000,00 konvertibilnih maraka, a da se istovremeno umanje sredstva u organizacionoj jedinici 05- Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 - Izgradnja i rekonstrukcija puteva u iznosu od 5.000,00 konvertibilnih maraka.“

I amandman broj IV

„U organizacionoj jedinici 17- Služba za kulturu, sport, mlade i socijalnu zaštitu, postojeću poziciju: 614311-60 - Grant za Crveni križ za projekat tuđe njege i pomoći u gradu Tuzla uvećati za dodatnih 30.000,00 konvertibilnih maraka, a da se istovremeno umanje sredstva u organizacionoj jedinici 05 - Služba za komunalne poslove, izgradnju i poslove mjesnih zajednica, 0502 - Odjeljenje za komunalnu infrastrukturu, pozicija: 821222-1 -Izgradnja i rekonstrukcija puteva u iznosu od 30.000,00 konvertibilnih maraka.“

NATAŠA PERIĆ

Molim vijećnike da se izjasne. (vijećnik Omer Berbić govori bez uključenog mikrofona op.a.) (SLAĐANA KRAJINA – Ne. Ne. Sad se izjašnjavate) Rebalansu. (SLAĐANA KRAJINA - o Odluci o izmjenama budžeta uz ove amandmane ova četiri amandmana koji su usvojeni i koji su postali sastavni dio odluke o izmjenama.

NATAŠA PERIĆ

Aha. Poništavam glasanje i molim ponovo da se izjasnite. Idemo. Mislim ne u federalni. Glasanje je okončano.

Konstatujem da je ODLUKA O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022., uz usvojene Amandmane koje je pročitala sekretar Gradskog vijeća usvojeni sa, usvojena sa,

23 glasa za, niko nije bio protiv i 3 suzdržana.

Sada stavljam na izjašnjavanje ODLUKU O DOPUNI ODLUKE O IZVRŠAVANJU BUDŽETA GRADA TUZLE ZA 2022. Molim vijećnike da se izjasne. Glasanje je okončano. Konstatujem da je ODLUKA O DOPUNI ODLUKE O IZVRŠAVANJU BUDŽETA GRADA TUZLE ZA 2022. usvojena sa,

23 glasa za, nije bilo protiv i 3 suzdržana.

Sada stavljam na izjašnjavanje NACRT BUDŽETA GRADA TUZLA ZA PERIOD 01. 01. - 31. 12. 2023. GODINE i molim vijećnike da se izjasne. Glasanje je okončano.

Konstatujem da je NACRT BUDŽETA GRADA TUZLA ZA PERIOD 01. 01. DO 31. 12. 2023. GODINE usvojen sa,

23 glasa za, niko nije bio protiv i 3 suzdržana.

Sada stavljam na izjašnjavanje NACRT ODLUKE O IZVRŠAVANJU BUDŽETA GRADA TUZLE ZA PERIOD 01. 01. DO 31. 12. 2023. GODINE. Molim vijećnike da se izjasne. Glasanje je okončano.

Konstatujem da je NACRT ODLUKE O IZVRŠAVANJU BUDŽETA GRADA TUZLA ZA PERIOD 01. 01. DO 31. 12. 2023. usvojen sa,

23 glasa za, nije bilo protiv i 3 suzdržana.

Sada stavljam na izjašnjavanje ODLUKU O NAČINU PROVOĐENJA JAVNE RASPRAVE i molim vijećnike da se izjasne. Glasanje je okončano. Selma niste glasali. Ko se još nije izjasnio? Omere? Glasanje je okončano.

Konstatujem da je ODLUKA O NAČINU PROVOĐENJA JAVNE RASPRAVE usvojena sa,

24 glasa za, nije bilo protiv i 2 suzdržana.

Sada stavljam na izjašnjavanje IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2022. GODINE. Molim vijećnike da se izjasne. Glasanje je okončano.

Konstatujem da je IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 06. 2022. usvojen sa,

23 glasa za, 1 je bio protiv i 2 suzdržana.

Sada stavljam na izjašnjavanje IZVJEŠTAJ O KORIŠTENJU SREDSTAVA TEKUĆE REZERVE BUDŽETA GRADA TUZLE ZA PERIOD 01. 01. DO 30. 06. 2022. Molim vijećnike da se izjasne. Glasanje je okončano.

Konstatujem da je IZVJEŠTAJ O KORIŠTENJU SREDSTAVA TEKUĆE REZERVE BUDŽETA GRADA TUZLE ZA PERIOD 01. 01. - 30. 06. 2022. usvojen sa,
23 glasa za, niko nije bio protiv i 3 suzdržana.

Sada stavljam na izjašnjavanje IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. DO 30. 09. 2022. GODINE i molim vijećnike da se izjasne. Glasanje je okončano.

Konstatujem da je IZVJEŠTAJ O IZVRŠENJU BUDŽETA GRADA TUZLA ZA PERIOD 01. 01. - 30. 09. 2022. usvojen sa,
24 glasa za, niko, 1 je bio protiv i 1 suzdržan.

Stavljam na izjašnjavanje IZVJEŠTAJ O REALIZACIJI ODOBRENIH INVESTICIJA GRADA TUZLE ZA PERIOD 01. 01. - 30. 06. 2022. GODINE i molim vijećnike da se izjasne. Glasanje je okončano.

Konstatujem da je IZVJEŠTAJ O REALIZACIJI ODOBRENIH INVESTICIJA GRADA TUZLE ZA PERIOD 01. 01. - 30. 06. usvojen sa,
25 glasova za, niko nije bio protiv i 1 suzdržan.

Molim sekretara da pročita zaključke proistekle iz rasprave. Jedan po jedan.

SLADANA KRAJINA – sekretar Gradskog vijeća Tuzla

– Gradonačelnik Grada Tuzle i Služba za budžet i finansije će razmotriti i analizirati prijedloge, primjedbe i sugestije svih vijećnika, date tokom rasprave o Nacrtu Budžeta Grada Tuzle za period 01. 01. – 31. 12. 2023. godine i Nacrtu Odluke o izvršenju Budžeta Grada Tuzle za period 01. 01. – 31. 12. 2023. godine.

Zadužuje se Stručna služba Gradskog vijeća da u tu svrhu izradi i gradonačelniku Grada Tuzle i Službi za budžet i finansije dostavi izvod iz stenograma sa 20. redovne sjednice Gradskog vijeća Tuzla u dijelu rasprave o Nacrtu Budžeta Grada Tuzle za period 01. 01. – 31. 12. 2023. godine i Nacrtu Odluke o izvršenju Budžeta Grada Tuzle za period 01. 01. – 31. 12. 2023. godine.

NATAŠA PERIĆ

Molim vijećnike da se izjasne o pročitanoj zaključku. Glasanje je okončano.

Konstatujem da je pročitani zaključak usvojen sa,
26 glasova za, niko nije bio protiv i nije bilo suzdržanih.

SLADANA KRAJINA – sekretar Gradskog vijeća Tuzla

– Gradsko vijeće Tuzla sugeriše da se ustanovama u koje su smješteni nabavljeni defibrilatori uposlenici educiraju za njihovu upotrebu.

NATAŠA PERIĆ

Molim vijećnike da se izjasne. Glasanje je okončano. Jesu li svi glasali? Jesu.

Konstatujem da je pročitani zaključak usvojen sa,

26 glasova za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla traži da se urgentno krene u sanaciju svih pješačkih drvenih mostova na području grada Tuzle koji imaju oštećenja koja mogu ugroziti sigurnost građana sa posebnim akcentom na izradu projektne dokumentacije za most u Slavinovićima, kao i u sanaciju klizišta.

NATAŠA PERIĆ

Molim vijećnike da se izjasne. (vijećnik Mensur Alić govori bez uključenog mikrofona op.a.) Hajde. (SLAĐANA KRAJINA – Hajde kažite. Aha mikrofon kod mene.) Poništavam glasanje.

MENSUR ALIĆ

Izvinjavam se. Zaboravio sam tamo da se stavi i most na...Na prošlu inicijativu, na prošlom Vijeću koju sam podnio spajanje pješačkog mosta sa Industrijskom zonom Sjever Kreka. (NATAŠA PERIĆ – Dobro.) Pješački most. Da.

NATAŠA PERIĆ

Ništa. Samo eto pročitajte ponovo zaključak. (MENSUR ALIĆ – Samo pošto, pošto je vezano za mostove onda da ide i to.) Ma ja. (MENSUR ALIĆ – Pješački isto.) Ma naravno. Vidi pjesnika.

Molim vas pročitajte samo zaključak još jednom.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla traži da se urgentno krene u sanaciju svih pješačkih drvenih mostova na području grada Tuzle koji imaju oštećenja koja mogu ugroziti sigurnost građana sa posebnim akcentom na izradu projektne dokumentacije za most u Slavinovićima, izgradnju pješačkog mosta u Industrijskoj zoni Kreka Sjever kao i u sanaciju klizišta.

NATAŠA PERIĆ

Molim vijećnike da se izjasne. Glasanje je okončano.
Konstatujem da je pročitani zaključak usvojen sa,
26 glasova za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla sugeriše gradonačelniku i resornoj Službi da jedan od prioriteta toplifikacije u narednom periodu, pored naselja Hudeč, bude i naselje Moluhe.

NATAŠA PERIĆ

Dobro. Molim vijećnike da se izjasne. Glasanje je okončano.
Konstatujem da je pročitani zaključak usvojen sa,

26 glasova za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla traži da se u prijedlog Budžeta Grada Tuzle za 2023. godinu obavezno uvrste sredstva za provođenje izbora u mjesnim zajednicama u 2023. godini.

NATAŠA PERIĆ

Molimo vijećnike da se izjasne. Nastavite glasat. Glasanje je okončano. Molim? Ponavljam. Poništavam ovo glasanje. Ponovo. Molim vijećnike da se izjasne.

Molim vas. Poništavam glasanjem. Molim da se malo uozbiljite. (vijećnik Omer Berbić govori bez uključenog mikrofona op.a.) Pa neko je pogriješio očigledno. (vijećnik Omer Berbić govori bez uključenog mikrofona op.a.) Molim vijećnike... (vijećnik Omer Berbić govori bez uključenog mikrofona op.a.) Mogu poništiti. Poništavam i na mnogo smješnije stvari poništavam. (vijećnik Omer Berbić govori bez uključenog mikrofona op.a.) Nemojte dobacivat. Glasanje je okončano.

Konstatujem da je pročitani zaključak usvojen sa,
24 glasa za, 2 su bila protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

– Gradsko vijeće Tuzla podržava menadžment Javnog preduzeća „Saobraćaj i komunikacije“ Tuzla u aktivnostima koje se poduzimaju u cilju ostvarivanja ušteta u rasvjeti naročito u današnje vrijeme stalnog rasta cijena energenata.

NATAŠA PERIĆ

Glasanje je...A čuj mene. Molim vas da glasate. Šta je bilo Mensure? (vijećnik Mensur Alić govori bez uključenog mikrofona op.a.) Pa hajte ako...Poništavam glasanje pošto ima dopuna. Recite.

MENSUR ALIĆ

Da se formira odmah tim za realizaciju ovog projekta. Hvala.

NATAŠA PERIĆ

U redu. Molim vijećnike...Pa sad što je pročitano.
Možete vi ponovo pročitati Slađana? Molim uključite samo mikrofona.

SLAĐANA KRAJINA – sekretar Gradskog vijeća

- Gradsko vijeće Tuzla podržava menadžment Javnog preduzeća „Saobraćaj i komunikacije“ Tuzla u aktivnostima koje se poduzimaju u cilju ostvarivanja ušteta u rasvjeti naročito u današnje vrijeme stalnog rasta cijena energenata te da se u tom cilju odmah formira tim za realizaciju ovih aktivnosti.

NATAŠA PERIĆ

Molim vijećnike da se izjasne. Glasanje je okončano.
Konstatujem da je pročitani zaključak usvojen sa,
25 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da se u narednom periodu nabavi i postavi što više nadzornih kamera kako bi se pratilo stanje u parkovima na području grada Tuzle. (NATAŠA PERIĆ – Ja, ja. Čitajte.) To je to. (NATAŠA PERIĆ – Jeste završili?) Jesam. Pa pročitala sam zaključak nema...

NATAŠA PERIĆ

Nešto mi...Ja u redu. Kratak zaključak. Dobro. Pa nismo navikli na kratke zaključke pa zato. Omere slikaj sad. Daj njemu crveno gdje je jel i žuto? Glasanje je okončano.
Konstatujem da je pročitani zaključak usvojen sa,
24 glasa za, niko nije bio protiv i nije bilo suzdržanih.

SLADANA KRAJINA – sekretar Gradskog vijeća Tuzla

Sljedeći zaključak:

- Grad Tuzla podržava Vladu Tuzlanskog kantona kada je u pitanju sufinansiranje troškova boravka djece u predškolskim ustanovama te će dati sve od sebe da se pokuša obezbjediti u narednom periodu uz traženje podrške i saradnje Tuzlanskog kantona da Grad Tuzla troškove boravka djece u predškolskim ustanovama sufinansira sa 20% a kanton sa 80% kako bi svako dijete imalo pravo na vrtić.

NATAŠA PERIĆ

Molim vijećnike da se izjasne. Molim? Može. Poništavam glasanje. Molim vas samo malo koncentracije prilikom glasanja za sve. Glasanje je okončano. Konstatujem da pročitano...Glasanje je okončano.

Pročitani zaključak nije dobio potrebnu većinu, 7 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Gradsko vijeće Tuzla traži da se razmotri mogućnost osnivanja javnog preduzeća koje će se baviti proizvodnjom električne energije postavljanjem i korištenjem solarnih panela, te traži da se u tom cilju odmah formira tim za realizaciju ovih aktivnosti.

NATAŠA PERIĆ

Jel to vaše? Molim vijećnike da se izjasne. Glasanje je okončano.
Konstatujem da je pročitani zaključak dobio potrebnu većinu,
24 vijećnika su glasala za, niko nije bio protiv i nije bilo suzdržanih.
Molim vas tišina.

SLAĐANA KRAJINA – sekretar Gradskog vijeća Tuzla

Sljedeće. (NATAŠA PERIĆ – Tišina molim vas.)

- Sljedeće je bio prijedlog da se napravi vanjska nezavisna revizija Javnih preduzeća i javnih ustanova u cilju iznalaženja načina smanjenja sredstava koja se izdvajaju iz Budžeta Grada Tuzle za rad ovih preduzeća i ustanova.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu,

5 vijećnika je glasalo za, 2 su bila protiv i 18 suzdržanih.

Molim vas tišina.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se u narednoj godini stavi u funkciju spomenik Vječna svjetlost.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa,

25 glasova za, nije bilo protiv i nije bilo suzdržanih.

Mala pauza 5 minuta. (Pauza.)

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Molim vijećnike da zauzmu svoja mjesta idemo dalje s radom. Admire Čavaliću na svoje mjesto hajde.

Nastavljamo dalje sa radom. Prelazimo. Omere? Omer drugi telefonira.

Prelazimo na drugu tačku Dnevnog reda:

RAZMATRANJE I USVAJANJE POD:

**a) NACRTA IZMJENE REGULACIONOG PLANA PROSTORNE CJELINE
“GRABOV POTOK“ U TUZLI POD**

**b) NACRTA ODLUKE O PROVOĐENJU IZMJENE REGULACIONOG
PLANA PROSTORNE CJELINE “GRABOV POTOK “ U TUZLI**

(SELMA ĆATIBUŠIĆ - Poslovnička jel može?) I POD c)

(NATAŠA PERIĆ – Poslovnička.) Ko je tražio? (NATAŠA PERIĆ – Selma.) Selma izvoli.

SELMA ĆATIBUŠIĆ

Samo da skrenem pažnju. Molim vas da se poštuju rokovi koji su predviđeni za pauzu jer ovo nije stvarno fer i korektno prema kolegama. Ako je 5 minuta onda je 5 minuta, a ne 40 minuta.

ĆERIM RASTODER – zamjenik predsjedavajućeg Gradskog vijeća Tuzla - samostalni vijećnik

U redu. Selma hvala.

Pod c) **PROGRAMA JAVNE RASPRAVE O NACRTU IZMJENE REGULACIONOG PLANA PROSTORNE CJELINE “GRABOV POTOK “ U TUZLI**

Predlagač je gradonačelnik Grada Tuzle.

Obrađivač: Služba za prostorno uređenje i zaštitu okoline i Zavod za urbanizam. Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika

Da li ima potrebe da predlagač da uvodno izlaganje? (Nema.) Nema.

Otvaram raspravu klubova vijećnika. Hvala.

Zatvaram raspravu klubova vijećnika.

Otvaram raspravu vijećnika. (Nema.) Nema. Hvala.

Stavljam na izjašnjavanje NACRT IZMJENE REGULACIONOG PLANA PROSTORNE CJELINE “GRABOV POTOK“ U TUZLI. Molim vas da se izjasnimo po ovoj tački. Hvala. Glasanje je okončano.

Konstatujemo da je NACRT IZMJENE REGULACIONOG PLANA PROSTORNE CJELINE “GRABOV POTOK“ U TUZLI usvojen sa,

25 glasova za, nije bilo protiv i nije bilo suzdržanih.

Eh idemo dalje.

Sada glasamo znači o NACRTU ODLUKE O PROVOĐENJU IZMJENE REGULACIONOG PLANA PROSTORNE CJELINE “GRABOV POTOK “ U TUZLI. Molim vas da glasamo. Hvala. Glasanje je okončano.

Konstatujem da je NACRT ODLUKE O PROVOĐENJU IZMJENE REGULACIONOG PLANA PROSTORNE CJELINE “GRABOV POTOK “ U TUZLI dobio većinu od,

26 glasova za, nije bilo suzdržanih i nije bilo protiv.

Slijedi glasanje za PROGRAM JAVNE RASPRAVE O NACRTU IZMJENE REGULACIONOG PLANA PROSTORNE CJELINE “GRABOV POTOK “ U TUZLI. Molim vas da se izjasnimo. Glasanje je okončano.

Konstatujem da je PROGRAM JAVNE RASPRAVE O NACRTU IZMJENE REGULACIONOG PLANA PROSTORNE CJELINE “GRABOV POTOK “ U TUZLI usvojen sa,

26 glasova za, nije bilo protiv niti je bilo suzdržanih.

S obzirom da nema zaključaka po ovoj tački idemo na sljedeću tačku.

Tačka tri Dnevnog reda:

RAZMATRANJE I USVAJANJE ODLUKE O DOPUNAMA ODLUKE O PROVOĐENJU REGULACIONOG PLANA ZONE BUDUĆEG RAZVOJA „IRAC JUG – I FAZA“ U TUZLI

Predlagač je gradonačelnik Tuzle.

Obrađivač: Služba za prostorno uređenje i zaštitu okoline i Zavod za urbanizam.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? Hvala.

Otvaram raspravu klubova vijećnika. Nema niko. Hvala.

Zatvaram raspravu klubova vijećnika.

Otvaram raspravu vijećnika. Nema. Hvala.

S obzirom da...Prelazimo na glasanje.

Znači, izjašnjavamo se o ODLUCI O DOPUNI ODLUKE O PROVOĐENJU REGULACIONOG PLANA ZBR „IRAC JUG – I FAZA“ U TUZLI. Molim vas da glasamo. Dobro. Glasanje je okončano.

Konstatujem (NATAŠA PERIĆ – Samo malo. Samo malo.)

SLAĐANA KRAJINA – sekretar Gradskog vijeća Tuzla

Ima amandman dobili ste u materijalu za sjednicu.

Amandman koji glasi:

“U prijedlogu Odluke o provođenju Regulacionog plana Zona budućeg razvoja “Irac Jug - I faza” u Tuzli, član 2. briše se.

Dosadašnji član 3. postaje član 2.”

Znači, stavlja se na izjašnjavanje ODLUKA O DOPUNAMA ODLUKE O PROVOĐENJU REGULACIONOG PLANA ZONA BUDUĆEG RAZVOJA „IRAC JUG – I FAZA“ U TUZLI uz amandman predlagača koji je postao sastavni dio odluke.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro i da glasamo. Poništavamo glasanje. Idemo amandman glasamo je li tako?

SLAĐANA KRAJINA – sekretar Gradskog vijeća Tuzla

Ne, ne. Glasate zajedno odluka uz Amandman koji je postao sastavni dio odluke zato što je to Amandman predlagača.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Dobro. Dobro. Glasali smo znači. (SLAĐANA KRAJINA – Ja, u redu je.)

Konstatujemo da je ODLUKA O DOPUNI ODLUKE O PROVOĐENJU REGULACIONOG PLANA ZBR „IRAC JUG sa pomenutim Amandmanom prošla sa, 25 glasova za, nije bilo protiv i 1 suzdržan.

Prelazimo na četvrtu tačku Dnevnog reda:

RAZMATRANJE I USVAJANJE ODLUKE O IZMJENAMA I DOPUNAMA ODLUKE O KOMUNALNOM REDU

Predlagач gradonačelnik Grada Tuzle.

Obrađivač: Služba za komunalne poslove, izgradnju i poslove mjesnih zajednica.

Materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodno izlaganje? (Nema.) Nema.

Otvaram raspravu klubova vijećnika. (NATAŠA PERIĆ – Ne, ne. Vijećnik Berbić traži kratko.) Izvini. (vijećnik Omer Berbić govori bez uključenog mikrofona op.a.) (NATAŠA PERIĆ – Hajd ništa otvorite raspravu.)

Dobro. Otvaram raspravu klubova vijećnika. Merima. Merima Softić Klub SDP-a. Izvoli Merima.

MERIMA SOFTIĆ SPREČIĆ – vijećnik Socijaldemokratske partije

Dobro. Pozdravljam sve prisutne evo obzirom da se danas prvi put javljam na sjednici Vijeća. Mislim da smo dugo čekali izmjenu ove odluke koja se tiče Odluke o komunalnom redu i u prijašnjem sazivu ali i u ovom sazivu smo tražili brojne inicijative, postavljali vijećnička pitanja, imali svoje diskusije kada je riječ o svim sferama kojima se bavi ova odluka, čak smo tražili od Federalnog ministarstva da nam da na koji način se koristiti zakonskim aktima koji omogućavaju uređenje određenih javnih površina koje nismo možda mogli riješiti na lokalnom nivou tiče se nargila barova.

Ono što želim da kažem da mi je zaista drago što je danas na dnevnom redu ovakva jedna odluka koja se tiče izmjene, odnosno i dopune čak i nekih novih članova koji će upravo napraviti poprilično boljeg reda što se tiče evo postavljanja ugostiteljskih bašta, svjetlećih reklama koje se nalaze zaista na raznim pozicijama nekada i ometaju i sam saobraćaj i građane. Proširiti će šetališnu zonu, bar kroz ove članove kako smo mi evo razumjeli koji se tiču recimo uređenja da preko slivnika ne mogu ići postavljene bašte na otvorenom znači, samim tim šetališna zona će imat jedan širi pojas kojim će građani moć nesmetano šetati Korzom i tiče se samog tog užeg jezgra.

Zatim da bašte moraju biti postavljene eto isključivo znači, po određenim propisanim normama određenih članova koji to preporučuju na koji način i kako biti usklađene i postavljene u centru grada.

Drago mi je takođe da je postavljen i novi član 86. stav 1. iza tačke 9 kojim se zabranjuje paljenje uglja za nargile na javnim površinama kao potencijalnog izvora opasnosti po imovinu grada Tuzle, te sigurnosti zdravlja građana i posjetilaca grada Tuzle.

Ne bih obrazlagala kompletnu odluku jer se zaista tiče mnogih sfera uređenja. Želim da pohvalim Službu koja je radila na ovom materijalu. Znam da će vjerovatno biti mnogo sugestija evo i u narednom periodu jer je sama odluka nastala na osnovu analize u posljednjih pa evo reću nekih desetak godina sigurno svega onog sa čime smo se suočavali. Prolazeći kroz grad nismo imali mogućnost da se i Službe inspekcije oslone na određeni materijal kako bi eventualno sankcionisali, kaznili ili uredili određene površine. Zato mi je zaista drago što evo danas ovo imamo na dnevnom redu i Klub SDP-a će podržati ovakvu jednu odluku, a

definitivno svojim prijedlozima i dalje raditi i na njenoj izmjeni ukoliko to bude naravno potrebno. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem kolegici Merimi. Ima li još diskusija klubova vijećnika? Omer u ime Kluba vijećnika Naše stranke i Stranke za BiH.

OMER BERBIĆ

Hvala ljepo. Evo dobijam ovaj sugestije da moram pažljivo jer si ti predsjedavajući pa ću ja to...Vodit ću računa. (ĆERIM RASTODER – Sad malo skрати. Prošli put si malo duže.)

Drago mi je, drago mi je da imamo ovu odluku i drago mi je da se napokon uspostavlja red u staroj gradskoj jezgri. Dugo nam je trebalo da je dobijemo, ali smo je dobili i mislim da je ona dobra. Međutim, komplikovana je u nekim stavovima itd. u nekim stvarima koje su definisane al pitanje je sad koliko će nam to pomoći u onom, u onom što je, što je, što je naša namjena a to jeste da se stara gradska jezgra sačuva i očuva.

Ja sam ovdje sebi napravio neke smjernice prije svega član 6. kaže: Korisnici javnih površina dužni su nadležnoj Službi za komunalne poslove podnijeti zahtjeve za privremeno zauzimanje javne površine u svrhu postavljanje otvorenih bašti najkasnije do 1. februara tekuće godine.

Ovdje postavljam ja jedno pitanje za Službu: Šta se dešava ukoliko neko napravi kafić ili otvori kafić nakon 1. februara pošto nisam vidio da je ovdje definisano kako ćemo to onda raditi da ne bi došli u situaciju da neko otvori u martu kafić da ne može da dobije otvorenu baštu? Znači to je prvi, prvi moj, prvo moje pitanje za Službu na koje bi volio da dobijem odgovor.

I ovdje bi volio jedan zaključak da Služba obavijesti udruženje obrtnika, te da Služba obavijesti udruženje ugostitelja o ovom članu broj 6. koji je jako bitan član da ne bi došli u situaciju da ljudi ne znaju da treba do 1. februara to predati i onda da im se uništi cijeli životni projekat kafića, pabova itd. Mislim da bi moglo doć do nekih problema ukoliko se to ne bude gledalo fleksibilno, vjerujem da hoće, ali opet za svaki slučaj bitno je da se mi pravno tu, pravno tu pokrijemo.

Ovdje dalje ima stavka gdje se kaže: Da se postavljanje bašte radi u opštim uslovima za postavljanje bašte uz ugostiteljski objekat donosi gradonačelnik. Da li gradonačelnik to donosi uz saglasnost Vijeća, te možemo li mi postaviti neki rok za gradonačelnika kada bi se trebala donjet ova, ovi opšti uslovi za postavljanje bašte a da bude ne kasnije od 1. januara jer bitno je da gradonačelnik donese ove opšte uslove pogotovo što znamo u kakav turbulentan period ulazimo sa VD-e gradonačelnikom itd? Bitno je da se donesu opšti uslovi do tog 1. februara kada oni budu predavali svoje prijedloge za otvorene bašte, jer doćemo u situaciju ako nema opštih uslova da će opet bit ovo isto i da ćemo imat kauč na centru grada koji je iznesen il ne znam palete i ostale stvari koje, gdje bi ovakva jedna bitna odluka, važna odluka postala besmislena.

Znači, zaključkom bi ja volio da obavežemo Stručnu službu gradonačelnika, et ne moram gradonačelnika da se opšti uslovi za postavljanje bašte uz ugostiteljski objekat do-nesu ne kasnije do recimo početka iduće godine. Et tako nekako da formulišemo, ali da znamo da će se to završiti do pravog roka.

Ima još jedan član koji ću sad ovdje spomenuti. Znači, članom 9. ove odluke u članu 86. u stavu 1. iza tačke 9 dodaje se nova tačka 10. kojom se zabranjuje paljenje uglja za nargile

na javnim površinama kao potencijalnog izvora opasnosti po imovinu grada Tuzle. Dobro je da se ovako na jedan kreativan način pokušalo zaustaviti ali me zanima sljedeće:

Kada se puši nargila prvo se zapali ugalj i onda se to stavi na nargilu i ona se može pušiti na javnom objektu. Da li ovaj član definiše da se nargila ne može pušiti na javnoj površini ili on definiše da se ugalj ne može paliti na javnoj površini jer ako se ugalj pali na javnoj površini oni to mogu unjet unutra pa ga zapaliti pa iznjet nargilu napolje? Pitanje je šta smo time dobili u smislu uređenja centra grada o onom što smo mi pričali, što je u duhu ove odluke.

Zanima me samo kako će se, kako će se ovo tumačiti da ne bi došli u situaciju da ova odluka ovakva kakva jeste dođe i da bude besmislena, ali generalno hvala Službi, hvala Kolegiju koji je prihvatio prijedlog tada Čavalića koji je došao od strane mene da se ovako nešto treba uvrstiti u ovu odluku i evo drago mi je da se to dešava.

Zanima me još jedna stvar i to je to. Ovaj član 2. koji se govori o reklamnim pojasima, o reklamama o pojasima magistralnih i regionalnih cesta gdje piše da je obaveza plaćanja naknade gradu Tuzla u visini od 50% utvrđene naknade za postavljanje reklamnih panoa. Samo me još to zanima. Znači, ovo se odnosi na panoje koji su postavljeni na privatnom zemljištu. Oni bi trebali nešto da plaćaju gradu ili samo koji su na javnom i to da mi se još malo, još malo definiše. To je to. Hvala ljepo.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujem se kolegi Berbiću. Ima li još diskusija u ime kluba, klubova vijećnika?

Ako nema zatvaram raspravu klubova vijećnika.

Otvaram raspravu vijećnika. Vijećnik Čavalić. Izvolite.

ADMIR ČAVALIĆ

Hvala puno zamjeniče predsjedavajuće vrlo ću kratko. Dakle, da iskoristim priliku što raspravljamo o ovoj Odluci o komunalnom redu dakle, član 63., 64., 65. ove odluke reguliše pitanja autobuskih stanica. Mi znamo da su ta, te stanice dakle bolna tačka našeg grada i evo već unazad par mjeseci raspravljamo o navedenim u kontekstu javnog prevoza u našem gradu.

Ja bi volio dakle, da iskoristim priliku da mi kao Gradsko vijeće donesemo zaključak da nam Služba za inspekcijske poslove Grada Tuzla detaljno obrazloži dakle da li se prati realizacija članova 63., 64., 65.? Da li su neka pravna lica kažnjena zato što ne održavaju ove stanice?

I također zaključak da se ubuduće dakle, da svi ti komunalni inspektori vode računa da se po-sebno član 64. implementira i da se kazne odgovorna pravna i fizička lica koja se ne vode članom 64. Zašto je ovo bitno? Pazite samo citiram taj član. Stajalište javnog prevoza putnika moraju se održavati u urednom i ispravnom stanju, a svako oštećenje mora se otkloniti najkasnije u roku od 7 dana. Mi znamo da ima zaista oštećenih stanica širom grada Tuzla a vjerovatno 7 dana je prošlo, prošlo je možda i 7 godina nisu se održavale. Kazna za ne činjenje navedenog, evo sad je i povećavamo je vjerovatno dakle do 5.000 konvertibilnih maraka u drugim članovima koji prate ovaj član tako da me zanima jel se neko kaznio i to ću postaviti kao vijećničko pitanje i ako jeste ko se kaznio za ovo i jel možemo mi kao Vijeće dakle inicirati da se ubuduće vodi računa o navedenom da čuvamo naše BUS stanice? Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegi Čavaliću.

Ima li još rasprava vijećnika? Zahvaljujem se.

Zatvaram raspravu vijećnika.

Molim vas prije nego što pređemo na glasanje za predstavnika resorne Službe da određena, određene odgovore proistekle iz ove diskusije. Posebno na pitanja koje je kolega Berbić postavio.

**MIRELA ULJIĆ – pomoćnik gradonačelnika
za Službu za komunalne poslove,
izgradnju i poslove mjesnih zajednica**

Dobar dan poštovane vijećnice i vijećnici. Evo iskoristit ću priliku, nadam se da ću uspjet odgovoriti na ova postavljena pitanja. Dakle, radi se o pravnom dokumentu, rekla bih o značajnom lokalnom propisu. U članu 1. današnjeg materijala, današnje Odluke o izmjenama i dopunama odluke o komunalnom redu zapravo možete vidjeti da je ovo možda jedanaesta izmjena Odluke o komunalnom redu koja je prvobitno donesena 2010. godine. Svaki put izmjene i dopune se zapravo i predlože kad se u praksi vide određeni nedostaci u primjeni. Ovaj put smo između ostalog uvažavajući sve dobivene sugestije od strane vijećnika pokušali evo da preciznije uredimo ili eventualno izmjenimo određene odredbe Odluke o komunalnom redu. Svakako i mi smatramo za obavezu po pitanju roka. Ići ću ovako kako ste diskutovali, po pitanju roka koji je sad uspostavljen za podnošenje zahtjeva za otvorenu, odnosno zatvorenu baštu da obavijestimo i putem medija ali i ova ključna udruženja koja zapravo se i odnose na, na, na ugostitelje da bi ugostitelji koji znaju da svake godine, jer ovo zauzimanje je zapravo na godišnjem nivou. Nema zauzimanja za, za 2 godine dakle, niti za, niti za bi-lo kakvu namjenu. Javna površina se daje rekla bih za sezonu ili za godinu dana i ovo se i odnosi na one po-stojeće vlasnike ugostiteljskih objekata koji imaju svoje otvorene ili zatvorene bašte na javnoj površini i koji redovno svake godine podnose nam zahtjeve da bismo malo ure-dili te rokove i njihova rješenja zato smo ih i uspostavili dakle, 1. februar, odnosno 1. septembar za, za zatvorene. Dakle, nikakve nema prepreke da ukoliko neko novi iz bilo kojeg razloga ili kupi određeni poslovni prostor registriran za obavljanje ugostiteljske djelatnosti ima mogućnost za zauzimanje javne površine za otvorenu ili zatvorenu baštu uz taj svoj objekat da podnese zahtjev bilo kad to nije nikakva prepreka. Ja govorim dakle, za one standardne reći ću više desetaka ali je i stotina zapravo takvih zahtjeva za, za postojeće bašte. Dakle, to je što se tiče ovih rokova.

Što se tiče opštih uslova evo ja ne poneso sa mjesta gdje sjedim. Radi se o dokumentu koji već postoji, kao što postoji i ova Odluka o komunalnom redu koja se više puta po potrebi do sad mijenjala i dopunjavala. Dakle, opšti uslovi su dokument koji je donesen i bar jednom ili dvaput, evo nemam sad kod sebe, e hvala se mijenjao. Mi imamo svakako namjeru da što prije ne čekajući niti govora 1. januar dakle, imamo namjeru. Ne možemo baš to uraditi u roku od dva, tri, četiri dana ali sa Zavodom za urbanizam da sjedemo i dogovorimo, uspostavimo, kreiramo da kažem određena pravila kako bismo prije svega uredili onu užu gradsku jezgru. Ona će nam sad biti u fokusu i po pitanju onog mobilijara i stolova, stolica, suncobrana sve ono o čemu ste i vi kao vijećnici do sad diskutovali. Znači, to je, to će se raditi zapravo o dopunama vjerovatno postojećeg dokumenta koji, evo ovo su kopije iz Službenog glasnika opštih uslova za privremeno zauzimanje javne površine, a u svrhu postavljanja tih bašta. Dakle, to je što se tiče opštih uslova.

Što se tiče člana 9. ove odluke današnje one zabrane paljenja uglja za nargile na javnim površinama znamo sljedeće: Već su protivpožarni inspektori, evo ispraviti će me. Moram opet jedan ampersand usput da kažem. Dakle, sve smo radili ne sami nego u saradnji i sa gospođom Medihom koja nam je da kažem ono ekstra pravnik, ekstra stručnjak ali i sa kompletnom Službom za inspeksijske poslove da bismo zapravo vidjeli koji su problemi njima na terenu da bismo mi mogli u ovoj odluci da poboljšamo ono što je već napisano. Dakle, protivpožarni inspektor, ako sam ja dobro razumila već ide u kontrolu da zabrani paljenje uglja za nargile u unutrašnjosti objekata. Ono što su do sad radili jeste da iznesu znači, sad tu posudu gdje pale ugalj za nargile ispred tog objekta. Eh ako je na javnoj površini to više sad po ovoj našoj predloženoj mjeri neće moći uradit. Et to je znači, neće moći, da li će on pušiti nargilu kao lulu mi to ne možemo Odlukom o komunalnom redu, iako smo vrlo voljni ali to ne možemo zabraniti. Dakle, tako su nam rekli. Tako kažu veći propisi. (ĆERIM RASTODER - Zahvaljujem se kolegici Uljić. Mislim da ste Berbiću zadovoljni odgovorima.)

Član 2. Imam još jednu ako ima potrebe? (ĆERIM RASTODER Aha. Dobro.) (vijećnik Omer Berbić govori bez uključenog mikrofona opa.) (NATAŠA PERIĆ - Samo uključite. Ne može mora radi stenograma.) (OMER BERBIĆ – OK. U suštini znači, oni sad neće paliti ni napolju ni unutra i svaka, i svaki puta ukoliko inspektor prođe i vidi da nargila radi na ugalj za nargile može ih kazniti?) Na javnoj površini kažnjava se po ovoj odluci, na javnoj površini. (OMER BERBIĆ – Dobro.) A ukoliko je u zatvorenom prostoru onda po propisima o protivpožarnoj zaštiti, to čak nije ni naš gradske uprave inspektor nego je... (OMER BERBIĆ – Znači mi sad moramo imat, moramo u suštini imat dva inspektora kako bi to mogli kontrolisati?) Pa vjerovatno će se i morat neka saradnja napraviti akcija da kažem zajednička.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujemo se kolegici Uljić. (vijećnik Omer Berbić govori bez uključenog mikrofona op.a.) Omere? (NATAŠA PERIĆ – Omere rekla je gospođa sve hajd, hajd.) Dobro je. U redu je. U redu je hajde. Zahvaljujem se kolegici Uljić. Idemo dalje.

Stavljamo na izjašnjavanje ODLUKU O IZMJENAMA I DOPUNAMA ODLUKE O KOMUNALNOM REDU. Molim vas da glasamo. Glasanje je okončano.

Konstatujem da je ODLUKA O IZMJENAMA I DOPUNAMA ODLUKE O KOMUNALNOM REDU usvojena sa,

24 glasa za, nije bilo protiv niti suzdržanih.

Napravit ćemo pauzu dvije-tri minute samo da vidimo oko formulisanja ovih zaključaka s obzirom da smo imali tri zaključka. (Pauza.)

Nastavljamo dalje.

Molim sekretara da pročita zaključke i da se izjasnimo o istim.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od resorne Službe da obavijesti Udruženje obrtnika i Udruženje ugostitelja o izmjeni Odluke o komunalnom redu kada je u pitanju rok za podnošenje zahtjeva za privremeno zauzimanje javne površine u svrhu postavljanja otvorenih bašti.

- Gradsko vijeće Tuzla traži da se adekvatne dopune opštih uslova za postavljanje bašte uz ugostiteljski objekat donesu ne kasnije od početka iduće godine.

- Gradsko vijeće Tuzla traži od Službe za inspekcijske poslove da detaljno obrazloži da li se prati poštivanje odredbi članova 63., 64. i 65. Odluke o komunalnom redu.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se. Molim vas da se izjasnimo po pročitanim zaključcima. Glasanje je okončano.

Konstatujem da su pročitani zaključci prošli sa, 23 glasa za, nije bilo protiv i 1 glasom suzdržanim. Zahvaljujem se. Idemo dalje.

Peta tačka Dnevnog reda:

RAZMATRANJE I USVAJANJE POD:

a) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM RADNIČKOM SPORTSKOM DRUŠTVU “SLOBODA” POD

b) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM SPORTSKOM DRUŠTVU ZA ODGOJ I ZAŠTITU GOLUBOVA TUZLA

Predlagač: gradonačelnik Tuzle.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose. Malo tiše. (NATAŠA PERIĆ – Molim vas malo tišine.) Muminoviću. Ne smijem reć, ne smijem reći Aliću pošto je on stariji.

Da li ima potrebe za uvodnim izlaganjem? (Nema.) Dobro. Hvala.

Otvaram raspravu klubova vijećniika. (Nema.) Hvala.

Zatvaram raspravu klubova vijećnika.

Otvaram raspravu vijećnika. (Nema.) Hvala.

Zatvaram raspravu vijećnika.

Stavljam na izjašnjanje. U stvari pitam vas da li možemo od jednom i pod a) i b)? (Može.) Hvala.

Znači, stavljam na izjašnjanje pod a) ODLUKU O DODJELI U ZAKUP POSLOVNIH PROSTORIJA NEPOSREDNOM POGODBOM RADNIČKOM SPORTSKOM DRUŠTVU “SLOBODA” i pod

b) ODLUKU O DODJELI U ZAKUP POSLOVNIH PROSTORIJA NEPOSREDNOM POGODBOM SPORTSKOM DRUŠTVU ZA ODGOJ I ZAŠTITU GOLUBOVA TUZLA. Molim vas da se izjasnite. Glasanje je okončano.

Konstatujem da je ODLUKA O DODJELI U ZAKUP POSLOVNIH PROSTORIJA NEPOSREDNOM POGODBOM RADNIČKOM SPORTSKOM DRUŠTVU “SLOBODA” i ODLUKA O DODJELI U ZAKUP POSLOVNIH PROSTORIJA NEPOSREDNOM POGODBOM SPORTSKOM DRUŠTVU ZA ODGOJ I ZAŠTITU GOLUBOVA sa,

22 glasa prošla, nije bilo suzdržanih niti je bilo protiv. Idemo dalje.

Tačka šest:

RAZMATRANJE I USVAJANJE POD:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA (sa tekstom Javnog oglasa) POD

b) ODLUKE O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA I POD

c) RJEŠENJE O IMENOVANJU KOMISIJE ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA

Predlagač je gradonačelnik Tuzle.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja i klubovi vijećnika.

Da li ima potrebe da se predlagač da nam se obrati po ovom pitanju? (Nema.) Hvala ljepo.

Otvaram raspravu klubova vijećnika. (Nema.) Hvala.

Zatvaram raspravu klubova vijećnika.

Otvaram raspravu vijećnika. (Nema.) Hvala.

Zatvaram raspravu vijećnika.

Da li ste saglasni da se izjasnimo pod sve tri tačke odjednom ili pojedinačno? (Sve.) Hvala.

Stavljam na izjašnjavanje ODLUKU O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA (sa tekstom Javnog oglasa) pod

b) ODLUKU O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA pod

c) RJEŠENJE O IMENOVANJU KOMISIJE ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA. Molim vas da se izjasnimo. Glasanje je okončano.

Konstujem da su ODLUKE O RASPISIVANJU JAVNOG OGLASA ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA (sa tekstom Javnog oglasa)

ODLUKU O UTVRĐIVANJU POSEBNIH USLOVA I KRITERIJA ZA IZBOR I IMENOVANJE ČLANOVA NADZORNIH ODBORA U JAVNIM USTANOVAMA, ČIJI JE OSNIVAČ GRAD TUZLA i

RJEŠENJE O IMENOVANJU KOMISIJE ZA IZBOR I IMENOVANJE ČLANOVA NADZORNIH ODBORA JAVNIH USTANOVA, ČIJI JE OSNIVAČ GRAD TUZLA prošli sa,

21 glas za, nije bilo suzdržanih niti je bilo protiv. Zahvaljujem. Idemo dalje.

Tačka sedam:

RAZMATRANJE POD:

a) INFORMACIJE KOMISIJE O PROVEDENOM POSTUPKU JAVNOG OGLAŠAVANJA ZA IZBOR I IMENOVANJE PREDsjedNIKA UPRAVNOG ODBORA JAVNE ZDRAVSTVENE USTANOVE “GRADSKE APOTEKE TUZLA” SA RANG LISTOM NAJUSPJEŠNIJH KANDIDATA POD

b) DONOŠENJE RJEŠENJA O KONAČNOM IMENOVANJU PREDsjedNIKA UPRAVNOG ODBORA JAVNE ZDRAVSTVENE USTANOVE “GRADSKE APOTEKE”

Predlagač: Komisija za izbor predsjednika Upravnog odbora Javne zdravstvene ustanove „Gradske apoteke“ Tuzla.

Obrađivač: Komisija za izbor predsjednika Upravnog odbora Javne zdravstvene ustanove „Gradske apoteke“ Tuzla i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja (pod b) i klubovi vijećnika.

Da li ima potrebe za uvodno izlaganje? (Nema.) Nema. Zahvaljujem.

Otvaram raspravu klubova vijećnika. Molim vas Hirkiću.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika.

Molim vas znači, hoćemo li ponovo pod a) i b) odjednom? Hoćemo. (SLAĐANA KRAJINA – Ne može ovdje informacija se prima k znanju. Pročitajte.) Aha. OK.

S obzirom da nema više...Znači konstatujemo da je Gradsko vijeće Tuzla primilo k znanju INFORMACIJU KOMISIJE O PROVEDENOM POSTUPKU JAVNOG OGLAŠAVANJA ZA IZBOR I IMENOVANJE PREDsjedNIKA UPRAVNOG ODBORA JAVNE ZDRAVSTVENE USTANOVE “GRADSKE APOTEKE TUZLA” SA RANG LISTOM NAJUSPJEŠNIJH KANDIDATA.

E sada stavljam znači na izjašnjavanje RJEŠENJE O KONAČNOM IMENOVANJU PREDsjedNIKA UPRAVNOG ODBORA JAVNE ZDRAVSTVENE USTANOVE “GRADSKE APOTEKE TUZLA”. Molimo vas da pređemo na glasanje. Glasanje je okončano.

Konstatujem da je RJEŠENJE O KONAČNOM IMENOVANJU PREDsjedNIKA UPRAVNOG ODBORA JAVNE ZDRAVSTVENE USTANOVE “GRADSKE APOTEKE TUZLA” usvojena sa,

21 glasom za, nije bilo protiv niti je bilo suzdržanih.

Tačka osam:

RAZMATRANJE I USVAJANJE POD:

a) ODLUKE O PREDHODNOJ SAGLASNOSTI NA ODLUKU O IZMJENI I DOPUNI PRAVILA JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA POD

b) ODLUKE O DAVANJU MIŠLJENJA ZA OKVIRNI PRILAGOĐENI PROGRAM PREDŠKOLSKOG ODGOJA I OBRAZOVANJA (SMJERNICE ZA RAD) JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA

Predlagatelj: Upravni odbor Javne ustanove „Naše dijete“ Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za mlade, obrazovanje i sport i klubovi vijećnika.

Da li ima potrebe za uvodno izlaganje? (Nema.) Zahvaljujem.

Otvaram raspravu klubova vijećnika. Selma Čatibušić. Izvolite Selma.

SELMA ČATIBUŠIĆ

Pa ništa u principu samo želim da izrazim i ovako podršku što se tiče programa koji će evo danas, gdje će smjernice danas biti usvojene nadam se. Ovo je nešto o čemu sam i ja govorila u prethodnom periodu i na čemu je radila najviše Komisija za ljudska prava pri Gradskom vijeću, odnosno pri Gradu Tuzla s tim da bih dala jednu sugestiju da se eventualno pošalju ove smjernice isto tako i privatnim i ustanovama kao edukatorima čisto da vide i stručni ljudi dodatno da li ima još nešto što bi se eventualno moglo dodati, ali znam da kolega konkretno Damir, ne znam da li kolega Senad, sigurno imaju određenih je li sugestija tako da u svakom slučaju podrška a drago mi je što napokon postoji i ova na neki način anamneza koja će se uzimati je li i ovi dokumenti koji će se morati prilikom upisivanja djece i svega toga ispunjavati. Et. Hvala.

ĆERIM RASTODER – zamjenik predsjedavajućeg Gradskog vijeća Tuzla - samostalni vijećnik

Zahvaljujem se. Imal još diskusija klubova vijećnika? Damir Muratović. Izvolite kolega Damire.

DAMIR MURATOVIĆ

Hvala predsjedavajući. Može ispred kluba svejedno. Eto prije svega da pohvalim Javnu ustanovu „Naše dijete“ za izradu okvirnog prilagođenog programa. Nakon naše saglasnosti ide i stručno mišljenje pedagoškog zavoda. Ovdje što je moja nedoumica, nemora ići kao zaključak, nego evo razgovarao sam upravo i sa direktoricom ustanove. Znači, nakon rečenice da bi dijete moglo biti uključeno u rad i da bi se za njega izradio program mora se pribaviti pisana saglasnost roditelja. To je usklađeno sa zakonom i tu nije ništa sporno. Mislim podrazumijeva se da ukoliko roditelj ne da saglasnost program se ne izrađuje. E sad da li to sad samo treba formulirati ili ne to njima dajem na razmišljanje. Ovo govorim kao pedagog-psiholog znači, ako roditelj ne da saglasnost program se bukvalno ne izrađuje ili da to ustanova na drugi način obrazloži ako je moguće to uskladiti sa Zakonom o predškolskom odgoju i obrazovanju.

Takođe smatram da Gradsko vijeće treba dati i pozitivno mišljenje i sve pohvale za stručni tim Javne ustanove „Naše dijete“ kao i za direktoricu Sanju. To je tim koji stvarno nije velik. Svakodnevno sarađujemo s njima, ali su raspoređeni na sve vrtiće u gradu. Mislim da to vas većina vijećnika i zna i uspijevaju znači, pokriti sa tako malo stručnjaka sve vrtiće sa svim svojim rehabilitacijskim odgojnim, obrazovnim programom i ono što, što će biti amandmana našeg Kluba na Budžet za 2023. godinu definitivno je vrijeme da se stručni tim Javne ustanove „Naše dijete“ stvarno ojača, jer ovako kako je kapacitiran stvarno je limitiran znači, ne mogu obuhvatiti sve, sve jedinice kako ih one zovu i sve vrtiće znači. Tu su da ne nabrajam sad sve profile stručnjaka koji rade ali mislim da je svaki profil stručnjaka koji radi potrebno pojačati

sa stručnim kadrom, a imamo stručnog, stručnog kadra. Oni imaju dosta ljudi koji su radili. Više ne rade zbog Pravilnika o sistematizaciji. Imaju veliki broj pripravnika koji su odradili pripravnički staž u Javnoj ustanovi „Naše dijete“, tako da se daje i službama nadležnim na razmišljanje, a mislim da će se Javna ustanova „Naše dijete“ i direktorica složiti s tim da taj stručni tim je stvarno konačno vrijeme da se pojača i osnaži. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegi Muratoviću.

Imal još diskusija klubova vijećnika? (Nema.) Dobro. Hvala.

Zatvaram raspravu klubova vijećnika.

Otvaram raspravu vijećnika. Hvala.

Zatvaram raspravu vijećnika.

Stavljam na glasanje ODLUKU O PREDHODNOJ SAGLASNOSTI NA ODLUKU O IZMJENI I DOPUNI PRAVILA JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA POD a) i POD b) ODLUKU O DAVANJU MIŠLJENJA ZA OKVIRNI PRILAGOĐENI PROGRAM PREDŠKOLSKOG ODGOJA I OBRAZOVANJA (SMJERNICE ZA RAD) JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA. Molim vas da pristupite glasanju. Glasanje okončano.

Konstatujem da je ODLUKA O PREDHODNOJ SAGLASNOSTI NA ODLUKU O IZMJENI I DOPUNI PRAVILA JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” TUZLA i

ODLUKA O DAVANJU MIŠLJENJA ZA OKVIRNI PRILAGOĐENI PROGRAM PREDŠKOLSKOG ODGOJA I OBRAZOVANJA (SMJERNICE ZA RAD) JAVNE USTANOVE ZA PREDŠKOLSKI ODGOJ I OBRAZOVANJE “NAŠE DIJETE” dobilo saglasnost sa,

23 glasa za, nije bilo protiv niti je bilo suzdržanih. Idemo dalje.

Tačka devet:

**RAZMATRANJE I USVAJANJE ODLUKE O ZAKUPU STANOVA U
VLASNIŠTVU GRADA TUZLE I STANOVA NA KOJIMA GRAD TUZLA IMA
PRAVO RASPOLAGANJA**

Predlagач ove tačke je gradonačelnik Grada Tuzle.

Obrađivač: Služba za boračko-invalidsku zaštitu, stambene poslove i integraciju raseljenih lica a materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodnim izlaganjem? (Nema.) Hvala.

Otvaram raspravu klubova vijećnika. Selma prva se javila, a drugi se javio Čavalić. Izvolite Selma.

SELMA ĆATIBUŠIĆ

(vijećnik Selma Ćatibušić govori bez uključenog mikrofona op.a.)

(ĆERIM RASTODER - Mikrofon. Mikrofon.) sam bila poprilično dosadna i u skladu sa mojom vijećničkom inicijativom, odnosno vijećničkim pitanjem sa 17-te sjednice gdje mi

je odgovoreno da će napokon eto biti usvojeno, odnosno predložen jedan pravilnik koji se odnosi upravo na ovu tačku dnevnog reda vezano za stanove, tj. o zakupu stanova u vlasništvu Grada Tuzle i stanova na kojima Tuzla ima pravo raspolaganja.

Moram reći da...prvo me zanima da li je ovo prvi put da se, da se usvaja ovakav jedan pravilnik, jer nisam sigurna na koji način su se do sada dodjeljivali stanovi. Imam par zamjerki na sam pravilnik. Ne slažem se definitivno sa iskreno da kažem sa tačka pod g. gdje samo uposlenici i penzioneri Gradskog organa uprave Grada Tuzle, Upravna organizacija Grada Tuzla i Gradsko pravobranilaštvo imaju prednosti na neki način prilikom dobijanja u zakup, odnosno prilikom korištenja ovih stanova. Ne znam na osnovu čega i zbog čega konkretno je ova, ovaj uslov zato što neko ko ima posao i zaposlen u Gradskoj upravi jednostavno može sebi obezbijediti i stan i kuću gdje će stanovati. Iako nisam rođena u Jugoslaviji smatram da to jeste bio vjerovatno neki dobar sistem i da je fino kad ti država da i posao i stan i kuću i još ono onih 10 dana ljetovanja gdje hoćeš međutim, mi više nismo u socijalističkom režimu i iskreno da vam kažem ne znam zbog čega bi konkretno penzioner koji je et stekao pravo na penziju će dobiti 35 bodova zato što je radio u Gradskoj upravi, dok će mladi bračni par moći ako su oboje ispod 35 godina moći dobiti ukupno 30 bodova. Ne slažem se sa stavkom gdje ukoliko su oboje evo košto sam već navela ispod 35 godina dobit će 30 bodova ukoliko je jedno dobit će 20 bodova. Zašto oni ne bi imali prednost kao mladi bračni par i oboje dobili ukupan broj od 40 bodova?

Također pretpostavljam da se neće neke stvari moći retroaktivno rješavati. Ko sad trenutno boravi u tim stanovima na koji način, to je već nešto što ćemo se morat u budućnosti baviti. Drago mi je što smo počeli. Isto tako smatram da ovdje nedostaje i dio gdje kaže da ne samo da će se morat izmirivati neki, neke obavezne, neki obavezni finansijski izdaci prema gradu kada je u pitanju korištenje stanova, nego smatram da kada neko koristi je li stan koji pripada, koji je u vlasništvu Grada Tuzle pri tome ne plaća račune npr. centralnog grijanja ili nekih, neke druge obaveze a pogotovo od preduzeća čiji je osnivač Grad Tuzla smatram da radi veliku štetu gradu. Da trenutno postoje situacije koje se upravo dešavaju i na koji način će eto Grad to regulisati. Tako da smatram da bi Grad prema službenoj dužnosti morao da pazi ne samo naknadu koju on kao je li prima po osnovu, po osnovu zakupa samih stanova, nego da li osobe koje borave, koje su stekle pravo izmiruju i svoje je li režije naravno vodeći računa da se definitivno gleda da li je to jednako prema svim građanima.

Tako da smatram eto hoću da kažem podržat ćemo kao Klub vijećnika Platforme za progres ovaj pravilnik ali smatram da se ovo, da ove izmjene trebaju da se dese jer na neki način ipak se radi diskriminacija prema svim drugim stanovnicima u našem gradu. Eto toliko.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem kolegici Selmi. Kolega Čavaliću izvolite.

ADMIR ČAVALIĆ

Hvala puno zamjeniče predsjedavajućeg. Ja pozdravljam zaista donošenje ovo odluke i pitam se kao kolegica Selma kako se to ranije radilo da možda kolegica Selma i evo kolega Omer nisu snimili, snimili par klipova i alarmirali da postoje neki stanovi u Gradu Tuzla koji se onako samo rentaju, da li bi došlo uopšte do ovoga ali svejedno dakle, ovo je dobra stvar i treba da se uredi ova oblast.

Isto tako, evo i kolegica Selma je o tom raspravljala. Mislim da je sasvim nečasno i zbog toga trebamo to izbaciti i mislim da je skandalozno i da će nas prozivati građani ko god

da podrži to da stavimo ovdje dakle, u istu poziciju ratne vojne invalide, demobilisane borce, civilne žrtve rata, logoraše, članove porodica šehida i ljude koji generalno usljed požara, poplave i drugih problema ne mogu stanovat i da sve njih stavimo u istu poziciju kao uposlenike i penzionere Grada Tuzla koji rade u Gradu Tuzla. Mislim da je to skandalozno i neko nas može prozivati zbog toga i ne znam zaista otkuda ovo i kome je palo napamet da se ovo stavi. Mislim da ta praksa u modernom svijetu već zadnjih 20-30 godina ne postoji dakle, niti dakle, uposlenici UKC-a ne dobivaju stambeno pitanje riješeno od UKC-a, niti ne znam zaposlenici nekih zavoda za osiguranje, kantonalnih nekih tijela, federalnih, bilo kakvih drugih dakle, niko ne dobiva mogućnost zakupa stanova preferencijalno to zaista, ta praksa ne postoji nigdje u Bosni i Hercegovini i ne znam zašto je nama ovo ostalo. Nadam se da je to greška predlagača i volio bih da se to ispravi jer ne vidim zaista razloga uposlenici i penzioneri Gradskog organa uprave Grada Tuzla – Upravnih organizacija grada i pazite Gradskog pravobranilaštva čak. Mislim da ovo značajno utiče na neovisnost Gradskog pravobranilaštva. Dakle, mogu preferencijalno dobiti, ići na zakup tog stana a Komisiju koja odlučuje o tom imenuje gradonačelnik a tu Komisiju ako imenuje gradonačelnik vjerovatno će činiti dakle, ljudi koji rade u Gradskoj upravi što znači gradonačelnik imenuje Komisiju od državnih službenika u Gradskoj upravi koji odlučuju o tome da ti zaposleni u Gradskoj upravi dobiju stan na zakup. Mislim da je to vrlo-vrlo loš put i molim vas da da ovo izbacimo dakle, ne vidim zaista razloga i i volio bih zaista da dobijem objašnjenje koja je svrha. Ali pazite ne vidim razloga jer nabrojo sam ratni vojni invalidi, demobilisani borci, logoraši, članovi porodica šehida, ljudi koji su usljed požara izgubili stan ne mogu se staviti u istu ravan i navesti u članu 8. evo ovdje i mladi bračni parovi pardon, kao osobe koje rade u Gradu Tuzla dakle, u Gradskoj upravi grada Tuzla. Mislim da je to zaista skandalozno. Ne vidim razlog. Nadam se da ne-ma neko da to preko ovoga dakle, sebi namiješta stan da uzme u zakup itd. Na-dam se da je tako a vidjet ćemo kada bude jer će javno na Gradsko vijeće ovo uvijek od sad i zato čestitam na ovoj odluci i generalno mislim da zaista ni-je dobro da, da kreiramo uslove za ovakav način i sukoba i interesa, jer ovo je direktni sukob interesa jer Komisija dakle, koju imenuje gradonačelnik napominjem čine uposlenici Gradske uprave odlučuje o tome ko će dobit stan a mogu dobit to uposlenici Gradske uprave. Dakle, to je direktni sukob interesa. I zaista ne znam zašto i molim vas dakle, ako ima neki uposlenik Gradske uprave koji nema riješeno stambeno pitanje nek se nama ovdje javi, nek nam iznese taj problem. Mislim ne mogu da vjerujem da se i tu forsira dakle, jer naši građani grada Tuzle smatraju da ko god se zaposli u Gradskoj upravi relativno je dobro stojeći. I treba da bude tako i da mu je, da mu je da kažemo kašika pala u med i još treba sad stan da dobije neki po preferencijalnoj cijeni mislim zaista onaj. Ne vjerujem i u Jugoslaviji vjerujem, evo mladi sam kao i vi kolegice Selma da su dobijali stanove ovi koji bi trebali dakle, koji možda nisu imali posla ili nešto ali ne mogu da vjerujem ovako da se ljudi sad nagrađuju da eto i što rade dobili su. Mi znamo kako se, kako se ljudi primaju, kako se Komisije formiraju, kako se državni službenici formiraju mi znamo sve to i još treba sad da dobiju preferencijalni neki jeftiniji stan ne mogu je li da plate od svoje plate stan kako svi tuzlaci plaćaju. Mislim da je zaista ovo sramotno i pitanje je kako ovo podržati. Odluka je odlična, treba je podržati ali ovaj član 8. i pogotov kad sam vidio posle ta Komisija da se bira od tih ljudi mislim zaista nemojte i nemojte pazite radi dostojanstva tih uposlenika Gradske uprave da in dovodimo u istu ravan kao logoraši ne znam, demobilisani borci radi njihovog dostojanstva. Ja smatram da su oni časni ljudi, da su iznad tih socijalnih kategorija, da nisu socijalna kategorija i ja ne bi volio lično da mene neko, evo sada da sam zaposlenik Gradske uprave da me stavlja u ravan dakle, sa socijalnim kategorijama uz svo uvažavanje socijalnim kategorijama dakle, ovi ljudi jednostavno nisu, ako ima među njima socijalne kategorije nek nam se obrate ko Gradskom vijeću da vidimo da nađemo neki fond za uposlenike Gradske uprave da im pomognemo dakle, ako imaju problema dakle sa socijalnim pitanjima. Eto toliko.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujem se kolega Čavaliću na diskusiji i puno koristite termine vjerovatno, pretpostavljam, možda će ovako, možda onako znači nije to po meni OK ali evo u redu. Idemo kolega Jusiću. (ADMIR ČAVALIĆ - Replika samo.) Izvolite.

ADMIR ČAVALIĆ

Ja koristim dakle termine spram ovog evo člana, e sad da li je tako il nije to treba da utvrde da ne dobijem nejasan odgovor na to pitanje al dakle, imam pravo složiti ćete se tu zamjeniče predsjedavajuće da koristim bilo kakve termine dakle...(ĆERIM RASTODER – U redu imate pravo ali nema, nema, nema potrebe da pretpostavljamo šta bi bilo kad bi bilo i šta može biti.) Pa bit će...(ĆERIM RASTODER – Razumio sam vas u redu je.) Ma ja. (ĆERIM RASTODER - Korisna je diskusija ali da ne bi sad mi bacali grah ovdje šta će biti u budućnosti itd.) Ako bude vako bit će tako al nadam se da neće.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Hvala. U redu je. Selma izvolite.

SELMA ČATIBUŠIĆ

Replika je. I prema poslovniku uz dužno poštovanje trenutni je li predsjedavajući, predsjedavajući il zamjenici predsjedavajućeg nemaju pravo da tako kažem da komentarišu izlaganje vijećnika osim ako vijećnik ili vijećnica se ne služi vrijeđanjem ili nečim sličnom. Znači, on smije da priča sve ono što hoće ukoliko ne vrijeđa, tako da ovo je sugestija koja je bila nepotrebna i nije prema poslovniku.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro Selma. Hvala. Diskutuje se samo o tački dnevnog reda. Hvala. Idemo dalje. Jusić kolega.

**NEDŽAD JUSIĆ – nezavisni vijećnik iz
reda nacionalnih manjina**

E hvala. Ma ja ću pokušati što kraći da budem u svom izlaganju jel dosta je govorio kolega Admir možda da su negdje sjedili i pričali o nekim stvarima nismo sigurno al evo u nekim stvarima se i slažem. Ne u nekim nego u mnogim. Ova odluka se zove ovako u stvari glasi: ODLUKA O ZAKUPU STANOVA U VLASNIŠTVU U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA. Znači, vlasništvo, nekretnina koja je gradska tu nekretninu izdaju u zakup i pravo bi trebalo u skladu sa svim normama da učestvuju u javnom pozivu-konkursu svi građani grada Tuzle. S ovom odlukom smo ograničili tko može a tko ne može.

Ja bi volio da mi odgovori predstavnicu službe, odnosno kreator ove odluke da li lice građanin grada Tuzle koji ne pripada ni jednoj ovoj kategoriji niti radi u općini niti je civilna žrtva rata, niti demobilisan borac, niti ovo sve što je navedeno kada izađe javni poziv a nema riješeno stambeno pitanje ima prebivalište u gradu Tuzla da li može konkurisati i prijaviti se na ovom javnom pozivu? Prema ovoj odluci ne može. Ja tako mislim i to je direktna diskriminacija spram tih ljudi, direktna diskriminacija. Ako je javni poziv, javni poziv treba da bude otvoren za sve.

Primjera radi. Evo maloprije sam s nekima porazgovarao istaknuti sportisti i intelektualci grada Tuzle koji na neki su način doprinjeli razvoju Grada Tuzle a oni nisu se stambeno obezbjedili, oni ne mogu biti korisnici ovih stanova. Možda ja i griješim ali volio bi da mi neko objasni da ja stvarno griješim. I mislim ukoliko stvarno ima propusta u ovoj odluci a predlagač i može povući odluku na kraj krajeva jel dok se rasprava ne zatvori ukoliko stvarno smatra da ima dovoljno propusta i dosta propusta tko u stvari može jel neko će nas sutra tužiti jel smo mu zabranili da uopšte aplicira, da konkuriše na javni poziv za dodjelu stana a građanin grada Tuzle je, onda stvarno se postavlja pitanje tko će odgovarati i tko će snositi posljedice zato što su netkom zabranili samo da konkuriše. Ne kažem hoćel proć il neće proć to je sad nešto drugo. Sasvim je nešto drugo nego su direktno mu zabranili da konkuriše. I zbog toga volio bi da predlagač ove odluke dobro razmotri da li je stvarno ova odluka pravno ispravna i da nećemo snositi svi posljedice. Ukoliko smatra da je pravno neispravna bolje bi bilo da je povuče i da se doradi i na kraj krajeva na neko od narednih Vijeća da je usvojimo. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegi Jusiću. Profesore Selma se javila prije. Izvinjavam se molim vas.

Znači, ima li još diskusija klubova vijećnika?

Zatvaram raspravu klubova vijećnika.

Otvaram raspravu vijećnika. Selma se javila prva iza profesor Rifatbegović i Selma izvoli.

SELMA ĆATIBUŠIĆ

Pa ja moram da kažem da se apsolutno slažem sa kolegom Jusićem i upravo o tome sam i pričala na početku. Što je kolega Admir rekao ovo bi na neki način stvarno moglo biti nešto apsolutno nešto što će imati kontra efekat i smatram moj zaključak je konkretno da se ova stavka zamjeni stavkom što je kolega Jusić predložio da prednost imaju istaknuti sportisti i drugi građani odnosno građani il građanke grada Tuzle koji su na bilo koji drugi način dokazano doprinjeli razvoju našeg grada. Ja ne kažem da to nisu državni službenici ali isto tako smatram da da ne možemo na ovaj način raditi i također moj zaključak je da se ipak odloži usvajanje ovakve jedne odluke koja treba i te kako da se dopuni, da se izmjeni, da se nebismo suočili sa time da na kraju krajeva da bijes naših sugrađana navučeno na nas. Također i ja bih voljela da se i obrađivač ove odluke zapravo izjasni da li se ovdje zaista radi o diskriminaciji, jer i ja tvrdim da se ovdje ipak radi o diskriminaciji a mi ne bismo trebali takve odluke donositi. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Hvala Selma. Vijećnik Rifatbegović.

ZIJAH RIFATBEGOVIĆ – vijećnik Stranke demokratske akcije

Hvala zamjeniče predsjedavajuće. Neću se ponavljat samo ću reći da bojim se da u članu 8. ova odluka nije diskriminirajuća i da je u suprotnosti sa Evropskom konvencijom o ljudskim pravima.

Iz tog razloga ja bi isto predložio kao zaključak da se ova odluka povuče, da ne glasamo danas za ovu odluku i da se ona doradi od pravnog tima. Ne mislim da je to urađeno zlonamjerno ali očigledno u ovoj analizi koje su kolege izložile prije mene vidi se da je sa svim nekim elementima koji se mogu tumačit diskriminirajuće prema svim ostalim kategorijama i mislim da nije kao takva u skladu sa Evropskom konvencijom za ljudska prava, a obzirom da težimo kandidatskom statusu i da je Tuzla poznata kao grad otvoren bilo bi dobro da se ovo vrati na pravnu doradu i onda da ponovo na nekoj od narednih sjednica se izjasnimo o tome. Hvala ljepo.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se vijećniku Rifatbegoviću. Vijećnik Berbić.

OMER BERBIĆ

Hvala ljepo. Pa evo ja ne razumijem zaista što su moje kolege govorile kada su uposlenici Grada Tuzle postali ranjiva kategorija. Po kojem osnovu su uposlenici Grada Tuzle i pravobranilaštva ranjiva kategorija da ih se stavlja u ovu kategoriju ljudi? Članovi porodica šehida poginulih boraca, umrlih, umrlih, ratnih vojnih invalida, poginulih, umrlih i nestalih boraca, ratni vojni invalidi, demobilisani borci, civilne žrtve rata i logoraši, licima čiji su stambeni objekti il stambene jedinice u kojima imaju prebivalište ili boravište srušeni i uništeni il proglašeni neuslovnim za stanovanje, mladi bračni i vanbračni parovi do navršениh 35 godina života i uposlenici i penzioneri Gradske uprave. Po kojem osnovu, po kojem osnovu logike, ljudskog dostojanstva, morala, bilo čega drugog neko može staviti uposlenike i penzionere Gradskog organa, organa Gradske uprave među ove ljude? Nek mi neko to objasni ja ću glasat znači odma sad s obje ruke. A možda ću čak glasati radi ovog što se napravilo dobro bodovanje prema kojem se i udruge naših branioca, branitelja itd. oni su saglasni sa ovim tekstom. Možda ću čak radi njih glasati i za ovo, ali ne mogu ljudski da pregrmim evo pokušavam već dva-tri dana kad sam uspio ovo da pročitam ne mogu ljudski da pregrmim po čemu su oni lica koja su bilo čime oštećena. Ja ne razumijem ako radite u Gradskoj upravi da li znači da ste vi neka aristokracija, nešto ste vi veći od nas. Vi ste buržoazija mi smo proleter. Koja, koja je funkcija ovog? Zbog čega se nekom ko ima platu iznad hiljadu i po maraka il 2000 maraka treba dat opštinski stan koji će oni plaćati 30 maraka samo zato što radi za Gradsku upravu, a Gradska uprava raspodjeljuje javnom imovinom ne svojom imovinom, ne imovinom koju je ona platila? Da je privatna firma ne bi imo ništa protiv ali ovakav tekst odluke se mora usvojiti ako se bude usvajao bez gradske, uposlenika Gradske uprave. Znači, ovo je skandalozno može se slobodno reći skandalozno na na takav način. Ne mogu da vjerujem da ćemo ovo usvojiti u ovom tekstu.

I ako usvojimo mislim da je stvarno nekorektno. Ako ćemo nekog priorizirati kao radnika hajmo priorizirati ljude koji rade najteže poslove. Zašto ne bi mi priorizirali ovdje recimo radnika u komunalcu koji imaju platu, znamo i sami da imaju platu 500 maraka i uostalom zašto oni ne bi imali taj gradski stan umjesto nekog ko sjedi u kancelariji i prima platu hiljadu i po. Hajmo rudare priorizirati. Hajmo priorizirati ljude koji zaista rade najteže poslove a koji su neophodni da ova država i ovo društvo funkcioniše. Mislim ovo je, ovo je, ovo je jedna tačka koja je skandalozna i ne bi (NATAŠA PERIĆ – Molim vas malo tišine.) u ovom, u ovom, u ovom stanju je ne bi trebali ja mislim usvojiti. I ako bude išla na doradu, ja zaista ne bi volio da ide na doradu pa da bude opet za pet-šest Vijeća. Ima ljudi kojima je neophodno riješiti stambeno pitanje, ima praznih gradskih stanova. Ovo je odluka prema kojom će se rješavati pitanja demobilisanih boraca, ratnih vojnih invalida itd. Svaki dan dobivam pozive ljudi koji stanuju na sedamnestom spratu, treba da idu na amputaciju noge, supruga im u kolicima itd. Hajmo ovo riješiti ali evo samo da se član 8. tačka g. izbacila iz ovog jer ovo je skandal ukoliko se ovo u ovom tekstu usvoji mislim da nije korektno. Zaista nije korektno. I mislim da bi, da bi evo i Služba i vi kao većina u Gradskom vijeću. Uzmite pet minuta, deset minuta stavku. Porazgovarajte o ovom. Iskreno porazgovarajte. Pogledajte se u facu i recite vama jel vama ovo korektno, jel vama korektno da neko samo zato što radi u Gradskoj upravi treba da bude privilegovan u osnovu na mene i na 90% nas koji ovdje ne rade i na osnovu bilo koga koga sad pogledate dole koji hoda ulicom. Hvala ljepo.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujem se. Merima Softić.

MERIMA SOFTIĆ SPREČIĆ

Evo kratko ću. Moram priznat da nisam dobro baš isčitala ovaj materijal ali evo sad kroz rasprave a evo i sad dok sam pokušavala čitati određene članove malo sam komentarisala s kolegama oko sebe pa ne želim baš da zadržim za sebe.

Ne bih ja ovdje stvarno izbacivala ni jednu kategoriju mislim postoje zašto samo...ono na na čemu, o čemu sam ja razmišljala je zašto samo ranjivim kategorijama, socijalno ugroženim slučajevima zašto ne evo upravo kao što je kolega spomenuo istaknutim umjetnicima. Znamo mnogi da određeni umjetnici nisu za svog života imali neku sreću pa su možda završavali pod kirijom bez riješenog stambenog pitanja. Zašto i njima ne izaći u susret ako su istaknute sportske ličnosti, istaknuti umjetnici na bilo koji način doprinjeli gradu. Nosioći Zlatne plakete. Mi imamo jako puno nosioca od godina unazad. Možda ne znamo na koji način gdje ti ljudi i da li su obezbjedili svoje stambeno pitanje. Ja ne bih skidala nikog neg razmišljam na način da to ne budu samo ranjive kategorije al ne bih skidala ni zaposlenike Grada Tuzla. Zašto? Pa mislim mi generalno svako preduzeće štiti svoje zaposlenike i treba da stane iza njih kao što to rade mnoge javne ustanove i generalno preduzeća, Klinički centar, BH Telecom. Ja razumijem da iz tih razloga ti ljudi trebaju da imaju na neki način prioritet, jer su godinama odvajali svoj trud i rad i radili na tom preduzeću, unapređivali ga, zaradili svoju penziju pošteno tako da ne bi, ne idem u tom smjeru, nego da i još određene kategorije ljudi imaju pravo pristupiti ovakvo jednoj evo javnom pozivu. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se. Diskusije su jako iscrpne i prije nego što pređemo na glasanje. (Replika.) Dobro znam. Dobit ćete repliku. Malo ćemo se mi još usaglasit da vidimo šta se može uradit po ovom pitanju. Izvoli Selma. Replika.

SELMA ĆATIBUŠIĆ

Pa replika kolegici Merimi. Iskreno slažem se u skoro cijelom govoru osim u ovom dijelu zašto ne bismo trebali je li izbaciti zaposlenike Gradske uprave. Da tačno je da firme i preduzeća kao što je kolegica navela daju svojim radnicima prioritet ali isto tako ovdje nije u pitanju firma ovo je javna imovina. Znači, mi raspoložemo javnom imovinom. Grad Tuzla okej jeste da na neki način hajde da da tako kažem ne bi trebalo zapravo predstavljati, nije preduzeće, da zaposleni su u Gradskoj upravi ali isto tako ne možemo porediti jedno preduzeće neko, pogotovo ne privatna preduzeća i javnu imovinu tako da mislim da ova kategorija definitivno nema prostora da bude ovdje.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro Selma. Hvala. (OMER BERBIĆ – Imam ja repliku.) Replika i Vujadinović diskusija.

OMER BERBIĆ

Hvala ljepo. Vi znate koliki je jaz između slojeva društva u Bosni i Hercegovini i u Tuzli recimo i to je jaz koji se najviše može primjetiti između privatnih firmi, privatnih preduzeća, radnika tamo koji rade za 500-600 maraka i radnika u administraciji. Nemojte da se lažemo ovdje. Kada pogledamo plate vidi se da je to plata u razlici možda čak do hiljadu maraka za isti poso i za lakši poso koji se radi u administraciji i zbog čega mi sad nagrađujemo radnike koji rade u gradu Tuzla. Ja razumijem pošteno zaradili plate i penzije kao svako od nas što mora mogu sebi oni kupiti stan ne moramo im mi davat javnu imovinu, javni stan. To je javni stan koji se može dati upravo za ova, za ovo što smo pobrojali pa čak i to što ste vi rekli. Date istaknute sportiste, istaknute umjetnike, dobitnike Zlatne plakete, počasne građanine Tuzle, dajte da osim ovih struktura društva koje smo pobrojali prije, dajte da slavimo uspjeh, da slavimo uspješnost ja se s tim slažem. U tom smislu treba dorada ali grad i ljude koji rade u organima Grada Tuzle zaista...moralno etički da mi sad ovdje glasamo zato mislim da nije korektno i da nije okej. Da neko sa platom koja je duplo veća od prosječne u realnom sektoru dobija stan za 25 maraka a da onaj u realnom sektoru ga mora plaćat 400 ili 500 to nije okej ni po kojem osnovu jer to nisu stanovi koji su Grad Tuzla kao vlasnik kao, kao tako Grad Tuzla je javno, javna da kažemo, javni organ i kao takav on upravlja imovinom svih nas a ne imovinom ljudi koji rade u njemu. I u pravu je Selma kada kaže nije privatna firma to je javni organ i prema imovini javnog organa se trebamo ponašati kao prema imovini svih građana Tuzle a ne kao prema imovini samo par ljudi koji su zaposleni unutar te, unutar te strukture gradske, Gradske uprave. Hvala ljepo.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujem se Berbiću. Idemo znači još diskusija profesor-vijećnik Vujadinović i onda ćemo napraviti pauzu 5 minuta.

ALEKSANDAR VUJADINOVIĆ – vijećnik Socijaldemokrata BiH

Pa ja bih htio reći samo s obzirom da se radi o društvenoj imovini i ustupanju znači na osnovu kriterija koji će biti bodovani ne bi bilo loše da pravni tim dopuni odluku i sa uslovom znači, da podnosioci nisu u trenutku podnošenja zahtjeva krivično gonjeni ili se protiv njih ne vodi neki upravni postupak. Zašto? Svojevremeno smo imali jednu odluku koja se trebala u Kliničkom centru usvojiti, objavljen je konkurs, prijavili se ljudi i trebao je da možda bude primljena osoba koja je možda i ispunjavala je neke kriterije po pitanju stručnosti i kvalifikacije ali u tom trenutku protiv njega se vodilo znači krivični postupak što je naišlo je li na osudu javnosti. Prema tome i taj bi segment stavio u samim uslovima znači koji su potrebni za prijavu na konkurs. Ostale stvari sa kolegama koji su ranije diskutovali se slažem i ne bih htio da se ponavljam.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se. (DAMIR MURATOVIĆ – Možel samo replika?) Može Muratoviću. Ja znam da ćete vi kratko i koncizno.

DAMIR MURATOVIĆ

Kratko ćemo mi samo. Ja bih ovo vezano, vezano za Merimino. Nije replika samo sugestija. Odličan je njen prijedlog samo što se tiče kriterija za istaknute sportiste, kulturne radnike i sve da li da se prolongira donošenje ove odluke ili već kako znači za konkretno kriterije. Znači, za mene svi sportisti koji su bili sportisti grada Tuzle trebaju da imaju prednost. Tako isto treba odrediti i prioritet za kulturne radnike ili već sve one koji su doprinjeli ovom gradu ili već što ste spomenuli neko Zlatnu plaketu znači da se mora...ne možemo tek tako zaključkom, dopunom ili nešto nego trebalo bi to sa pravne strane obraditi.

Ovo što se tiče ostalih svih kategorija koji su navedeni ja ću reći iskustvo. Evo do avgusta mjeseca ove godine znači, Vlada Tuzlanskog kantona je u Pravilnik za prijem nastavnika i ostalog osoblja u osnovne i srednje škole stavila da djeca šehida imaju 15 bodova. Nije bilo puno djece šehida i to je, su boračke organizacije podržale ali bivša ministrica u vladi Una Harčin je dala na Ustavni sud i jako je sporno da li će to proći il neće na Ustavnom sudu jer smatra se i diskriminacijom da djeca šehida imaju pravo u odnosu na druge kategorije. Za mene to nije diskriminacija ali šta će reći Ustavni sud to je pitanje. Tako da svaka od ovih navedenih kategorija za bilo kakvu privilegiju koju ima, pogotovo za dodjelu stanova po određenim privilegijama može biti sporna. Mi ne bi u to ulazili nek se pravnici bave time, ali mislim da ovo nešto, nešto se mora doraditi u ovome a vi kako hoćete. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegi Muratoviću. Prije nego što pređemo na glasanje po ovoj tački dnevnog reda znači napraviti ćemo pauzu jednu 5 do 10 minuta. (Pauza.)

Nastavljamo sa radom.

NATAŠA PERIĆ

Pozivam sekretara da dođe.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Nastavljamo dalje sa radom.

Mi smo, zaključili smo diskusije po ovoj tački dnevnog reda.

Pozivam kolegicu Tupković Admiru da nam se ispred predlagača obrati, da da neka pojašnjenja, prijedloge itd. pa ćemo vidjeti posle njene diskusije u kom smjeru idemo.

**ADMIRA ATIĆ TUPKOVIĆ - pomoćnik gradonačelnika
za Službu za boračko – invalidsku zaštitu,
stambene poslove i integraciju raseljenih lica**

Pozdravljam sve prisutne. Hvala vam na prilici što ste mi, što imam priliku da dam obrazloženje za odluku koju smo donjeli. Prije svega želim da kažem da je ovu odluku sačinila Služba za boračko – invalidsku zaštitu zapravo jedan pravni tim Grada Tuzle uz saradnju i uz konsultacije sa boračkim organizacijama Udruženjima Grada Tuzle.

Na prvo pitanje vijećnice Selme Ćatibušić da li je postojala neka odluka prije ove postojala je Odluka o postupku, uvjetima i kriterijima za zaključivanje ugovora o zakupu stanova ali je trebalo izmijeniti svakako zbog toga što se stambeni fond Grada Tuzle povećao i sami ste svjesni koliko smo stanova dobili kroz neprofitno socijalno stanovanje u kojima žive ljudi čiji će zakup vjerovatno u određenim okolnostima i prestati. Ovom odlukom koja je znači, donešena 2002., izmjena je bila 2006. godine postojale su takođe kategorije ljudi koji su se bodovali za...prilikom, koji su imali znači mogućnost da apliciraju za ove stanove. Tu su bili takođe uposlenici i penzioneri Gradskog organa uprave Grada Tuzle i Upravnih organizacija Grada Tuzle Gradskog pravobranilaštva ali nisu bili pod g.) kao što su sad bili su negdje pri vrhu. Uz saradnju i uz konsultacije sa svojim boračkim organizacijama i udruženjima, a također i uz zaključke Gradskog vijeća koji je imao intenciju da se ovi stanovi koji se izdaju pod zakup znači, daje mladim ljudima za koje smatram da su ugroženi u ovom smislu, a takođe i boračka organizacija udruženja upravo smo napravili ovakvu kategorizaciju pa ide: Članovi porodica šehida, ratni vojni invalidi, demobilisani borci, civilne žrtve rata, logoraši, lica čiji su stambeni objekti i stambene jedinice uništeni i proglašeni neuslovnim, mladi bračni i vanbračni parovi do navršanih 35 godina života, pa zatim mi ukoliko je to al hajd skandalozno mislim da nije. Uposlenici i penzioneri Gradskog organa Grada Tuzle imamo također pravo da apliciramo. Zašto da ne. Međutim, ako ste, ukoliko ste dalje čitali ovu odluku vidjeli ste da uposlenici mogu

dobiti maksimalno 20 bodova. Za svaku godinu radnog staža jedan bod, a najviše 20 bodova. Preostale kategorije ove od a) do f) imaju mnogo više bodova, pa mladi bračni parovi dobivaju zajedno određeni broj bodova ukoliko su im roditelji bili u kategoriji boračke populacije dobivaju dodatne bodove. Mi nikad ne možemo isplivati ali svakako da imamo pravo i smatram da nije u ovom dijelu odluka skandalozna kako ste vi rekli.

Također želim da kažem da u ovim stanovima trenutno ima zatečenih stanara. Ukoliko ste isčitali kompletnu ovu odluku znači, mogli ste primjetiti da postoje stanovi privatiziranih firmi koji su Gradu Tuzla stavljeni na raspolaganje u skladu sa odredbama Zakona o vraćanju, dodjeli i prodaji stanova u njima se nalaze uglavnom boračke populacije. Znači, to su ljudi koji žive sa privremenim rješenjima niz godina. Znači, tražili su i traže da žive pod određenim zakonskim okvirima, tražili su uglavnom i smatramo da ono što jedino možemo da im pružimo je maksimalno to je taj zakup. Ako ste pročitali vidjeli ste da visina zakupnine nije određena. Slobodno ugovorena zakupnina utvrđuje je Vijeće. Smatramo i pretpostavljamo da će biti na nivou neprofitnog socijalnog stanovanja a ovi ljudi koji će živjeti u ovim stanovima plaćat će ma-le zakupnine kao što je to neprofitno sad socijalno stanovanje nula-trideset po kvadratu maksimalno nula osamdeset pa neka ovim ljudima od a) do f) nek ispune te okolnosti, sve ove kriterije koji su traženi živjet će u ovim stanovima i nadalje. Znači, uposlenici i penzioneri Gradskog organa uprave ne mogu dobiti ovaj stan ukoliko ne ispune uslove iz člana 7. Znači, to su lica koja imaju riješeno stambeno pitanje, ukoliko smo kupili stan, ukoliko smo prodali kuću ili stan ili bilo šta drugo uradili mi uposlenici ili ne znam ni ja ko nemamo pravo na dodjelu ovog stana. Znači ono što su...Prilikom donošenja znači ove odluke boračka organizacija i udruženja su se složili apsolutno sa načinom bodovanja njihovih, njihovih, članova njihove populacije. Znači u većini, većini slučajeva to su oni, to su oni ali smo morali dati mogućnost znači drugim kategorijama.

Slažem se sa određenim sugestijama i primjedbama vijećnika da možda smo vjerovatno i trebali dat jednu generalnu odredbu da se radi o građanima grada Tuzle znači, koji unazad tri godine imaju prebivalište na području grada Tuzle ali da imaju mogućnosti dakle, svi građani grada Tuzle koji se ne-nalaze u ovim kategorijama pa također i sa primjedbom vijećnika Vujadinovića vezano za to da su to lica protiv koje se ne vodi krivični postupak.

U tom dijelu bi se trebala ova odluka doradit tako da ja kao obrađivač predlažem da se ona povuče kako bismo mi primjedbe i sugestije koje dobijemo razmotrili i u sljedećoj odluci u formi prijedloga za narednu sjednicu Gradskog vijeća predložili.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegici Admiri Tupković.

Konstatujem da je predlagач povukao sa dnevnog reda današnje odluke Gradskog vijeća USVAJANJE ODLUKE O ZAKUPU STANOVA U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA i nadam se da će na nekoj budućoj sjednici Gradskog vijeća ove primjedbe biti uvažene i da ćemo ovu Odluku koja je u 90% slučajeva dobra još malo doraditi i usvojiti.

Prelazimo na tačku deset:

RAZMATRANJE I USVAJANJE IMOVINSKO PRAVNIH ODLUKA I RJEŠENJA POD:

a) ODLUKE O POTREBI NEPOSREDNE ZAMJENE NEKRETNINA U VLASNIŠTVU GRADA TUZLE POD

b) ODLUKE O POTREBI PRIBAVLJANJA NEKRETNINE U VLASNIŠTVO GRADA TUZLA POD

c) RJEŠENJA O IMENOVANJU KOMISIJE ZA PROVOĐENJE POSTUPKA PREGOVARANJA PRIBAVLJANJA NEKRETNINA U VLASNIŠTVO GRADA TUZLE

Predlagač ove tačke dnevnog reda je gradonačelnik Tuzle.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanja i klubovi vijećnika.

Da li ima potrebe za uvodno izlaganje predlagača? (Nema.) Dobro. Zahvaljujem.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.) Zahvaljujem se.

Zatvaram raspravu vijećnika.

Idemo znači na glasanje (NATAŠA PERIĆ – U paketu.) U paketu tako je.

ODLUKE O POTREBI NEPOSREDNE ZAMJENE NEKRETNINA U VLASNIŠTVU GRADA TUZLE POD a) POD

b) ODLUKE O POTREBI PRIBAVLJANJA NEKRETNINE U VLASNIŠTVO GRADA TUZLE I POD

c) RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA PRIBAVLJANJA NEKRETNINA U VLASNIŠTVO GRADA TUZLE. Molim vas da se izjasnite o navedeni odlukama. Dobro. Zahvaljujem. Završeno glasanje.

Konstatujem da su navedene odluke pod a, b i c usvojene sa,

20 glasova za, nije bilo protiv i 1 glas suzdržan. Idemo dalje.

Tačka jedanaest:

RAZMATRANJE I DONOŠENJE POD:

a) RJEŠENJA O RAZRJEŠENJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA, POD

b) RJEŠENJA O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA

Predlagač je gradonačelnik Tuzle.

Obrađivač: Stručna služba za poslove gradonačelnika i Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanja i klubovi vijećnika.

Ima li potrebe za uvodno izlaganje? (Nema.) Dobro. Zahvaljujem.

Otvaram raspravu klubova vijećnika. Zahvaljujem se.

Zatvaram raspravu klubova vijećnika.

Otvaram raspravu vijećnika. (Nema.) Zahvaljujem se.

Zatvaram raspravu vijećnika.

Stavljam tačku pod a i b pod

a) RJEŠENJE O RAZRJEŠENJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA, POD

b) RJEŠENJE O IMENOVANJU PREDSJEDNIKA KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA na izjašnjavanje, glasanje. Molim vas da se izjasnite. Završeno. Završeno glasanje. Zahvaljujem se.

Konstatujem da su navedena rješenja pod a i b usvojena sa, 25 glasova za, nije bilo protiv niti suzdržanih.

Prelazimo na tačku dvanaest:

DAVANJE PODRŠKE MREŽI ORGANIZACIJA CIVILNOG DRUŠTVA (OCD) – PARTNERSTVO ZA INKLUZIVNO OBRAZOVANJE U BORBI ZA BOLJI STATUS PORODICA DJECE SA INVALIDITETOM

Predlagач: vijećnik Senad Mehmedinović.

Da li ima potrebe kolega Mehmedinoviću da nam date uvodno mišljenje? Do 15 minuta imate pravo.

SENAD MEHMEDINOVIĆ – vijećnik Pokreta demokratske akcije

Hvala najljepša. Poštovani, poštovana predsjedavajuća, zamjenice predsjedavajuće i zamjenici predsjedavajuće, kolege vijećnici sve vas srdačno pozdravljam. Prije svega želim vam se zahvaliti što ste glasali da se ovaj današnji prijedlog uvrsti u da bude jedna od tačaka dnevnog reda i dakle neću ništa opširno. Riječ je o sljedećem:

Ja ne znam jel, hoće ovu našu zemlju unazaditi loše politike ili će našu zemlju unazaditi neznanje onih koji sjede u određenim zastupničkim klupama. Izašao je novi Zakon o materijalnoj podršci porodicama s djecom u Federaciji Bosne i Hercegovine i mi imamo jednu novinu koja je veoma čudna koja govori o uvođenju imovinskog cenzusa za porodice djece sa invaliditetom.

Šta to znači? To znači: Ukoliko član porodice djeteta sa invaliditetom mjesečno ima 200, više od 217 konvertibilnih maraka primanja znači, ima 218 konvertibilnih maraka primanja gubi pravo na dječiji dodatak.

Dakle, u vremenu u kojem živimo u današnjoj teškoj situaciji i onda su se organizovala organizacije civilnog društva i citiram, kažu: Izmjene ih dovode na gubitak nikako na dobitak. Dakle, imaju jedno pravo, donese se zakon, ostvaruju drugo pravo ali izbiju ono prvo pravo. I zato su se organizovale organizacije civilnog društva 18 organizacija sa područja Tuzlanskog kantona koji okupljaju udruženja porodica djece sa invaliditetom i druga udruženja koja se bave ljudskim pravima i oni su uputili dopis Skupštini Tuzlanskog kantona kojim se traži da se dječiji dodatak uredi izmjenama Kantonalnog zakona o osnovama socijalne zaštite, zaštite civilnih žrtava rata i zaštite porodice s djecom Tuzlanskog kantona. Prijedlog mreže organizacija civilnog društva našto ću ja pozvati Gradsko vijeće da damo podršku ovom pravcu jeste da pravo na dječiji dodatak ostvaruje se za navedene kategorije bez obzira na imovinsko stanje.

Dakle, ukoliko neko od porodica, članova porodica ima 218-220 konvertibilnih maraka gubi pravo na dječiji dodatak koji je i onako mal i nije to korektno prema populaciji osoba sa invaliditetom mislim na porodice i zato bi predložio dva zaključka Gradskom vijeću. Jedan od zaključaka je:

Da se daje puna podrška organizacijama civilnog društva Partnerstvo za inkluzivno obrazovanje u borbi za ostvarivanje prava porodica osoba sa invaliditetom. I drugi zaključak on nema materijalnu vrijednost u smislu sad da trebaju određena budžetska sredstva ali ima nešto puno jače a to se zove moralna vrijednost i predlažem sljedeći zaključak jest:

Da se pristupi izmjeni zakona kantonalnog sa posebnim akcentom da se dječiji dodatak za porodice djece sa invaliditetom ostvaruje bez obzira na imovinsko stanje.

Dakle, kantonalni zakon se može usvojiti bez obzira na federalni koji je donešen. Ne mora se on uskladiti u potpunosti dakle, može kantonalni zakon da ovo definiše i reguliše i

mislim da bi bila dobra poruka prema populaciji osoba s invaliditetom zajedno sa njihovim porodicama i hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se predlagачu vijećniku Senadu Mehmedinoviću.

Otvaram raspravu klubova vijećnika. Kolega Bijedić.

ELVIR BIJEDIĆ

Ja ću biti vrlo kratak. (ĆERIĆ RASTODER – Ispred Kluba vijećnika SDP-a?) Jeste ispred Kluba vijećnika i vijećnica SDP-a. Dakle, želim da pozdravim ovu inicijativu i zaista ja ne mogu reći da mi je zadovoljstvo, ali dakle kad je došlo na Kolegij dakle niti i jednog trenutka nije bilo dileme. Puna podrška kolegi Mehmedinoviću dakle, u ime Kluba vijećnica i vijećnika SDP-a i u svoje lično ime dakle moramo biti mnogo socijalno osjetljiviji, senzibilizirani da tako kažem kad su u pitanju, kad je u pitanju inkluzija. Imali smo evo danas još tačaka dnevnog reda po tom pitanju dakle, i u svakom slučaju apsolutna podrška i kad su u pitanju ovakvi zaključci. Hvala vam.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se kolegi Bijediću. Kolega Mensur Alić ispred Kluba Tuzlanska alternativa. Izvolite.

MENSUR ALIĆ

Ma ja samo želim Senadu da se zahvalim što je kandidovo ovakvu tačku dnevnog reda na Gradskom vijeću danas i mislim da će ona biti usvojena sa ova dva zaključka bez ikakvih problema. Još jednom hvala Senade.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se Aliću. Imal dalje?

Zatvaram raspravu klubova vijećnika.

Otvaram raspravu vijećnika. Damir Muratović. Izvolite.

DAMIR MURATOVIĆ

Hvala. Ovo je veoma pohvalno evo mi koji radimo s djecom s poteškoćama znamo zadnji mjesec sa čime se djeca i roditelji susreću. Evo i Skupština Tuzlanskog kantona će na narednoj sjednici, vanrednoj izaći u susret i Ministarstvo za rad i socijalnu politiku će uvažiti ove primjedbe roditelja koje su bile i onaj svoj dio što se tiče dječijeg dodatka i ispraviti tu veliku nepravdu.

Što se tiče ostalih stvari to je federalna, federalna nadležnost i smatramo da i ovi viši nivoi moraju, puno više senzibilnosti imaju Senadu kao profesoru koji cijeli život radi sa tom populacijom učenika, djece i odraslih osoba sa invaliditetom i djece sa poteškoćama u razvoju. Hvala što stvarno prati evo kroz ove dvije godine rada Gradskog vijeća stvarno prati sve zakonske propise i sve te promjene koje se dešavaju a negativno na tu populaciju je posebno uticala i korona virus ova pandemija koju smo imali i sve ove i recesija i sve ove stvari koje imamo a naročito se odražavaju na tu populaciju.

Što se tiče dječijeg dodatka on je i onako i onako jako mizeran za svu populaciju a posebno djecu sa poteškoćama oni žive od tog dječijeg dodatka i od svih tih subvencija koje imaju tako da iako nije nadležnost Grada, iako nije nadležnost Gradskog vijeća mi moramo pokazati senzibilnost u ovim situacijama i još jednom svakako sve pohvale za ovaj prijedlog. Hvala.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se Damiru Muratoviću. Ima li još? Ako nema.

Zaključujem raspravu po ovoj tački dnevnog reda. Evo i ja se još jednom zahvaljujem Senadu Mehmedinoviću koji je inače stručnjak iz te oblasti na angažman koje kao Gradski vijećnik daje da se pitanja iz nadležnosti kojom se on bavi naučno znači na neki način i praktično kod nas rješava u gradu Tuzli.

Pozivam gradskog sekretara da pročita dva zaključka koja su proistekla iz diskusija i prijedloga predlagača Senada Mehmedinovića.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla pruža punu podršku Mreži organizacija civilnog društva (OCD)
- partnerstvo za inkluzivno obrazovanje u borbi za ostvarivanje prava i bolji status porodica djece sa invaliditetom.

- Gradsko vijeće Tuzla traži od Skupštine Tuzlanskog kantona da pristupi izmjeni Zakona, sa posebnim akcentom da se dječji dodatak za porodice djece sa invaliditetom ostvaruje bez obzira na imovinsko stanje.

E sad ne znam jel treba dodat ono ako je osvojio pravo (nerazgovjetno izgovorena riječ op.a.) za usvajanjem Zakona o materijalnoj podršci porodica sa djecom u Federaciji Bosni i Hercegovini (Službene novine Federacije broj 52. kojim su definisani uslovi i postupak ostvarivanja prava na dječiji dodatak?

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Dobro. Zahvaljujem se. Predlažem da za oba zaključka istovremeno glasamo. Glasanje okončano.

Konstatujem da su navedeni zaključci profesora Mehmedinovića usvojeni sa, 24 glasa za, nije bilo protiv i nije bilo suzdržanih.

(vijećnik Zijah Rifatbegović govori bez uključenog mikrofona op.a.) Ponovit ćemo glasanje. Hvala. Glasanje je okončano.

Konstatujemo da su zaključci koje je dao profesor Mehmedinović usvojeni sa, 25 glasova za, nije bilo protiv niti suzdržanih. Zahvaljujem se.

Idemo na tačku trinest Dnevnog reda:

UTVRĐIVANJE PREČIŠĆENOG TEKSTA ODLUKE O DAVANJU U ZAKUP POSLOVNIH ZGRADA, PROSTORIJA I GARAŽA

Podsjećam da je Prečišćeni tekst Odluke o davanju u zakup poslovnih zgrada, prostorija i garaža pripremila Komisija za statutarna pitanja i propise.

Otvaram raspravu Klubova vijećnika. (Nema.)

Zatvaram raspravu klubova vijećnika. (NATAŠA PERIĆ – Malo tišine molim vas.)

Otvaram raspravu vijećnika. (Nema.)

Zatvaram raspravu vijećnika.

Konstatujem da je Gradsko vijeće Tuzla **UTVRDILO PREČIŠĆENI TEKST ODLUKE O DAVANJU U ZAKUP POSLOVNIH ZGRADA, PROSTORIJA I GARAŽA.**

S obzirom da nema zaključaka završena je tačka trinest.

Idemo na tačku četrnest:

RAZMATRANJE IZVJEŠTAJA KOMISIJE ZA IZBOR I IMENOVANJA

Molim sekretara da pročita prijedloge. (NATAŠA PERIĆ – Molim vas malo tišine samo.) Prijedloge Komisija. (MENSUR ALIĆ – Poslovnička.) Poslovnička. Mensur.

MENSUR ALIĆ

Ja bi ovu tačku predložio za sledeće Vijeće. Da odloži se ova tačka za sljedeće Vijeće ako može? (NATAŠA PERIĆ – Zašto?) Pardon pogriješio sam.

ĆERIM RASTODER – zamjenik predsjedavajućeg Gradskog vijeća Tuzla - samostalni vijećnik

Dobro. Zahvaljujem se Mensuru na, na maloj šali jer znam koliko je njegov kolega ovih dana radio na ovome. (MENSUR ALIĆ – Pa zato sam namjerno. To je namjerno i radi Ivice. Radi Ivice.) Malo tiše molim vas.

Znači, mi danas posle evo gotovo dvije godine izvršit ćemo evo akobogda postavljenja, postavljenja članova Komisija ispred Kluba HDZ-a i PDA.

Molim molim malo ozbiljnosti i molim sekretara da pročita.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala i prihvata. U stvari nećemo ovo. Ovo je već završeno.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Admira Čavalića, vijećnika Stranke za Bosnu i Hercegovinu, da se:

- Slobodanka Iljukić Pranjčić razrješi dužnosti člana Komisije za mlade, obrazovanje i sport,

- a da se na dužnosti člana Komisije za mlade, obrazovanje i sport, izabere Munevera Hrbat Rahmanović.

- Edis Hodžić razrješi dužnosti člana Komisije za odlikovanja i priznanja,

- a da se na dužnost člana Komisije za odlikovanja i priznanja izabere Mirsad Muhamedbegović.

- Admir Čavalić razrješi dužnosti člana Mandatno-imunitetske komisije,

- a da se na dužnost člana Mandatno-imunitetske komisije izabere Amela Elezović.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Eh molim vas da se izjasnimo o pročitanoj prijedlogu. Glasanje je okončano.

Konstatujem da su pročitani prijedlozi usvojeni sa,

20 glasova za, nije bilo protiv i 2 suzdržana.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Admira Čavalića vijećnika Stranke za Bosnu i Hercegovinu za izmjenu članova savjeta mjesnih zajednica, te je usvojila zaključak.

Komisija za izbor i imenovanja je razmotrila te Gradskom vijeću Tuzla na izjašnjavaње upućuje prijedlog Admira Čavalića, vijećnika Stranke za Bosnu i Hercegovinu da se:

- Nedim Pirić izabere na dužnost člana Savjeta Mjesne zajednice Gornja Obodnica,

- Tarik Gazibegović razrješi dužnosti člana Savjeta Mjesne zajednice Srednja Lipnica.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Molim vas da pristupimo glasanju. Hvala. Glasanje je okončano.

Konstatujem da je pročitani prijedlog dobio,

20 glasova za, nije bilo protiv i nije bilo suzdržanih. (NATAŠA PERIĆ – 22)

Pardon. 22 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izmjenu članova u komisijama Gradskog vijeća, te je usvojila sljedeći zaključak.

Komisija za izbor i imenovanja je razmotrila te Gradskom vijeću Tuzla na izjašnjavaње upućuje prijedlog Kluba samostalnih vijećnika da se:

- Sabiha Mujkanović Mujačić razrješi dužnosti člana Komisije za jednakopravnost polova,

- a da se na dužnost člana Komisije za jednakopravnost polova izabere Merima Džafić,

- Merima Džafić razrješi dužnosti predsjednika Komisije za informisanje,

- a da se na dužnost predsjednika Komisije za informisanje izabere Nedžad Hamzić,

- Ajdin Softić razrješi dužnosti člana Mandatno-imunitetske komisije,

- a da se na dužnost člana Mandatno-imunitetske komisije izabere Adnan Bajramović,

- Adnan Bajramović razrješi dužnosti člana Komisije za saradnju sa jedinicama lokalne uprave i samouprave

- a da se na dužnost člana Komisije za saradnju sa jedinicama lokalne uprave i samouprave izabere Ajdin Softić.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Molim vas da pristupimo glasanju po navedenim prijedlozima. Glasanje je okončano. Konstatujem da su navedeni prijedlozi usvojeni sa, 22 glasa za nije bilo protiv niti suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Socijaldemokratske partije Bosne i Hercegovine za razrješenje člana Savjeta Mjesne zajednice Bukinje i člana Savjeta Mjesne zajednice Gornja Lipnica i imenovanje predsjednika Savjeta Mjesna zajednica Gornja Lipnica, te je usvojila sljedeći zaključak.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba vijećnika Socijaldemokratske partije Bosne i Hercegovine da se:

- Svjetlana Čolić razrješi dužnosti člana Savjeta Mjesne zajednice Bukinje,
- Božo Marković razrješi dužnosti člana Savjeta Mjesne zajednice Gornja Lipnica,
- Božo Marković izabere na dužnost predsjednika Savjeta Mjesne zajednice Gornja Lipnica.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Molim vas da pristupimo glasanju po navedenim prijedlozima. Glasanje je okončano. Konstatujem da je, da su navedeni prijedlozi podržani sa 24 glasa, da nije bilo protiv niti suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Tuzlanske alternative za razrješenje predsjednika Savjeta Mjesne zajednice Gornja Lipnica, te je usvojila zaključak.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje (ĆERIM RASTODER – Molim vas Omere.) prijedlog Kluba vijećnika Tuzlanske alternative da se:

- Mirza Malkočević razrješi dužnosti predsjednika Savjeta Mjesne zajednice Gornja Lipnica.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se. Molim vas da pristupimo glasanju. Glasanje je okončano.

Konstatujem da su navedeni prijedlozi prošli sa 24 glasa, nije bilo niti protiv niti suzdržanih. Hvala.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izmjene članova savjeta mjesnih zajednica, te je usvojila sljedeći zaključak.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Selma Gusinac razrješi dužnosti člana Savjeta Mjesne zajednice Ljubače,
- Kemo Dželepović razrješi dužnosti člana Savjeta Mjesne zajednice Brčanska Malta
- a da se na dužnosti člana Savjeta Mjesne zajednice Brčanska Malta izabere Jusuf Rizvanović.

ĆERIM RASTODER – zamjenik predsjedavajućeg Gradskog vijeća Tuzla - samostalni vijećnik

Molim vas da pristupimo glasanju. Glasanje je okončano.

Konstatujem da su navedeni prijedlozi prošli sa 24 glasa, nije bilo niti suzdržanih niti protiv.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Nikice Vidovića, vijećnika Hrvatske demokratske zajednice Bosne i Hercegovine, za imenovanje članova savjeta mjesnih zajednica, te je usvojila sljedeći zaključak.

Komisija za izbor i imenovanja je razmotrila te Gradskom vijeću Tuzla na izjašnjavanje upućuje prijedlog Nikice Vidovića, vijećnika Hrvatske demokratske zajednice Bosne i Hercegovine da se:

- Stijepo Stojak izabere na dužnost člana Savjeta Mjesne zajednice Breške,
- Goran Stojak izabere na dužnost predsjednika Savjeta Mjesne zajednice Bukinje,
- Pejo Šimić izabere na dužnost člana Savjeta Mjesne zajednice Bukinje,
- Zoran Banović izabere na dužnost člana Savjeta Mjesne zajednice Bukinje,
- Dragana Banović izabere na dužnost člana Savjeta Mjesne zajednice Dokanj,
- Marko Ivanić izabere na dužnost člana Savjeta Mjesne zajednice Dragunja,
- Smilja Andrić izabere na dužnost člana Savjeta Mjesne zajednice Grabovica,
- Slavko Tadić izabere na dužnost člana Savjeta Mjesne zajednice Husino,
- Martina Miljanović izabere na dužnost člana Savjeta Mjesne zajednice Husino,
- Darko Marinović izabere na dužnost člana Savjeta Mjesne zajednice Lipnica,
- Marko Divković izabere na dužnost člana Savjeta Mjesne zajednice Gornja Lipnica,
- Anto Jurić izabere na dužnost predsjednika Savjeta Mjesne zajednice Srednja Lipnica,
- Dejana Jurić izabere na dužnost člana Savjeta Mjesne zajednice Srednja Lipnica,
- Tomo Đurić izabere na dužnost člana Savjeta Mjesne zajednice Srednja Lipnica,
- Stjepan Ivaković izabere na dužnost člana Savjeta Mjesne zajednice Ljepunice,
- Dražan Vilušić izabere na dužnost predsjednika Savjeta Mjesne zajednice Ljubače,
- Božo Stjepić izabere na dužnost člana Savjeta Mjesne zajednice Ljubače,
- Niko Pejić izabere na dužnost predsjednika Savjeta Mjesne zajednic Gornja Obodnica,
- Ivo Mrkonjić izabere na dužnost člana Savjeta Mjesne zajednice Gornja Obodnica,
- Niko Andrić izabere na dužnost člana Savjeta Mjesne zajednice Gornja Obodnica,
- Marko Tomić izabere na dužnost predsjednika Savjeta Mjesne zajednice Par Selo,
- Vinko Krešić izabere na dužnost člana Savjeta Mjesne zajednice Par Selo,

- Danica Putić bira na dužnost člana (ĆERIM RASTODER – Molim vas tiše.) Molim?
- Danica Putić izabere na dužnost člana Savjeta Mjesne zajednice Par Selo,
- Radan Divković izabere na dužnost člana Savjeta Mjesne zajednice Par Selo.

**ĆERIM RASTODER – zamjenik predsjedavajućeg
Gradskog vijeća Tuzla
- samostalni vijećnik**

Zahvaljujem se sekretaru i molim vas da...Hasibe? Da pristupimo glasanju. Glasanje je okončano.

Konstatujem da su navedeni prijedlozi prošli sa 24 glasa za, nije bilo niti protiv niti suzdržanih.

Dalje, nastavak dalje sjednice predsjedavajuća.

Tačka petnest i šesnest.

Izvolite i hvala vam.

NATAŠA PERIĆ

Nema vama kraja bez mene. (vijećnik Mensur Alić govori bez uključenog mikrofona op.a.) Hvala Mensure.

Prelazimo na VIJEĆNIČKA PITANJA I INICIJATIVE

Zamoliti ću za malo još pažnje i ukoliko ste saglasni da ako možete...(ANEL IBELJIĆ – Ja prilažem sve.) Ali ja moram zbog stenograma, mislim ako možete da sačekate da sad ne napuštate. (OMER BERBIĆ – Ja ne mogu priložiti.) Nema veze napisati ćemo da ste...Samo ćete se javiti.

VIJEĆNIČKA PITANJA I INICIJATIVE

Znači ide vam VIJEĆNIČKA PITANJA

Vijećnik Admir Čavalić njega nema znači njega...(SLAĐANA KRAJINA – Priložio.) On prilaže. Anel Ibeljić.

ANEL IBELJIĆ

Prilažem.

NATAŠA PERIĆ

Prilaže. Dobro Da li ima još neko pitanja? (ZIJA RIFATBEGOVIĆ – Imao bih ja koje nisam ni priložio ali ću vrlo kratko.) Samo malo. U redu. Jel prilažete ili? A hoćete dobro jedno po jedno. U redu. Vijećnica Sabiha Mujkanović. (SLAĐANA KRAJINA – Možete usmeno a da nam dostavite sutra mejlom u toku dana.) Molim vas malo pažnje samo. (SABIHA MUJKANOVIĆ MUJAČIĆ – Ja ću mejlom da ne trošim vrijeme.) (SLAĐANA KRAJINA –

Može naravno.)(SABIHA MUJKANOVIĆ MUJAČIĆ – Ja ću dostavit sutra.) Dobro vi ćete dostaviti. Sabiha Mujkanović će dostavit. Vi vijećniče Rifatbegović?

ZIJAH RIFATBEGOVIĆ

Ja ću vrlo kratko.

NATAŠA PERIĆ

Recite. (vijećnik Zijah Rifatbegović govori bez uključenog mikrofona op.a.) Samo mikrofon molim vas.

ZIJAH RIFATBEGOVIĆ

I odlučio sam od Mjesne zajednice Šićki Brod da ovo pitanje delegiram a odnosi se na napušteno izbjegličko izbjegličko naselje u Mihatovićima. Meni su poslali i slike, a ja sam imao dovoljno vremena da odem predveče da to i obiđem i da vidim. To naselje bivše u Mihatovićima za njeg je bilo već predloženih ovdje rješenja, bilo je razgovora o tome i bilo je obećano da će se to srušit da će se napraviti neki sportski tereni itd. itd.

Međutim, mještani Mjesne zajednice Šićki Brod su sad opravdano zabrinuti iz razloga jel se to sad postaje neka ilegalna deponija smeća i bukvalno vi tamo kad odete i pogledate vidite kolko je to smeće nagomilano to može postati ozbiljan problem i u smislu epidemije neke od zoonoza, odnosno zaraznih bolesti koje prenose je li ili glodari ili lisice ili bilo ko ko od-te od te kategorije životinja.

Iz tog razloga bih zamolio da se još jednom to pitanje aktivizira da se vidi šta i kako da se uradi sa, sa tim napuštenim naseljem gdje su krovovi potpuno porušeni, da se zaustavi dalje odlaganje smeća i da se pošalje epidemiološka služba koja će stavit pod nadzor mogućnost širenja, širenja bolesti ili možda neke epidemije. (NATAŠA PERIĆ – Molim vas malo tišine.) Ima samo jedna česma koja je upotrebljiva i na kojoj se nalazi voda koja je ponekad i pitka, ovisno od toga kolka je kontaminacija smeća i kolko to smeće prodire, odnosno prljavština u zemljine pore pa da kontaminira tu vodu, tako da mislim da je to jedno ozbiljno pitanje kojem treba pristupit dosta da kažem jel onako odma jel bez nekog velikog odlaganja i pokušat to stavit pod kontrolu. Kad god vi odete tamo u bilo koje doba neko će vas dočekati od članova mjesne zajednice i vidjet ćemo stvarno da je to više nego ozbiljno.

A vas molim, obzirom da je već bilo do sad planiranih rješenja, da su bila ponuđena rješenja u smislu rušenja i izgradnje sportskih terena ne znam i svega ostalog, nikad niko nije od mještana mjesne zajednice, odnosno oni koji predstavljaju mještane dobio neki pisani dokument ili odgovor na upit koji su oni poslali. Eto toliko. Hvala vam ljepo.

NATAŠA PERIĆ

U redu. Hvala. Samo ćete napismeno to sve. Vijećnik Berbić jeste i vi? (OMER BERBIĆ – Hoću ja imejlom da pošaljem?) Možete u redu.

Selma jeste vi? Jel usmeno il ćete priložit? (vijećnik Selma Ćatibušić govori bez uključenog mikrofona op.a.) Hajd. Hajd. Samo mikrofon uključite.

SELMA ĆATIBUŠIĆ

Samo bih htjela da pitam:

- Moja inicijativa vezana za asfaltiranje puta na Boriću dostavljen mi je odgovor da građani nisu platili u punom iznosu koliko su trebali njihovo 20%, pa njih samo zanima koliko još trebaju da uplate jer nisu dobili tu informaciju pa ako može služba da mi dostavi?

I drugo vijećničko pitanje:

- U skladu sa inicijativom kolegice Merime za asfaltiranjem ulice Titova 76-78 samo bi eto voljela i ja čuti dokle je s tom inicijativom, hoće se ići dalje i da se produži na ulicu Radojke Lakić? Toliko.

NATAŠA PERIĆ

U redu. Hvala. Vijećnik Hirkić.

HASIB HIRKIĆ

Zahvaljujem predsjedavajuća. Ja bi jedno vijećničko pitanje (NATAŠA PERIĆ – Molim vas malo tišine.) znači nama usmjerio na nas sve vijećnike. (NATAŠA PERIĆ – I kolegijalnosti.)

Pri imenovanju savjeta mjesnih zajednica bez obzira znači iz koje političke partije dolaze molio bi sve kolege vijećnike da oni koji su predloženi u savjete mjesnih zajednica da ih zamolite da dolaze na sastanke i da se odazivaju. Ima ih u mjesnim zajednicama po tri-četiri mjeseca ne dolaze uopšte, neki čak i po godinu dana nisu došli. (NATAŠA PERIĆ – Dobro.)

- Tražim znači, od Službe i od sekretara mjesnih zajednica da se istinski očituju prema Službi i da tako onaj ko ne bude prisustvovo sastanku savjeta mjesne zajednice, jel ima obavezu da bude onako tretiran kao i mi koji smo u komisijama Grada Tuzla nisi prisutan, ne možeš naplatiti i na taj način da se pokuša stat u kraj tom neradu. (NATAŠA PERIĆ – U redu.)

Ako može još samo inicijativa vezana za... (NATAŠA PERIĆ – Nije još inicijativa došla na red.) Pa mislio sam...

NATAŠA PERIĆ

Nemojte. Dobro. Imal još neko pitanje? Elvir Bijedić imate pitanje?

ELVIR BIJEDIĆ

Radi stenograma samo da kažem da ću svoje pitanje priložiti. (NATAŠA PERIĆ – U redu.) Hvala.

NATAŠA PERIĆ

U redu. Hvala.

Prelazimo na **VIJEĆNIČKE INICIJATIVE**

Ja ću krenut sa građanskom inicijativom koju je uputio Građanski pokret Buđenje i Karton revolucija, a dobili ste putem meila jel tako i u materijalima. 18.10.2022. oni su dostavili Gradskom vijeću građansku inicijativu za izmjenu Zakona o proglašenju dijela planine Konjuh zaštićenim pejzažom.

Građansku inicijativu ste dobili u materijalu.

Podsjećam vijećnike da je članom 164. Poslovnika Gradskog vijeća Tuzla propisano:

„Na sjednicama Gradskog vijeća građani mogu povremeno, u pravilu svaka tri mjeseca, postavljati pitanja i iznositi inicijative iz nadležnosti Gradskog vijeća, Gradonačelnika, službi za upravu, stručnih i drugih službi Grada Tuzla. Pitanja i inicijative iz prethodnog stava, dostavljaju se pismeno Gradskom vijeću, putem predsjedavajućeg Gradskog vijeća.

O čitanju pitanja i inicijativa odlučuje Kolegij.

Pitanja i inicijative iz stava 1. ovog člana se čitaju u okviru tačke vijećničkih pitanja .

Organi iz stava 1. ovog člana će dostaviti odgovor na postavljeno pitanje i izjasniti se o podnesenoj inicijativi u roku od 60 dana.“

U skladu sa citiranim odredbama, Kolegij Gradskog vijeća je odlučio da se građanska inicijativa Građanskog pokreta Buđenje i Karton revolucije buđenje nove generacije pročita na današnjoj sjednici Gradsko vijeća.

Pošto je velika inicijativa ja ću samo ukratko šta oni...Znam da ste dobili, ali radi stenograma. (SLAĐANA KRAJINA – Da se pročita. Mora zbog stenograma makar ukratko.) Ali ne mogu sve pročitati.

Znači, imamo ovdje potpise oni traže sljedeće izmjene:

Zabranu sječe šume, osim sanitarne sječe.

Zabranu lova i ribolova ako su u suprotnosti sa Zakonom i donešenim planovima-lovnoprivredna osnova, ribolovna osnova i drugo.

Zabranu sakupljanja ljekovitih biljaka osim sa odobrenjem i pod nadzorom Javne ustanove zaštićeni pejzaž „Konjuh“.

Zabranu prikupljanja primjeraka divlje flore i faune.

Zabranu unošenja invazivnih vrsta.

Zabranu saobraćaja putničkim vozilima osim iz člana 17. stav 1. tačka g.

Zabranu izgradnje u zonama postojećih vrela i

Zabranu svih ostalih aktivnosti koje mogu remetiti namjenu zone.

Znači, ovo je samo jedan dio, a vi ste vidjeli...

E sad VIJEĆNIČKE INICIJATIVE

Sabiha prilažete.

Admir Čavalić prilaže.

Anel Ibeljić prilaže.

Admir Hasanbašić.

ADMIR HASANBAŠIĆ

Prilažem.

NATAŠA PERIĆ

Prilaže.Vijećnik Mehmedinović.

SENAD MEHMEDINOVIĆ

Prilažem.

NATAŠA PERIĆ

Prilaže. Emir Čehajić.

EMIR ČEHAJIĆ – samostalni vijećnik

Prilažem.

NATAŠA PERIĆ

Prilažete. Hvala. Elvir Bijedić.

ELVIR BIJEDIĆ

Prilažem.

NATAŠA PERIĆ

U redu. Imal još neko neke inicijative? Ima vijećnik Omer Berbić. Jel prilažete? (OMER BERBIĆ – Imejlom.) Dobro imejлом. Mejлом Omer Berbić napišite.

Ima li još neko inicijativu? Hasib Hirkić dobro i Selma Čatibušić isto imejлом.

Zaključujem sjednicu Gradskog vijeća. Svako dobro.

SLAĐANA KRAJINA – sekretar Gradskog vijeća Tuzla

Samo ona tekuća. Konstatujem da je Gradsko vijeće primilo k znanju. Samo sekundu.

NATAŠA PERIĆ

Samo još sekundu.

Konstatujem da je Gradsko vijeće primilo k znanju **Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade Informacije o realizaciji aktivnosti na rješavanju stambenih problema raseljenih lica i socijalne kategorije stanovnika.**

Zaključujem sjednicu.

(S obzirom da je Dnevni red iscrpljen i 20. redovna sjednica Gradskog vijeća Tuzla zaključena ista je završena u 17:56 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.